

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

Quæstio III. De Temperantia ac virtutibus annexis, vitijsque oppositis.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

## Q V A E S T I O III.

De Temperantia, ac virtutibus annexis, vitijsque oppositis.

Sanctus Thomas 2. 2. q. 141. usque ad 170.

**A**bsolutur hæc quæstio decem dubitationibus. I. De ipsa temperantia secundum se, vitijsque oppositis, ac præceptis in genere. II. De partibus temperantie in genere; ac speciatim de duabus eius partibus integrantibus, veræcundia, & honestate. III. De abstinentia & sobrietate, velut partibus subiectiis temperantie, vitijsque oppositis, gula & ebrietate. IV. De ieiunio velut actu abstinentia, an & cuius virtutis sit actus. V. Ad quianam, quomodo & quosnam obliget præceptum ieiunij Ecclesiastici; & quinam ab eo excusentur. VI. De castitate, velut tertia parte subiectiis temperantie, & virginitate eidem subiecta. VII. De luxuria, varijsque eiusdem speciebus castitati oppositis. VIII. De partibus potentialibus temperantie, speciatim de continentia & mansuetudine, vitijsque oppositis. IX. De modestia in genere; deque humilitate, ac vicio opposto superbia. X. De studiositate, alijsque modestia speciebus, circa motus corporis, ac res exteriores.

## D U B I U M I.

De ipsa temperantia secundum se, vitijsque oppositis, ac præceptis in genere.

Sanctus Thomas 2. 2. quæst. 141. 142. & 170.

**V**eretur primò, an & qualis vittus sit temperantia. Respondetur ex doctrina S. Thomas q. 141. sequentibus assertionibus. I. Temperantia est virtus, & quidem specialis. Ita S. Thomas q. 141. a. 1. & 2. ex Aristotele 2. Eth. c. 7. & 4. Eth. c. 3. Itemque Augustino lib. de morib. Ecclesie c. 15. & 19. & Ambrosio 1. 1. de officijs c. 4. 3. Ratio est. Quia habet propriam honestatem, difficultatem ac materiam, utpote refrænans appetitum sensitiuum ab ijs, que maxime allicunt hominem, vt sunt delectabilia secundum tactum, cui etiam respondere aliquo modo donum timoris, notat S. Thomas eodem a. 1. ad 3. de qua re egimus tom. 2. d. 3. q. 6. dub. 1. & hic disp. 2. q. 1. dub. 3. & disp. 1. q. 6. dub. 5. vbi potius donum scientia; Temperantia respondere diximus.

**A**ssecuratio II. Temperantia vessatur circa concupiscentias & delectationes tactus, ac tristitia ex earundem absentia oriri solitas. Ita S. Thomas q. 141. a. 3. & 4. ex Aristotele 3. Ethic. c. 10. vbi ait: Temperantia proprie est circa concupiscentias, & delectationes tactus. Et Cicero lib. 2. de invent. ait: Temperantia est rationis in libidinem; atq; in alios impetus animi firma & moderata dominatio: illi alios scilicet non rectos impetus animi consequenter, in quantum ad moderationem priorum passionum sequitur moderationem posteriorum. Qui enim non immoderate concupiscit, consequens est, ut moderate speret, & moderate de absentia concupiscentiis trifletur, ut explicat S. Thomas cit. a. 3. ad 1. Et in eundem sensum Isidorus libr. Etymol. ait: Temperantia est, qua libido concupiscentia refranatur.

**R**atio est. Ad virtutes enim morales pertinet, passiones moderari, tum eas præcipue, quæ consistunt in fuga malorum sensibiliū; tum eas quæ consistunt in prosecutione honorū sensibiliū. Prima pertinet ad fortitudinem, ac virtutes atroxias, secundum ad temperantiam, ac proinde sicut fortitudo per se ac præcipue est circa timores; ex consequenti autem circa audaciam, quæ aggreditur terribilis sub specie alicuius boni: ita etiā temperantia, quæ moderationem quandam significat, præcipue consistit circa passiones tendentes in bona sensibiliā, scilicet circa concupiscentias & delectationes, ex consequenti autem, circa tristitias, quæ contingunt ex absentiā taliū delectationum.

Et sicut fortitudo est circa timores & audacias respectu maximorum malorum, quibus ipsa natura extinguitur, ut sunt pericula mortis: ita temperantia est circa concupiscentias maximarum delectationum; ut sunt delectationes ciborum & potuum; & delectationes venereæ; quæ omnes consequuntur sensum tactus. Consequitur enim delectatio operationem connaturalem seu naturam consonam; ac proinde tanto delectationes sunt vehementiores, quanto consequuntur operationes magis naturales; maxime autem naturales animalibus sunt operationes, quibus conservatur natura individui per cibum & potum; & natura speciei, per coniunctionem maris & foeminae.

Delectationes vero spirituales, etsi natura sua sint maiores delectationibus corporalibus, nō tamen indigent propria virtute moderare, cum per se ac suo genere sint secundum rationē. Vnde non sunt refranandas, nisi per accidens, in quantum

scilicet una delectatio spiritualis retrahit ab alia posteriori,  
et magis debita, iuxta S. Thomam cit. art. 4.

Aliorum vero sensum delectationes, quatenus quidem referuntur ad delectationem tactus, pertinent itidem ad temperantiam, non principali-  
ter, sed ex consequenti. In quantum autem sensibilia  
aliorum sensuum etiam per se, ac sine respectu ad ta-  
ctum, sunt homini conuenientia, ut cum delectatur  
musica seu suavi harmonia, non sunt materia-  
temperantie, iuxta S. Thomam ibidem ad 3. et si  
possint esse materia aliarum virtutum Eutrapelie,  
studiositatis. &c. quæ eiusmodi delectationes suf-  
ficienter moderantur.

**ASSERTIO III.** Et si quidem temperantia prin-  
cipaliter sit circa delectationem tactus, ut dictum;  
secundario tamen etiam est circa delectationes olfa-  
ctus, et visus, maxime vero gustus, velut sensu sta-  
tui propinquior: in quantum sensibilia horum  
sensuum conserunt ad delectabilem usum rerum  
necessiarum, quæ pertinent ad tactum. Ita S.  
Thomas q. 141. a. 5. vbi ita explicat dictum Ari-  
stotelis l. 3. Eth. c. 10. cum autem quod temperantia  
et intemperantia videntur gustu parum vel nihil  
uti.

Ratio est; Quia qualis est ordo bonorum sensibilium, ad conseruationem humanæ vitae, seu in specie, seu in individuo, talis etiam est habitudo eorumdem ad temperantiam, quæ versatur  
circa bona sensibilia, spectantia ad conseruationem humanæ vitae: bona autem illa sensibilia ad eum finem ita se habent, ut quadam seu uno quidem modo, quatenus præcisè sunt delectabilia secundum tactum, sint necessaria simpliciter ad eum finem; ut est ipse usus cibi & potus, persona viri & feminæ, alia vero sint solum ad hoc utilia, ut usus necessiariorum sit magis delectabilis, sicut pulchritudo ornatus famina, & sapor delectabilis in cibo, etiam odor: Ergo etiam ita se habent ad temperantiam, ut alia quidem sint principialis, alia vero secundaria eiusdem materia.

**ASSERTIO IV.** Regula temperantie, ex pre-  
sentis vita necessitate, per respectum ad ipsum operantem desumenda est. Ita S. Thomas q. 141. artic. 6. ex Augustino lib. de moribus Ecclesiæ cap. 21. vbi ait: Habet vir temperans in rebus huius vita regulam, utroque testamento firmatam, ut eorum nihil diligit, nihil per se appetendum pateret, sed ad vitam huius, atque officiorum necessitatem, quantum sat est usurpet, vivens modestia, non amans affectu.

Ratio est; quia delectabilia sensus, quæ in usum hominis veniunt, non sunt per se bona & expensa; sed solum quatenus ordinatur ad subleuan-  
dam aliquam huius vitae necessitatem, velut ad finem: ergo temperantia necessitatem huius vitae adhibet velut regulam delectabilium, quibus vivitur; ut scilicet tantum ijs vtratur, quantum necessitas huius vitae requirit. In quem sensum etiam Aristoteles 3. Eth. c. 11. ait; Temperatum appelle delectabilia propter sanitatem, vel propter bonam habitudinem.

Nec per se est peccatum, etiam ijs, quæ absolute non sunt necessaria, sed utilia ad eundem finem, moderate uti, pro loco, & tempore, & congruen-

tia eorum, quibuscum vivunt, ut notauit S. Thomas ibidem ad 2. ex Aristotele loc. cit. vbi ait. Tem-  
peratum etiam appetere alia delectabilia, que scilicet non sunt necessaria ad sanitatem, vel ad bonam  
habitudinem; non impedimenta his existentia: habita  
tamen ratione omnium circumstantiarum: ut  
non sint contra honestatem, nec supra substantiam  
am seu facultatem, vel conditionem ipsius per-  
sonæ, iuxta S. Thomam ibidem ad 3. ex Aristote-  
le & Augustino locis citatis.

**ASSERTIO V.** Temperantia est quidem  
virtus cardinalis, non tamen maxima virtutum;  
ut potest quæ cedit non solum prudentie, sed etiam  
iustitia & fortitudini. Ita S. Thomas q. 141.  
articulo 7. & 8. Prima pars sumitur ex Grego-  
rio libro 1. moral. cap. 36. Ratio est; virtus car-  
dinalis dicitur quæ principialis sibi vindicat  
aliquid ex ijs, quæ communiter requiruntur  
ad rationem virtutis: moderatio autem, quæ in  
omni virtute requiritur, præcipue laudabilis est in  
delectationibus tactus, circa quas est temperantia:  
tum quia tales delectationes sunt magis  
nobis naturales, & ideo difficilius est, ab eis  
abstinere, & concupiscentias earum refræna-  
re; tum etiam quia earum obiecta sunt magis ne-  
cessaria præsenti vita, ut ex dictis patet. Se-  
cunda pars constat ex dictis quæst. 2. dub. 1.  
quæsto 3.

Quæritur secundo, an & quænam vita tem-  
perantia opponantur. **ASSERTIO I.** Temperantie  
virtuti, duo vitia extrema opponuntur; unum  
per defectum, nempe insensibilitas; alterum per  
excessum, nempe intemperantia. Ita S. Thomas  
quæstione 142. articulo 1. & 2. ex Aristotele 2.  
Ethic. cap. 7. & libro 3. cap. 11. Probatur & de-  
claratur. Quia hoc ipso, quod temperantia in  
medio consistit, sit ut vtrinque vitium sibi oppo-  
situm habeat. Per defectum quidem, si quis adeo  
delectationem refugiat, ut prætermittat ea, quæ sunt  
necessaria ad conseruationem naturæ, quod pertinet  
ad vitium insensibilitatis. Cum enim ipsa vi natu-  
rae delectatio sit apposita operationibus necessariis ad  
vitam hominis, naturalis ordo requirit, ut homo in  
tantum huiusmodi delectationibus reatur, quantum  
est necessarium saluti humana, vel quantum ad  
conseruationem individui, vel quantum ad con-  
seruationem spei.

Sciendum tamen, inquit S. Thomas ibidem,  
quod ab huiusmodi delectationibus quandoque laudabile,  
vel etiam necessarium est abstinere, propter ali-  
quem finem. Sicut propter sanitatem corporalem ali-  
qui abstinent à quibusdam delectationibus ciborum,  
potuum, & venerorum; idque ex præscripto ip-  
sius temperantie: ijs enim quæ sanitatem vel bo-  
nam habitudinem impediunt, temperatus nullo  
modo vivitur: id enim esset peccatum contra temperantiam, iuxta S. Thomam, quæst. præced. artic. 6.  
Aliqui abstinent à quibusdam eiusmodi delectationibus,  
propter aliquius officii executionem, sicut athletas & mil-  
ites necesse est à multis delectationibus abstinere, ut offi-  
cium proprium exequantur. Et similiter patientes, ad  
recuperandam animæ sanitatem, abstinentia delecta-  
bilium, quasi quadam dieta vntuntur, & homines volen-  
tes contemplationi & rebus divinis vacare, oportet quod se  
magis

magis à carnalibus desiderijs, multisque delectabilibus abstrahant, à quibus illi, quibus ex officio competit operibus corporalibus, & generationi vacare, laudabiliter non abstinent.

Per excessum autem contra temperantiam peccatur, si quis plus delectationibus tactus indulget, quam sit necessarium, vel opportunum ad conseruationem humanae vita; idq; vitium generatum vocatur Intemperantia.

**ASSERTIO II.** Intemperantia est peccatum puerile, & vitium maxime probosum; maiusq; ex suo genere vitio timiditatis. Ita S. Thomas q. 142. artic. 2. 4. & 3. Prima pars sumitur ex Aristotele 3. Ethic. cap. vlt. Probatur & declaratur. Dicitur enim aliquid esse puerile duplicitate. 1. quia conuenit pueris: & sic peccatum intemperantiae non dicitur puerile, vt pote cui illi minus obnoxij sunt. 2. per quandam similitudinem, quam habet superflua concupiscentia cum puer. Primo quantum ad id, quod eterne appetit: sicut enim puer, ita & concupiscentia appetit aliquid turpe, hoc est, dissidenteum ordinis recte rationis, ad quem puer non attendit, & quem concupiscentia non audit, iuxta Aristotelem 7. Ethic. cap. 6.

Secundo quantum ad eventum, puer enim, si sua voluntati dimittatur, crescit in peruvacia, iuxta Eccli 30. v. 8. *Equus indomitus euadit durus, & filius remissus euadet præcepit.* Ita etiam concupiscentia, si ei satisfiat, manus rebur accipit, iuxta Augustinum l. 8. Conf. c. 5. *Dum seruitur libidini, facta est consuetudo. Et dum consuetudini non resistitur, facta est necessitas.*

Tertio quantum ad remedium, quod utriusque præbetur. Puer enim emendatur per hoc, quod coercetur, iuxta Prover. 23. vers. 13. *Nolite subtrahere à puer disciplinam: si enim percusseris eum virga, non morietur. Tu virga percuties eum, & animam eius de inferno liberabis.* Similiter & concupiscentia, dum ei resistitur, reducitur ad debitum honestatis modum, iuxta Augustinum libro 6. de musica cap. 11. vbi ait: *Mente in spiritualia iusta, atque ibi fixa, & manente, consuetudinis impetus frangitur, & paulatim repressis exinguuntur.* Major enim erat cum sequeremur, non omnino nullus, sed certe minor, cum frenamus.

Secunda pars assertionis sumitur ex Aristotele 3. Ethic. cap. 10. Ratio est: tum quia intemperantia maxime repugnat excellentiae hominis, hoc ipso, quod est circa delectationes communes nobis & brutis, ad quorum proinde conditionem hominem deiecit, iuxta illud psalm. 48. vers. 13. *Homo cum in honore esset, non intellexit: comparatus est iumentis insipientibus, & similis factus est illis.* Tum quia maxime repugnat hominis claritati vel pulchritudini in debito rationis ordine constituta; inquantum scilicet in delectationibus, circa quas est intemperantia, minus apparet de lumine rationis. Vnde & huiusmodi delectationes dicuntur maxime serviles. Et S. Gregorius libro 33. cap. 11. ait: *Vitia carnalia etiā sunt minoris culpe, sunt tamen maioris infamie.*

Tertia pars est Aristotelis 3. Ethic. cap. 12. Ratio sumitur, tum ex parte materiæ, seu objecti. Timiditas enim refugit pericula mortis, ad quæ vitanda inducit maxima necessitas conservanda vita. Intemperantia autem est circa immoderatas delectationes, quarum appetitus non est adeo necessarius, ad vitæ conseruationem. Tum ex parte ipsius hominis peccantis: idque triplici ratione. 1. Quia timores & tristitia graues, maxime in periculis mortis, magis hebetant & obstupeficiunt mentem hominis, quam delectationes. 2. Quia quod fit ex intemperantia, magis est voluntarium, quam quod metu fit, iuxta Aristotelem 3. Ethic. cap. 1. de quo actum tom. 2. disp. 2. quæstione 1. dub. 5. 3. Quia contra-intemperantiam potest facilius remedium adhiberi, quam contra timiditatem: non solum quia ad vitandam intemperantiam, maximum remedium est fuga, ut non immoretur homo circa singularium delectabilium considerationem; sed etiam quia usus temperantiae est quotidianus, vt pote in re quotidiana occupatus. Pericula autem mortis rarior occuruntur; & periculosius in his homo exercetur, ad timiditatem fugiendam.

Tertio quæritur, an & quænam extensio præcepta temperantiae; & an ea recte in lege diuina tradantur. Respondetur ex doctrina Sancti Thomæ quæstione 170. præcepta temperantiae esse duplices generis, vt sapientia de alijs virtutibus dictum. Alia enim sunt affirmativa, quæ obligant ad usum seu exercitium temperantiae, opportuno tempore & loco, in ordine ad debitam sustentationem humanæ vita, sive quoad speciem, sive quoad rationem individui, vt ex dictis colligitur, & suo loco de matrimonio uberior explicandum est. Alia sunt negativa, quibus prohibentur vitia temperantiae opposita, de quibus superioris actum est.

Vraque vero præcepta, tam de ipsa temperantia, quam de virtutibus temperantiae annexis, recte & conuenienter in diuina lege traduntur; quatenus in ipso decalogo prohibetur adulterium, non solum secundum quod opere exercetur: sed etiam secundum quod corde concupiscitur, quia in decalogo ea præcepta ponuntur, quæ directius ordinantur ad dilectionem Dei & proximi. Inter vitia autem temperantiae opposita, dilectioni proximi maxime videtur opponi adulterium, per quod usurpat quis sibi rem alienam, abutendo scilicet vxore proximi; cuius tamen generis præcepta multo plura in noua lege clarius explicata fuere, vt patet Matthæi 5.

Præcepta vero affirmativa in decalogo traditio non conueniebat; quia præcepta decalogi operari esse communia: usus autem & modus temperantiae variatur, secundum diversa tempora, & secundum diuersas hominum leges & consuetudines, vt ex Augustino lib. de bono coniugali cap. 15. notauit Sanctus Thomas quæstione 170. art. 1. ad 3.

Quod vero ad virtutes temperantiae annexas attinet, ex duplice considerari possunt; secundum se nimirum, & secundum suos effectus.

12

13

14

15

Priori

Priori modo non ponuntur in decalogo; quia non habent directam habitudinem ad dilectionem Dei vel proximi; sed magis respiciunt quandam moderationem eorum, quæ ad ipsum hominem (operantem) pertinent. Posteriori consideratione aliqua præcepta in decalogo ponuntur, pertinencia ad prohibendum effectus vitorum oppositorum temperantie partibus: quia haec ratione virtutes illæ respiciunt dilectionem Dei vel proximi. Sicut ex ira mansuetudini opposita procedit interdum aliquis ad homicidium, quod in decalogo prohibetur; aut ad subtrahendum debitum honorem parentibus, quod etiam potest ex superbia prouenire; ex qua etiam multi transgreduntur præcepta primæ tabulæ. Ita fere S. Thomas q. 170. a. 2. De qua repura tom. 2. disp. 5. quæst. 4. dub. 1. & 3.

## D V B I V M II.

## De partibus temperantie in genere; ac speciatim de duabus eius partibus integrantibus, verecundia &amp; honestate.

S. Thomas 2. 2. q. 143. 144. &amp; 145.

**16** Varitur primo, quot, & quenam sint partes temperantie in genere. Respondeatur cum S. Thoma quæstion. 143. a. vn. quemadmodum aliarum virtutum cardinalium, ita etiam temperantie triplices esse partes, videlicet integrales, subiectiæ, ac potentiales. Partes quasi integrales sunt due, scilicet verecundia, per quam aliquis refugit turpitudinem temperantie contrariam, & honestas, qua amat pulchritudo temperantie, has enim velut conditions necesse est concurrere ad usum temperantie: quæ & peculiarem decoris cuiusdam laudem sibi vindicat; & cuius opposita via maximam turpitudinis notam annexam habent, ut dictum.

**17** Partes autem subiectiæ temperantie, quæ distinguuntur secundum diversitatem materie, vel obiecti, sunt quatuor. Delectationes enim tactus, in quibus frænandis versatur temperantia, dividuntur in duo genera. Nam quedam ordinantur ad nutrimentum, & in his, quantum ad cibum est abstinentia; quantum autem ad potum est sobrietas. Quædam vero ordinantur ad vim generativam: & in his quantum ad delectationem principalem ipsius coitus, est castitas: quantum autem ad delectationes circumstantes, quæ sunt in oculis, tactibus, & amplexis, attenditur pudicitia: quam tamen proprie non esse virtutem specialem à castitate essentialiter distinctam, patebit inferius dub. 6.

**18** Partes autem potentiales, seu virtutes secundarie, sic dictæ quod modum operandi, quem principalis virtus obseruat circa aliquam principalem materiam, eundem obseruant in quibusdam alijs materiaj non ita difficulter, rursum sunt triplicis generis, pro triplici moderatione seu refræna-

tione appetitus, in aliiquid tendentis, quam virtutes in certa materia efficiunt: nimirum 1. In interioribus motibus animi. 2. in exterioribus motibus & actib⁹ corporis. 3. in exterioribus rebus. Nam præter motum concupiscentie, quem moderatur & refrænat temperantia, tres motus inueniuntur interni animæ in aliiquid tendentes. Primus est motus voluntatis, commotus ex imperio passionis; quem motum refrænat continens; qua fit, ut licet homo immoderatas concupiscentias patiatur, voluntas tamen non vincatur. Secundus motus interior in aliiquid tendens, est motus spei, & audacia, que ipsam consequitur; & hunc motum moderatur sive refrænat humilitas. Tertius motus est ire, tendens in vindictam, quem refrænat mansuetudo, sive clemensia.

Circa motus autem & actus exteriores corporis, moderationem & refrænationem inducit modestia; quam Andronicus rursum dividit in bonam ordinationem, decentiam seu ornatum, & austernitatem, seu potius decentrem grauitatem.

Circa exteriora vero duplex moderatione est adhibenda. Primo quidem, ut superflua non requirantur, & quantum ad hoc ponitur à Macrobius lib. 1. in somniū Scipionis Parcitas, & ab Andronico per se sufficientia. Secundo vero non nimis exquisita requirantur, & quantum ad hoc ponit Macrobius moderationem, Andronicus vero simplicitatem.

Qua ratione vniuersim sex partes potentiales, seu virtutes temperantie adiunctæ constituantur, nimirum continentia, humilitas, mansuetudo seu clemensia, modestia, parcitas, & moderationis, sive simplicitas. E quibus etiam Cicero libro 2. de inventu. tres recenset, nimirum continentiam, clementiam, & modestiam, sub qua ille comprehendi voluit omnia, quæ pertinent ad moderationem corporalium motuum & exteriorum rerum, atque etiam moderationem spei, quam ad humilitatem pertinere dictum est, iuxta S. Thomam cit. quæstione 143. a. vn. ad 4. Et si reuera humilitatis virtus parum Ethnicis perspecta fuerit.

In eundemque sensu intelligenda est partitio temperantie, apud Macrobius cit. lib. 1. in somniū Scip. vbi dicit, quod temperantiam sequitur modestia, verecundia, abstinentia, castitas, honestas, moderationis, parcitas, sobrietas, pudicitia. Sed an omnes istæ quas retulimus ex S. Thoma, sint veræ partes potentiales temperantie, virtutesque ab ea distinctæ, de singulis inferius sigillatim dicetur.

Quæritur secundo, quid, & in quibus sit verecundia. Respondeatur cum S. Thoma q. 144. sequentibus assertiōibus I. Verecundia proprie non est virtus, licet sit quadam laudabilis passio; qua ratione late aliquatido virtus dicitur. Ita S. Thomas q. 144. a. 1. ex Aristotele 2. Eth. c. 7. & lib. 4. cap. vlt. Ratio est; Quia virtus est habitus electus, seu ex electione operans, & si statum perfectum habeat, excludit in operante timorem rei turpis & probrosæ, velut mali possibilis & ar-

dui,

dū, seu difficilis ad vitandum; neque etiam actu admittit aliquid turpe, vnde probrum timeatur. Verecundia autem, cum nihil aliud sit, quam timor alicuius rei turpis & probrosæ, propriè non est habitus, sed passio, neque motus eius est ex electione, sed ex impetu quodam passionis; neque excludit timorem seu opinionem rei turpis, velut possibilis & arduæ, seu difficilis ad vitandum, sed eum timorem potius includit, vedi cùm ergo utraque de causa deficit à ratione perfectæ virtutis: et si reuera posterior causa non excludat essentiam, sed solum statum perfectæ virtutis.

<sup>22</sup> Neque vero verecundia est pars temperantie, quasi intrans essentiam eius, inquit Sanctus Thomas articulo 4. ad 4. sed quasi dispositio se habens ad ipsam, iuxta Ambrosium lib. 1. de officijs c. 4. assenserem, verecundiam iacere prima temperantia fundamenta.

<sup>23</sup> ASSERTIO II. Verecundia primo ac principaliter ipsum vituperium respicit ac timerit; secundario autem vitiosam turpititudinem. Ita S. Thomas quæst. 144. art. 2. ex Damasceno lib. 2. cap. 15. & Gregorio Nysseno l. 4. de creat. hom. cap. 14. Ratio est. Timor enim proprie est de malo arduo, quod difficile vitatur; turpitudinem vitiosa, in deformitate actus voluntarii posita, proprie loquendo non habet rationem mali ardui: quod enim in sola voluntate consipit, non videtur esse arduum, & eleutum supra hominū potestatem, iuxta Aristotelem 2. Rhetor. c. 5. vbi idcirco negat, horum malorum esse timorem. Alia vero est turpitudine quasi poenalis, posita in vituperio; quod habet rationem mali ardui, sicut honor habet rationem boni ardui.

Cum ergo verecundia proprie sit timor turpitudinis, necesse est, vt primo & principaliter respiciat vituperium seu opprobrium, & ex consequenti turpitudinem vitiosam: idque rursum dupliciter; vel nimirus vt quis definat vitiosam agere propter timorem vituperij; vel vt in turbibus, quæ agit, ob eandem causam vitet conspectus publicos; quorum primum, secundum Gregorium Nyssenum lib. 4. de creat. cap. 14. pertinet ad erubescientiam; secundum ad verecundiam, cum ait: Qui verecundatur, occultat se in his quæ agit: qui vero erubescit, timerit incidere in ingloriationem.

<sup>24</sup> Bona vero, seu actus virtutum nequaquam sunt materia verecundiae; licet ob imperfectionem virtutis nonnunquam accidat, vt quis verecundatur de probris propter virtutem illatis: sive quia ab aliis, quæ recte sunt habentur virtiosæ; sive quia homo refutat in operibus virtutum notam presumptionem, aut etiam simulationem.

Quo vero quisque magis est virtute prædictus, eo magis contemnit exteriora bona vel mala, iuxta præceptum Isaïæ 51. v. 7. Nolite timere opprobrium hominum: & illud Christi Luca 9. vers. 26. Qui me erubuerit, & meos sermones, hunc Filius hominis erubescet.

<sup>25</sup> ASSERTIO III. Cæteris paribus, magis verecundamur, à personis coniunctis, cum quibus semper sumus conuersatur; quasi nobis ex hoc per-

petuum obueniat detrimentum. Quod autem probrum prouenit à peregrinis & transiuntibus, quasi momentaneum facile contemnitur. Ita S. Thomas q. 144. a. 3. ex Aristotele 2. Rhetor. c. 6. Et addit; cæteris paribus, magis verecundari homines coram sapientibus & virtuosis, propter iudicij perfectionem; non autem coram pueris & bestijs, quibus nullum est iudicium. Secundo magis coram ijs, qui possunt plus prodeſſe, vel obesse, quales communiter sunt etiam personæ magis coniunctæ; nisi in ipsis peccati societate coniunctæ sint, à quibus nemo verecundatur, hoc ipso, quod existimamus, eos defecutum nostrum non apprehendere, vt aliquid turpe.

<sup>26</sup> ASSERTIO IV. Neque senes, neque scelerati, neque probriæ perfecti homines verecundia mouentur; quod tamen illis diversis de causis accedit. Ita S. Thomas q. 144. art. 4. ex Aristotele 4. Ethic cap. vlt. Probatur & declaratur: quia cum verecundia sit timor alicuius turpitudinis, duo ad eam requiruntur; & vt turpitudine pro re mala habeatur, & vt verecundanti æstimetur possibilis ac vitatu difficultis. Ex defectu prioris conditionis, carent verecundia homines scelerati, iuxta illud Ieremiæ 3. v. 3. Frons mulieris meretriciæ facta est tibi; nolusisti erubescere. Ex defectu secundæ conditionis, senes & virtuosi verecundia carent; qui tamen ita simul dispositi sunt, vt si in eis esset aliquid turpe, de hoc verecundarentur, iuxta Aristotelem loc. cit.

<sup>27</sup> Quaritur tertio, quid sit honestas, seu honestum, & qua ratione ad virtutem, itemque bonum vile & delectabile se habeat.

ASSERTIO I. Honestas, seu honestum ad virtutem pertinet, sive tanquam genus virtutum, idemq; cum virtute; sive tanquam proprietas virtutem consequens. Est mens S. Thomæ q. 45. a. 1. Probatur & declaratur; quia tametsi honestas etiam alijs modis accipiatur, vt pro diuitijs & exteriori prosperitate, velut iuxta vulgi opinionem honore digna, Eccli 11. v. 14. & 25. itemq; pro decentia morū in externa conuersatione, iuxta 1. Cor. 14. v. 40. nonnunquam etiam, vt quiddam comune est omni bono per se experibili, iuxta Ciceronem 1. 2. de inuent. proprie tamen ac principaliter tum pro ipsa virtute sumitur, iuxta Ciceronem 1. 1. de officijs & 1. 2. de inuent. vbi honestum diuidit in quatuor virtutes principales; tum dignitatem, adeo; proprietatem virtutis, secundū quam virtus est honore digna. Dicitur enim iuxta Isidorū lib. 10. Etymol. c. 8. honestas, quasi honoris status, adeo; honestum quod est honore dignum. Debetur autem honor excellentiæ; quæ in virtute potissimum cernitur, velut dispositione perfecti ad optimum, iuxta Aristotelē 7. physic. text. 17. & 18.

<sup>28</sup> ASSERTIO II. Honestum, & spirituale decorum, sunt idem. Ita S. Thomas q. 145. a. 2. ex Augustino l. 83. q. 30. vbi ait: Honestatem voco intelligibile pulchritudinem, quam spiritualem nos proprio dicimus. Et infra: Autalia sunt pulchra visibilia, quæ minus proprie honesta appellantur. Ratio est: qui ad rationem pulchri sive decori pertinet claritas & debita proportio, iuxta Dionysium cap. 4 de diuin. nomin. par. 1. vnde pulchritudo corporis in hoc consistit, quod homo habeat membra corporis bene proportionata.

cum quadam debiti coloris claritate. Pari igitur ratione, decor seu pulchritudo spiritualis, in eo consistit, ut vita moresque hominis sint bene proportionati, secundum spiritualem rectam rationis claritatem; quod ad rationem honesti ac virtutis pertinet.

**ASSERTIO III.** Honestum delectabile, & utile, quamvis subiecto eadem sint, ratione tamen inter se differunt. Ita S. Thomas quæst. 145. art. 3. Probatur & declaratur. Honestum enim dicitur aliquid, secundum dignitatem & excellentiam virtutis, honore dignam; delectabile, quod appetitum quietat, & suauiter afficit; utile, quod per modum medij ad aliud consequendum refertur. Cum igitur omne honestum sit secundum rationem ordinatum, adeoq; naturaliter homini conueniens, ac simul utile ad felicitatem, tanquam ad finem, consequens est, omne honestum esse etiā delectabile, & utile: sicut etiā omne utile delectabile est; non vero contra omne delectabile honestum & utile, nec omne utile honestum, vt docet etiā Aristoteles 2. Eth. c. 3. Quæ etiā ita se habent respectu appetit⁹, vt honestum & delectabile sit ppter se ipsum extendū; utile autem formaliter non nisi ppter aliud, vt post Aristotelē 10. Eth. c. 2. & Augustinū 1.8. q. 30. docet S. Thomas ibidē ad 1. ex comuni, & pluribus dictum tom. 2. disput. 1. q. 1. dub. 1. n. 8. & dub. 3. num. 33.

**ASSERTIO IV.** Honestas dicitur pars integralis temperantiae, per modū cuiusdam conditionis, qua in ipsa temperantia potissimum ac speciali ratione elucet. Ita S. Thomas q. 145. ex Macrobius lib. 1. in somniū Scip., & Ambrosiol. t. de officijs c. 43. Ratio est; qualiter alioquin honestas, vt dictū, cui libet virtuti conueniens sit, specialitatem quadam ratione tribuitur temperantiae; qua ab homine id, quod est ei turpissimum & indecentissimum, repellit, scilicet brutales voluptates; qua quidē est conditio, seu potius affectio velut intrinseca ipsius temperantiae.

### D V B I V M III.

#### De abstinentia, & sobrietate, ve- luti partibus subiectuis tempe- rantia, vitijsq; oppositis, gula & ebrietate.

S. Thomas 2. 2. q. 146. 148. 149. & 150.

**A**bstinentiam & sobrietatem esse partes qualium subiectuias, seu species temperantiae, constat ex dictis du. 2. de quibus in praesenti quatuor quæsita ex doctrina S. Thoma breuiter explicandasunt. 1. de abstinentia. 2. de gula, tanquam vitio opposito abstinentie. 3. de sobrietate. 4. de ebrietate vitio opposito. De ieiunio vero velut actu abstinentia agemus dubio sequenti.

Primum igitur queritur, an & qualis virtus sit abstinentia. Respondeo cum S. Thoma q. 146. a. i. & 2. duabus assertionibus. 1. Abstinentia est virtus, & quidē specialis, vt tradit etiam Macrobius l. 1. in som. Scip. Probatur ex 2. Petri 1. v. 5. *Vos autem*

*curam omnem subinferentes, ministrante in fide vestra virtute, in virtute autem scientiam, in scientia autem abstinentiam, in abstinentia autem patientiam, in patientia autem pietatem. Vbi abstinentia alijs virtibus annumeratur.*

Ratio est. Licet enim abstinentia nonquam absolute ciborum substantiam seu carentiam lignificet, iuxta illud Glossa Rom. 14. ad illa verba: *Non est regnum Dei esca & potus, afferentis, nec in abstinentia, nec in manducando esse iustitiam;* qua ratione abstinentia etiā negat virtutem, negat actum virtutis, sed quiddam indifferens significat; in praesenti tamen, prout significat voluntaria abstinentia seu moderationem in cibo, ratione regulatam, virtutem, ac quidem specialem significat, versantem in moderatione appetitus & delectationis edendi, vel eriam bibendi, quatenus potus præcise est pars quædam secundaria integræ & ad humanæ vite sustentatione necessariæ refectionis, iuxta S. Thomam q. 150. a. 2. ad 2.

Quam virtutē S. Petrus comprehendat verbis citatis, quibus dicitur, *in scientia esse abstinentiam ministrandam, vt scilicet homo à cibis abstineat, prout oportet, pro congruentia hominum, cum quibus vivit, & persona sua, & pro valetudinis sua necessitate,* iuxta Augustinū l. 2. quæst. Euangel. c. 11. Quamvis si moderationis ciborum secundum quantitatem & qualitatem solum referatur ad valetudinem corporis, non ad interioris animæ affectiones, bonum rationis; non ad virtutem abstinentiae, sed potius ad artem medicinæ pertineat, iuxta S. Thomam ibidem a. 2. ad 2.

Nec obstat primo, quod abstinentia sit quæda corporis castigatio ad castitatem utiles, iuxta Augustinū seu Fulgentiū de fide ad Petrum c. 42. Ex quo sequi videtur, non esse virtutē à castitate distinctā: quia hoc est commune omnibus virtutibus, vt una aliam adiuuet.

Nec obstat secundo, quod nulla specialis virtus statuitur circa moderationē vestimentorum. Vt enim vestimentorum, inquit S. Thomas cit. a. 2. ad 3. est introductus ab arte, vsus autem ciborum à natura. Et ideo magis debet esse virtus specialis, circa moderationē ciborum, qua circa moderationē vestimentorum. Adde, hanc satis procurari per alias virtutes, puta humilitatem, modestiam, parcitatem, & simplicitatem, de quibus inferius agemus.

Nec tamē plane absurdū fuerit, etiā peculiarē virtutē, in decēti vestitus moderationē positā constitutere, sive eam sobrietate diuerso sensu, quam superioris dictum, sive modestiam aut decentiam, in vestitu appellare libeat.

Nec obstat tertio illud Apostoli 1. Cor. 18. v. 8. *Escā nos non commendat Deo. Negā enim si manducauerimus abundabimmo; neq; si non manducauerimus, deficiem⁹;* scilicet spiritualiter. Quamvis enim vltis ciborum, & eorum abstinentia, secundum se considerata, non pertineat ad regnum Dei, sive ad salutem animæ; vtrumq; tamen eorum, secundum quod sit rationabiliter ex fide & dilectione Dei, pertinet ad regnum Dei, vt bene S. Thomas cit. a. 1. ad 1.

**ASSERTIO II.** Abstinentia virtus, licet à defectu seu negatione detinatur, consistit tamē in medio. Ita S. Thomas q. 146. a. 1. ad 3. ex comuni. Ratio est; quia abstinentia sortitur communem rationem

rationem temperantiae, quæ itidem in medio consistit, licet à defectu deminuitur. Quod quidem ideo accedit, quia sicut laus fortitudinis consistit in quodam excessu, ut animus firmetur contra timores, à bono rationis auocantes; ita etiam laus temperantiae, cuius est refrenare delectationes, potissimum confessit in quodam defectu; ex quo ipsa & omnes eius partes denominantur.

<sup>37</sup> Quæritur secundò, an, quale, & quotuplex peccatum sit gula, abstinentiae apposita. ASSERTIO I. Gula est peccatum, & quidem mortale, si quis ob gulæ inordinatam cupiditatem, aliquid in lege diuina sub peccato mortali præceptum deliberate omittat. Ita S. Thomas q. 148. a. 1. & 2. Probatur ex S. Gregorio 30. Moral. cap. 25. qui ait: Dominante gula virtus, omne quod homines fortiter egerunt, perdunt; & dum venter non restriguntur, simul cunctæ virtutes obruuntur. Ratio est; quia gula cum sit inordinatus appetitus edendi & bibendi, recedit à recte rationis ordine & præscripto.

Quod si quis delectationi gulæ ita inhæreat, tanquam fini, propter quem Deum contemnit, paratus scilicet contra præcepta Dei agere, vt delectationes huiusmodi consequatur, peccatum vtique mortale committere; ut in omni materia accidit. Sivero in virtute gula intelligatur inordinatio concupiscentiae, tantum secundum ea, quæ sunt ad finem, utpote quia nimis concupiscentia delectationes ciborum, non tamen ita quod propter hoc faceret aliquid contra legem Dei (hoc est contra finem legis) est peccatum veniale. S. Thomas eit. a. 2.

Ex quo etiam q. 50. a. 2. ad 2. notandum, ad virtutem gulæ pertinere, non tantum plus sumere in cibo, sed etiam in potu, quam necesse sit; nempe considerando potum, vt præcisè est pars refractionis necessaria, vt superius dictum, alia autem ratione potus ad ebrietatem pertinet, vt dicemus.

<sup>38</sup> ASSERTIO II. Gula non est maximum peccatorum; sed ex suo genere ac per se plerisque alijs peccatis minus. Ita S. Thomas q. 148. a. 3. iuxta Gregorium lib. 33. Moral. cap. 11. afferente, virtus carnalia esse minor culpa. Ratio est. Quia siue gula spectetur ex parte materie, minus est ijs peccatis, quæ sunt circa res diuinæ; adde etiam ijs, quæ graue nocumentum proximo adferunt: siue spectetur ex parte peccantis, facilius veniam, quam alia pleraque meretur, tum propter necessitatem assumptionis ciborum, tum etiam propter difficultatem discernendi & moderandi id, quod in talibus convenit.

In quem sensum Gregorius 30. Moral. cap. 28. ait: Quia per eum voluptas necessitati misetur, quid necessitas petat, & quid voluptas suppetat, ignoratur. Et Augustinus lib. 10. confess. cap. 31. Quis est Domine, qui aliquantulum extra metas necessitatis cibum non sumit?

Per accidens tamen, & ratione effectus consequentis, virtutem gulæ habet quādam magnitudinem, in quantum ex ea oriuntur diuersa peccata; in quibus est etiam derrement corporalis sanitatis &c. iuxta illud Ezechielis 6. v. 49. Ecce haec fuit iniquitas Sodome fororis tuae, superbia, saturitas panis, & abundantia, & otium ipsius & filiarum eius: & manum egeno & pauperi non porrigeant. Vnde

Gregorius 30. Moral. cap. 26. Ad confitum spirituali aporis non assurgitur, si non prius intra nosmetipsum hostis positus, gula videlicet appetitus, edomatur.

ASSERTIO III. Gula est virtus capitale; cuius quinque numerantur filiae, scilicet ineptia, latitia, securitas, immunditia, multiloquium, & hebetudo mentis. Ita S. Thomas quæst. 148. art. 5. & 6. ex S. Gregorio cap. 30. moralium. Ratio est; quia virtus capitale dicitur, ex quo alia virtus oriuntur, secundum rationem causæ finalis, (nimurum præcipue, vt ex S. Thoma quæst. 148. art. vlt. notauit Caietanus hic a. 5.) eo quod habent finem seu obiectum mulum appetibile: quod in virtute gulæ cernitur.

Ex qua quidem varia virtus consequuntur, etiam aliquo modo in genere causæ finalis, saltem velut acceptata ex finis appetitu, sicut ex appetitu vindictæ causatur exilium, iuxta Caietanum ibidem: siue id virtutem gula spectetur ex parte animæ, siue ex parte corporis. Ex parte quidem animæ id accidit quadrupliciter. 1. quantum ad rationem, cuius acies hebetatur ex immoderatione cibi & potus, propter sumos states ciborum, perturbantes caput; unde nascitur hebetudo mentis. 2. quantum ad appetitum, qui deordinatur per inordinationem cibi & potus, quasi sospito gubernaculo rationis; ex quo nascitur inepta latitia. 3. quantum ad inordinatum verbum; & sic ponitur multiloquium. 4. quantum ad inordinatum actum; & sic ponitur securitas. Ex parte autem corporis ponitur immunditia, quæ facile ex superfluitate cibi nascitur.

<sup>40</sup> ASSERTIO IV. Recte distinguuntur quinque species gulæ, secundum has conditiones; præperum, laute, nimis, ardenter, studiose. Ita S. Thomas quæst. 148. ex S. Gregorio lib. 30. Moral. cap. 27. vbi ait: Quinque modis nos gula virtutem tentat: aliquando namque indigentia tempora præuenit; aliquando lauitores cibos querit; aliquando quæ sumenda sunt preparari accuratius appetit, aliquando in ipsa quantitate sumendi mensuram refectionis excedit; aliquando ipsa astu immensè desiderij aliquis peccat. Ratio est; quia pro varia consideratione tum ipsius cibi, secundum qualitatem, vel qualitatem; tum comestionis ac modi comedendi, variae eiusmodi vitiostates accident.

Et quamus ipse circumstantiae per se non constituant diuersas species, in praesenti tamen defectus diuersarum circumstantiarum, facit diuersas species gulæ, propter diuersa motiva ex quibus moralium species diversificantur. In eo enim qui querit lauitos cibos, excitatur concupiscentia ex ipsa specie cibi. In eo vero, qui præoccupat tempus, deordinatur concupiscentia, propter impatientiam more. Et idem patet in alijs. In loco vero, & in alijs circumstantiis, non invenitur aliud differens motuum, pertinentis ad usum cibi, quod faciat aliam speciem gulæ, inquit S. Thomas ibidem ad 1. & 2.

Quæritur tertio, an & qualis virtus sit sobrietas; & quid ad eam requiratur. ASSERTIO I. Sobrietas, quæ speciatim est circa potum inebriandi vim habentem, est virtus specialis Ita S. Thomas quæst. 149. art. 1. & 2. Et sumitur ex

Eccl. 31. v. 37. *Sanitas est animæ & corporis sobrius potus*, vbi sobrietas hoc ipso sensu accipitur; vt & à Macrobo lib. 1. in somm. Scip. qui sobrietatem specialem temperantiae partem constituit: et si alioquin sobrietas etiam generatim accipitur pro quacunque moderatione in quavis materia, præsertim temperantiae, & decentis habitus, vt videre est ad Titum 2. v. 2. 5. 6. & 12. & 1. Timoth. 2. v. 9. vbi præcipitur ut mulieres cum verecundia & sobrietate se ornent &c.

Ratio est; quia vbi inuenitur *speciale impedimentum rationis*, ibi necesse est esse speciale virtutem ad illud remouendum. Potus autem inebrians habet speciale rationem impediendi usum rationis, in quantum scilicet perturbat cerebrum sua fumositate: Ergo ad hoc impedimentum rationis remouendum requiritur *specialis virtus*, quæ est sobrietas. Ita S. Thomas cit. a. 2.

Quatenus vero cibus simul & potus impedit posunt bonum rationis, absorbendo eam per immoderantiam delectationis, ita circa vtrumque, cibum simul & potum, versatur abstinentia; quæ non est circa cibos & potus, in quantum sunt (præcise) nutritiæ, sed in quantum impedit rationem seu bonum statim ac ordinem rationis, iuxta S. Thomæ eodem a. 2. ad 1. & 2.

**ASSERTIO II.** Etsi in genere potus inebriatu*m*, vinum præcellit; non tamen eius potus per se illicitus est; sed solum per accidens; vel ex bibentis laſione, vel si mensuram excedat, aut contra volumus suscipiatur, vel scandali causa sit. Ita contra Manichæos aliosque veteres quoddam hæreticos, S. Thomas quæst. 194. art. 3. ex Hieronymo lib. 1. contra Iouinianum, ut refertur etiam Canon. Ab exordio, dist. 3.

Probatur ex scriptura Eccl. 31. v. 35. *Vinum in iucunditatem creatum est*, & non in ebrietatem ab initio. *Exultatio animæ & cordis vinum moderate potatum*. Item Matthæi 15. v. 11. *Non quod intrat in os coquinas hominem*. Et 1. Timoth. 5. v. 23. *Noli adhuc aquam bibere, sed modico vino vtere*, propter stomachum tuum, ac frequenter tuas infirmitates. Per accidens autem multa mala ex vino oriū constat. Eccl. 31. v. 38. *Vinum multum potatum irritationem, & iram, & ruinas multas facit*. Amaritudo animæ vinum multum potatum. Ebrietatis animositas, imprudentis offensio, minorans virtutem & faciens vulnera. Vnde subiungitur. In continuo vini non arguas proximum: & non despicias eum in iocunditate illius: verba improperij non dicas illi: & non premas illum in repetendo.

**ASSERTIO III.** Cum omnibus quidem, tam præcipue mulieribus & iuuenibus, ob proritatem ad voluptates corporis conseqüendas: senibus vero & honoratis personis, puta Regibus, Episcopis, & omnibus Ecclesiæ ministris, ac superioribus, ob tutendum rationis rigorem, quo hæpersonæ in primis indigent, sobrietas cumprimis est necessaria. Ita S. Thomas quæst. 149. art. 4. ex Apostolo, qui speciatim in prædictis personis sobrietatem requirit. 1. Timoth. 3. v. 2. *Oportet Episcopum irreprehensibilem esse & sobrium &c. non vinolentum*. Et v. 8. *Diaconos similiter pudicos, non bilingues, non multo vino dedicos*. Et v. 11. *Mulieres similiter pudicas, non detra-*

*bentes, sobrias*. Et ad Tit. 2. v. 2. *Senes ut sobrij sint, pudici, &c.* Et v. 3. *Anas similiter in habitu sancto non criminatrices, non multo vino seruientes &c. casas sobrias*.

Idem confirmatur ex historia veteri; nam vestitur Valerius Maximus lib. 2. cap. 1. Mulieres olim apud Romanos à vino penitus abstinebant. Sed & adolescentibus olim Romani usum vini vñq; ad annum ætatis trigesimum ademerunt, teste Eliano lib. 10. Var. cap. 9. Et Hieronymus epist. 22. ad Eustochiū sacras virgines monet, ut vinum fugiant, non secus ac venenum. Ratio constat ex dictis.

Quæritur quarto, an & quale vitium sit ebrietas. **ASSERTIO I.** Ebrietas est peccatum sobrietati oppositum secundum excessum. Ita S. Thomas quæst. 150. Probatur ex scriptura Proverb. 23. v. 29. *Cave, cuius patri vœ, cui rixæ, cui fouæ, cui sine causa vulnera, cui suffuso oculorum? nonne hi, qui commorantur in vino, & student calicibus eponitandu*m*?* Et ibid. v. 32. *Ne intearis vinum, cum sfenuderis in vitro color eius: ingreditur blandè, sed in nūissimo mordebit ut coluber*. Iiā. 5. v. 22. *Vœ qui potentes estis ad bibendum vinum, & viri fortes ad miscendam ebrietatem*. Et v. 12. *Vœ qui consurgitis manè ad ebrietatem sc̄landam, & potandum usque ad vesperū ut vino astutis*. Luc. 21. v. 34. Attende vobis, ne forte grauenter corpora vestra in crapula & ebrietate. Ephes. 5. v. 19. *Nolite inebriari vino, in quo est luxuria*. 1. Cor. 6. v. 10. *Nolite errare: neque fornicarij, &c. neque ebrios, neque rapaces regnum Dei possidebunt*. Gal. 5. v. 21. *Manifesta sunt opera carnis &c. ebrietates, comessationes &c.* Denique Rom. 13. v. 12. *Abyciamus opera tenebrarum, & induamur armis lucis. Sicut in die honeste ambulemus; non in confessiōibus & ebrietatis*.

Ratione declaratur assertio. Ebrietas enim dupliciter accipi potest. 1. Ut præcise significat defectum usus rationis, ex multo vino consequentum; qua ratione non est culpa, sed defectus penalis ex culpa consequens. 2. Accipitur pro actu eum defectum causante; qui quidem rursus dupliciter cum defectum causare potest, nimirum vel ex nimia vini fortitudine, præter opinionem bibentis. Quomodo ebrietas accidere potest sine peccato; præcipe (hoc est, saltem, ut rectè intellexit Caïtanus ibidem) si non ex negligencia hominis (qui id præuidere debebat) contingat. Et sic, inquit S. Thomas ibidem, creditur Noe inebriatus, ut legitur Genes. 9. Vel ex inordinata concupiscentia, & usu vini. Et sic ebrietas est peccatum, & continetur sub gula, scit species sub genere. Diuiditur enim gula in comedationem & ebrietatem, iuxta Apostolum loc. cit.

Nec obstat primo, quod ebrietas non habet vitium oppositum per defectum. Respondeatur enim cum S. Thomas eodem a. 1. ad 1. Habere quidem, sed id carere nomine. Nam ut Aristoteles ait. 3. Ethic. cap. 11. *In sensibiliæ, quæ opponitur temperantia, non multum contingit*. Et ideo tam ipsa, quæ omnes in species, quæ opponuntur diversis species temperantia nomine carent. Vnde & vitiū quod opponitur ebrietati, in nominatum est. Et tamen si quis scienter, inquit S. Thomas, in tantum à vino abstineret, ut naturam multum grauaret, à culpa immunitus non esset.

Nec

47 Nec obstat secundū, quod vt ex Gregorio refert S. Thomas ebrijs cum venia suo ingento sūt relinquendi, ne detersores fiant, si à tali consuetudine euellantur. Nam vt notat S. Thomas ibidem ad 4. aliquando correctio peccatoris est intermitenda, ne fiat inde deterior. In quem sensum Augustinus epist. 64. de comestationibus & ebrietatibus ait: Non aperere, quantum astimo, non dure, non impetuose ista tolluntur, sed magis docendo, quam iubendo; magis monendo, quam minando. Sic enim agendum est in multitudine peccantium: severitas autem exercenda est, in peccato paucorum.

48 ASSERTIO II. Ebrietas ex suo genere est peccatum mortale. Ita S. Thomas quest. 150. art. 2. vbi expresse dicit: si quis bene aduertat potum esse immoderatum & inebriantem, & tamen magis velit (direcē scilicet, vel indirecē) ebrietatem incurrire, quam à potu abstinere, propriam talem dici ebrium. Et sic ebrietatem esse peccatum mortale. Eademque est communis Doctorum sententia, vt dictum tom. 2. disp. 4. quest. 5. dub. 5. et si Martinus de Magistris apud Caietanum hic a. 1. & 2. & alij quidam contrarium dixerint.

Probatum tum ex scriptura, quae ebrietatem numerat inter opera carnis & tenebrarum, ut superius dictum; tum ex canone 42. Apostolorum vbi dicitur: Episcopus, aut Presbyter, aut Diaconus, alea, aut ebrietati deserviens, aut definans, aut deponatur. Subdiaconus autem, aut Lector, aut Cantor, similia faciens, aut definans, aut communione priuatur; similiiter & laicus: tales autem poena non infliguntur nisi pro peccato mortali, ut recte argumentatur S. Thomas argum. Sed contra. Accedunt ceteri patres, speciatim Basilius homil. 14. Ambrosius lib. de Elia & iejuniō. cap. 16. & 17. Hieronymus in epist. ad Gal. cap. 5. Chrysostomus homil. 57. ad pop. Antioch. & homil. 58. in Matth. & Augustinus serm. 23. 1. & 23. 2. de temp. qui omnes ebrietatem tanquam graue peccatum grauiter insectantur.

49 Ratio est, quia per ebrietatem inquit S. Thomas, homo volens & sciens priuat se v̄su rationis, quo secundum virtutem operatur, & peccata declinat: & sic peccat mortaliter periculo peccandi se committens. Dicit enim Ambrosius lib. 1. de Abraham cap. 6. Vtrandam dicimus ebrietatem, per quam vita casere non possumus. Nam quae sobri cœuemus, per ebrietatem ignorantes committimus: Vnde ebrietas per se loquendo est peccatum mortale. Ita S. Thomas.

Cuius tamen ratio non in hoc posita est, quod ex ebrietate per accidens nonnunquam peccata facile committantur; sed quia per se ac ex ipsa natura ebrietatis accidit, ut homo v̄su rationis destitutus, seipsum ex praescripto rationis regere, ac peccata vitare non possit, ut recte notauit Caietanus cit. art. 2.

50 Nec obstat, quod etiam dormiens sele v̄su rationis ad tempus priuat; non solum quia hoc fit necessario, ac secundum naturam; sed etiam quia dormiens cum oportunitum est, à somno excitatus, v̄sum rationis quasi pro libito recuperare potest; nec vero quamdiu dormit, quidquam operari bene aut male solet: secusit in ebrietate.

Quo sit vt ea ipsa voluntaria & innaturalis ac inordinata priuatio v̄lus rationis, etiam per se & se-

cluso peccati mortalis periculo, sit peccatum mortale, ut recte tandem concludit Caietanus hic a. 2. V̄sus enim rationis, inquit, est multo maius bonum, quam v̄sus domus; constat autem, quod priuans aliquem v̄su sua domus, non solum in perpetuum sed etiam ad tempus, p̄usa uno die, peccat mortaliter, quoniam v̄sus priuatus est bonum notabile, & tempore circumstantia non facit, ut pre nihil habeatur. Quanto ergo magis priuans proximum suum v̄su rationis per unum diem, peccat mortaliter? Et eadem ratione priuans seipsum v̄su rationis peccat mortaliter, quoniam v̄su rationis non est bonum voluntarium, sicut domus, sed est bonum naturale, sicut oculus, & cetera naturalia. In naturalibus autem ita peccat mortaliter priuans seipsum, sicut priuans proximum, quia homo non est dominus suorum naturalium, ut possit se illis priuare cum vult, sicut potest donare domum, & illius v̄sum. Inuenitur ergo in ebrietate, quae v̄sum rationis violenter tollit, iniuriosa (sive inordinata) priuatio notabilis boni ex suo genere, nec ex imperfectione actus propter breve tempus excusat, sicut nec excusatetur, si tanto tempore quis violenter impediret aliquem ab usu manuum suarum ligando illas. Ita Caietanus.

Tamen hī antea dubie loquutus fuit, an una ebrietas si per se peccatum mortale, quasi non sit, nisi sit assidua. Quae videtur, inquit, sententia Augustini serm. 4. in die animarum, vbi distinguendo peccata mortalia à non mortalibus, ponit ebrietatem, si sit assidua, inter mortalia. Hoc idem sentit Glotta ad Gal. 5. in verbo ebrietates, & D. Thomas met ibidem glossat assidue, & in questionibus de malo quest. 2. art. 8. ad 3. & quest. 7. art. 4. ad 1. sentit, quod ebrietas non est peccatum mortale ex suo genere. Et haec opinio sequaces multos inueniret, nisi auctoritas tanti Doctoris hic, & superius 1. 2. q. 38. a. 5 ad 1. & super epistolam ad Rom. 1. 5. expresse obstat. Ita Caietanus

Sed sanè plus obstat & scriptura & SS. Patres, & ratio, & communis sensus ipsorum fidelium. Et quod S. Thomas in prioribus libris pertransferat, inquit Caietanus, supponendo cum alijs, quod ebrietas erat veniale, postmodum ad altiora diuini lumine cum accessisset, in summa hoc determinauit, dicendo, quod est peccatum mortale ex suo genere; quia tanto bono, scilicet v̄su rationis, opponitur.

Nec obstat, inquit Caietanus, quod ebrietas materialiter, si necessaria est ex consilio medicinae, est licita. Non enim sequitur, quod peccatum ex suo genere sit licitum, propter bonum finem; sed bene sequitur, quod materia peccati ex suo genere licita sit, propter finem bonum quandoque. Detracit enim ex sua ratione est peccatum mortale; detracit tamen materialiter est quandoque licita, puta si aliter non potest peccatum proprium confiteri, aut si propter bonum anima illius expedite reuelare peccatum illius. Qui enim ex medicina necessitate se inebriat, vel alium, non nisi materialiter ebrietatem incurrit: quoniam non tendit ad delectabile, quod est formale in species intemperantiae, de quarum numero est ebrietas. Ita Caietanus, qui proinde expresse concedit, sanitatis causa ebrietatem esse posse licitam.

Verum adstrictius hic paulo loquitur S. Thomas hic art. 2. ad 3. vbi ait: Cibis & potus est moderandus, secundum quod competit corporis valetu-

dini. & ideo sicut quandoque contingit, ut cibus vel potus qui est moderatus sane, sit superfluous infirmo; ita etiam potest esse conuerso contingere, ut ille qui est superfluous sano, sit moderatus infirmo. Et hoc modo cum aliquis multum comedit, vel bibit, secundum consilium medici, ad vomitum prouocandum, non est reputandus superfluous cibus vel potus. Nectamen ad vomitum provocandum requiritur, quod sit potus inebrians; quia etiam potus aqua tepide vomitum causat; & ideo propter hanc causam non excusaretur aliquis ab ebrietate. Ita S. Thomas; qui tamen non videtur uniuersum negare, posse medicinæ causa licitam esse ebrietatem; sed negat solum, esse licitam ob vomitum prouocandum; quando is etiam alio potu non inebrante prouocari potest. Et sicut medicinæ causa accipere potum soporiferum, etiam cum ea ratione facultas euigilandi libera admittitur, non est illicitum; ita probabile est, non esse etiam illicitam ebrietatem, cum ea ad sanitatem necessariam videtur.

Verum ob solum dolorem inferenda sectione, alicuius membra, aliae graui ægritudine mitigandum, licitam esse ebrietatem, minime existimo, ne pariter etiam fatendum sit, licitum esse ijs, qui ad supplicium ducentur, postquam aliqui ad bene moriendum satis dispositi sunt, ebrietatem procurare, ad supplicium mortis leuandum; quod nemo dixerit, & est à communis sensu & praxi proborum & sapientum virorum prorsus alienum. Et ratio est videtur; quia cibus & potus, vti & medicina, natura sua instituta sunt, ad conseruandam vel acquirendam corporis validitatem, non autem ad alios fines extrinsecos: ergo licitum est ijs vti, quatenus & quantum necessitas & valetudo corporis id postulant, non autem contra temperantia præscriptum, ob alios fines.

Sicut è contrario, quia semen natura sua institutum est ad conservationem non individui, sed speciei, non licet ob tuendam valetudinem, eius exceptionem alijs vijs innaturalibus directe procurare. Et confirmatur. Quia aliqui dicendum foret, etiam licitum esse se inebriare, si quis ad hoc metu, vel minis adigeretur, quod nemo idem dixerit.

**ASSERTIO III.** Ebrietas ex suo genere non est vitium ex omnibus grauissimum. Ita S. Thomas quæst. 150. art. 3. ex S. Gregorio 33. moral. cap. 11. vbi ait, *vitia spiritualia esse maiora, quam carnalia.* Ratio est; quia cum malum, adeoque peccatum consistat in priuatione boni, necesse est tanto malum seu peccatum grauius esse, quanto maius est bonum, quo priuat malum: at vero bonum diuinum est maius, quam bonum humanum; ergo peccata, quæ sunt directe contra Deum, adeoque directè priuant bono ad Deum pertinente, sunt grauiora peccato ebrietatis, quod directe opponitur bono rationis humanae.

Nec obstat, quod ebrietas penitus auferit usum rationis; quem tamen alia peccata non excludunt; quia plus habet de ratione mali id, quod contrariatur rationi, vti sunt cætera peccata, quam quod ad tempus usum rationis auferit. Usus enim rationis potest esse & bonus & malus, qui tollitur per ebrietatem;

sed bona virtutum, quæ tolluntur per ea, quæ ratione aduersantur, sunt semper bona, vt responderet S. Thomas ibidem ad 3.

**ASSERTIO IV.** Ebrietas quo minus voluntaria est, eo magis peccatum ex ea consequutum diminuit; adeoque cum inuoluntaria est, penitus à peccato excusat. Ita S. Thomas quæst. 150. a. 4. ex Augustino lib. 22. contra Faustum cap. 44. vbi docet, Loth excusari ab incestu propter ebrietatem, afferens; *Loth culpandum esse, non quantum incestus, sed quantum ebrietatis meruit.* Ratio est; quia nihil est peccatum, nisi voluntarium; & vnumquaque cæteris paribus tanto maius peccatum est, quantò magis voluntarium est, vt diximus etiam tom. 2. disp. 4. quæst. 3. dub. 3. vbi de hac re pluribus disputauimus. Quo spectant etiam ea, quæ in simili de ignorantia docuimus ibidem q. 9. dub. 1.

Nec obstat primò, quod S. Thomas hic cit. art. 4. dicit: *siactus precedens (inebrietatis) fuit culpabilis, sic non totaliter aliquis excusatur à peccato sequenti; quod scilicet redditur voluntarium ex voluntate precedenti actus, in quantum scilicet aliquis dans operam rei illicitæ, incidit in sequens peccatum.* Nam vt ex adiuncta ratione colligitur, aut solum est sermo de peccato secundum præsumptionem fori externi; aut certe sensus est, eo casu per se ac vniuersim ebrietatem non excusare à peccato sequenti: excusare tamen, si peccatum subsequens præsumptum nullo modo fuerit, nec adeo præuidiri potuerit, non negat S. Thomas, sed ex generalibus principijs supponit, vt loc. cit. fusius declaravimus.

Nec obstat secundò, quod iuxta Aristotelem, 3. Ethic. cap. 5. *ebrius mereatur duplices maledictiones.* Non enim dicit, inquit S. Thomas ibidem ad 1. quod mereatur *grauiorem maledictionem ebrius,* sed quod mereatur *duplicem maledictionem,* propter duplex peccatum. Vel potest dici, cum loqui secundum legem Pittaci, qui vt dicitur lib. 2. Polit. in fine, statuit, vt ebrij, si quem percuterent, plus punirentur, quam sobrij; eo quod plures iniuriarentur. In quo, vt Aristoteles ibidem ait, *videtur potius reflexisse ad communem usitatem,* scilicet ut cohiberentur iniuria, quam ad *veniam* (ac rei æquitatem) quæ habenda est ebrij, ob carentiam usus rationis. Quod si quis tamen & voluntariè, & deliberate se inebriasset, ac simul certò præuidisset homicidium ex ebrietate consequiturum, in eo ebrietas peccatum subsequens non diminueret, sed potius augeret, vt in simili dictum de ignorantia affectata loc. cit.

## DV B I V M IV.

*De ieunio, velut actu abstinentiae speciatim quid sit ieunium, & cuius virtutis actus; an item sit in precepto; & quanam sint Ecclesiastici ieunij tempora.*

S. Thom. 2. 2. q. 14 7. a. 1. 2. 3.

58 Quae ad hanc rem pertinent, claritatis causa, ad certa quæsita reuocabimus. Quæritur, primò, quid, & cuius virtutis actus sit ieunium.

**ASSERTIO I.** Ieunium propriè, ac in præsenti, est maior quedam virtus abstinentia, quam alioquin communis temperantia leges requirant, honesto & laudabili, ac præsertim spirituali aliquo fine assumpta. Ita S. Thomas quest. 147. art. 1. vbi licet solius cibi mentionem faciat; subintelligitur tamen etiam quicquid siue per se, siue cum alio iunctum nutrire potest, vt est potus vini, cereuisie, laetis, seu alterius liquoris, quædam vim reficiendi a nutriendi habentis.

59 Et additur ex eodem, *laudabili fine*; quia ieunium de quo loquimur, est actus virtutis; qualis ipsa per se abstinentia, cum sit res ex se indifferens, non esset. Et sufficit quicunque finis studiosus, seu ad virtutem pertinens, vt ieunium propter officium. Reipub. rectè administranda assumptum &c. Sed ad propositum præcipue pertinet finis spiritualis & fæcer, vt ipse S. Thomas ibidem docet; quia de ieunio potissimum sacro & religioso sermo est. Ieunium autem solius valetudinis causa assumptum, nisi valetudo ulterius ad finem honestum referatur, non est ieunium de quo agimus; quia non est actus virtutis, vt in simili de virtus moderatione dictum ex S. Thoma dub. præcedenti.

60 Ex quibus aliæ ieuniiorum notiones excluduntur, vt 1. ieunium, quod S. Thomas art. 2. vocat *metaphoricum*, à vitis & peccatis, de quo Isai. 58. & Augustinus tract. 17. in Ioann. & referuntur de Confessat. d. 5. Can. *Ieunium. 2. Naturale*, quod est abstinentia ab omni cibo & potu, etiam absque proposito peracta, iuxta S. Thomam cit. questione. 147. art. 1. ad 3. argum. 3. *Commune & latè acceptum*, à nonnullis morale dictum, quod est parsimonia virtus, iuxta consuetas leges temperantia. De quibus ieuniiorum modis hoc loco non agitur; sed solum de ieunio superius descripto: quod tamen rursum, aut est *Ecclesiasticum*, hoc est, communibus Ecclesiæ legibus definitum, vt inferius dicetur; aut *priuatum*, quod priuato cuiusque arbitrio assumitur. S. Thomas a. 3. illud vocat *ieunium Ecclesiæ*, hoc vero, *ieunium nature*.

61 **ASSERTIO II.** Ieunium, de quo loquimur, est virtutis actus. Ita S. Thomas quest. 147. art. 1. Probatur ex Apostolo 2. ad Corinth. 6. v. 5. *In vigilijs, in ieunis, in castitate*. Vbi ieunium

alijs virtutum actibus annumeratur. Ratio est; quia ad actum virtutis plus non requiritur, quam vt & opus ipsum ex se non sit malum, & ordinetur ad aliquod bonum seu finem honestum: utrumque autem conuenit ieunio; Ergo &c. Prime pars minoris probatur; quia nemo dixerit, esse per se ac intrinsecè malum, ob aliquam specialem causam honestam, minus cibi sumere, quam alioqui conueniret secundum communem statum, aut temperantia legem; cum id nonnunquam propter infirmitatem vitandam, aut ad aliquam pera etiam corporalia expeditius peragenda, licitum esse nemo negauerit.

Nec obstat, quod nullus actus virtutis reddit à medio virtutis; cum tamen ieunium recedeat videatur à medio virtutis abstinentia, in hoc posito, vt tantum cibi sumatur, quantum naturæ necessitati conuenit, cui per ieunium aliquid subtrahitur. Nam vt rectè respondet S. Thomas ibidem ad 2. medium virtutis, præsertim temperantie, non accipitur secundum quantitatem absolutam, sed secundum rationem rectam, iuxta Aristotelem 2. Ethic. cap. 6. à quo medio ieunium non recedere, iam antea declarauimus: dummodo tantum de cibo non subtrahatur, vt vel natura conservari non possit; vel homo reddatur impotens ad debita opera peragenda; quia vt ex Hieronymo refert de confessat. dist. 5. Canone. 24. Non medioriter errant, qui bono magno præferunt mediocre bonum. Nonne rationabilis homo dignitatem amittit, qui vel ieunium charitati, aut vigilijs præfert sensus integratit; ut propter abstinentiam immoderatam, atque indiscretam psalmorum vel officiorum decantationem, aut amenitatem, aut tristitia notam incurrat. Et infra. Audiant itaque, qui ea quæ necessaria sunt corpori subtrahunt, illud quod per prophetam Dominus loquitur: *Ego Dominus, odio habens rapinam holocaustorum*. De rapina vero holocaustum offert, qui siue ciborum nimia egestate, vel somni penuria corpus immoderate affigit. Quæ verba ita refert S. Thomas loc. cit. Non differt utrum magno vel parvo tempore te interimas; quia de rapina holocaustum offert, qui vel ciborum nimia egestate, vel manducandi, vel somni penuria, immoderate corpus affigit.

62 Ex quibus colligitur, mortaliter per se loquendo, & ex suo genere peccare eum, qui hac intentione ieunat, vt morbos incurrat, vel mortem acceleret; sicut etiam plus minuscule peccare eum, qui et si non intendat damnum, probabiliter tamen scit, se damnum aliquod notabile incursum: secus si quis bona intentione ac fide ieunet, licet nonnihil excédat, & postea damnum aliquod valetudinis incurrat; aut si quis ieunis, alijus exercitijs insensibiliter vitam abbreviet, vt tradunt Medina Cod. de ieunio q. 13. & Valentia pun. 3.

63 Altera pars minoris probatur; quia ieunium principaliter assumitur & ordinatur ad istos tres honestos fines; primo quidem ad concupiscentias carnis reprimendas. Vnde Apostolus loc. cit. ieuniis castitatem subiungit; quia per ieunia castitas conservatur. Ut enim Hieronymus lib. 2. contra Iouianum ait, *sine Cerere & Baccho friget Venus*, id est, per abstinentiam cibi & potus tepescit

*luxuria.* Secundò, vt mens liberius eleuetur ad sublimia contemplanda. Vnde Daniel cap. 11. post ieiunium trium hebdomadarum, reuelationem accepit à Deo. Idem probatur exemplo Moysis, & Eliae. Tertio ad satisfaciendum pro peccatu, iuxta illud Ieclis 2. v. 12. *Conuertimini ad me in toto corde vestro, in ieuiuio, & in fletu, & in planctu.*

66 Quibus adde quartò, ad impetranda à Deo beneficia animæ & corporis, exemplo Danielis, Iudith, & Esther, de quibus infra; & iuxta illud Matth. 17. v. 20. *Hoc génus demoniorum non excluditur, nisi per orationem & ieiunium.* Omitto corporalis ieiunij commoda, vt quod ad bonam valeritudinem, & vitæ diuturnitatem confert, quod morbos & humores noxios excludit, quod sensus externos & internos exacuit, ac proinde etiam intellectu quodammodo serenat, & ad suas functiones aptiorem reddit, vt videre est cap. Nihil & cap. Legimus de confessori dist. 5. Quo spectat etiam illud Augustini sermon. 230 de tempore: *ieiunium purgat mentem, subleuat sensum, carnem spiritu subducit, cor facit contritum & humiliatum, concupiscentia nebulas dispergit, libidinum ardore extinguit, castitatis verum lumen accendit.* Quod si propter fines terrenos, superius relatios, licitum ac honestum est ieiunium, quanto magis propter fines spirituales?

67 Nec obstat, quod ieiunium consistere videtur in pura negatione; sicut & ieiunium naturæ, quo quis dicitur ieiunus, antequam comedat, consistit in pura negatione; quod proinde etiam non est actus virtutis. Nam ieiunium, de quo loquimur, non est pura negatio, sed includit actum positivum, quo quis ex rationabili proposito à cibis aliqualiter (modo scilicet superius explicato) abstinet. Ad quod significandum, ieiunium naturæ, quod in pura negatione consistit, apud veteres Theologos dicitur *ieiunium ieiunij*, hoc vero *ieiunium ieiunans*, quasi ex proprie aliquid agentis, vt ait S. Thomas citat. artic. 1. ad 3.

68 ASSERTIO II. Ieiunium est actus virtutis abstinentiæ. Ita S. Thomas cit. quæst. 147 art. 2. ex Ilidoro, quem ibidem refert, afferente, *ieiunium esse parsimoniam virtus, abstinentiamque ciborum.* Ratio est; quia omnis actus virtutis circa aliquam materiam, ad illam virtutem pertinet, quæ medium in illa materia constituit. Ieiunium autem attenditur in cibis, in quibus medium statuit abstinentia. Ergo ieiunium est abstinentiæ actus.

69 Dices, actum ieiunij superius explicatum, habere diuersum motiuum à virtute abstinentiæ, idque pertinens vel ad castitatem, vel ad liberamentis elevationem in Deum, vel ad satisfactionem pro peccatis; cum tamen abstinentiæ motiuum consistat in mediocritate quamlibet conueniens refectio corporis postulat.

Respondeo hoc argumentum conuincere, ieiunium de quo agimus pertinere posse etiam ad alias virtutes, pura Religionem, castitatem, vel quamcunque aliam virtutem, ad cuius finem ordinatur, vt expresse etiam concedit S. Thomas cit.

artic. 2. ad 2. Nihilominus quatenus ob eos ipsos fines necesse est appetitum & delectationem cōdendi cohibere & moderari, idque in ordine etiam ad debitam corporis sustentationem, ne detrimentum aliquod valetudo patiatur, vt dictum, quodad temperantiam, ac speciatim ad virtutem, abstinentiæ pertinet; nihil obstat, quo minus ieiunium sub hac ratione præcise, per se, ac proprius sit actus abstinentiæ; cuius nempe est, in cibo & potu debitam corporis refectionem & sustentationem respicere, ac procurare, etiam cum respectu ad circumstantias debitis, ne loco, tempore aut modo importuno refectio quantumvis moderata indulgetur. Sic ad virtutem castitatis pertinet, à venereis delectationibus temperare etiam cum obligatio & ratio abstinentiæ à voto, adeoque obligatione Religionis oriatur.

Quæritur secundò, vtrum ieiunium sit in præcepto; ac speciatim, an recte Ecclesia præcepto constitutum sit. ASSERTIO I. Ieiunium, cedit sub præceptum legis naturæ. Ita Sanctus Thomas quæstione 147. artic. 3. ex commun. Ratio est; quia cum ieiunium sit vtile medium, ad deletionem & cohibitionem culpæ, & ad elevationem mentis in Deum ex dictis; quique ex naturali ratione tenetur tantum ieiunis ut, quantum ipsi necessarium est, ad prædicta. Et ideo, inquit S. Thomas, *ieiunium in communi cedit sub præcepto legis naturæ.*

Quia tamen, præter ieiunium, etiam alia suppetunt media carnem castigandi, & peccata vivandi ac expandi, non est cur facile quisquam, ob prætermissum ieiunium, extra tempus ab Ecclesia præscriptum, peccati damnetur, si modo cetera media adhibeat: et si pro conditione persona ipsorum etiam quandoque ieiunium merito necessarium iudicari possit; præsertim quia magis conaturaliter & ab intrinseco vitis & concupiscentijs carnis resilit, easque diminuit. In quem sensum etiam S. Thomas eodem art. 3. ad 1. ait, *ieiunium esse de necessitate præcepti, unicuique tali remedio indigentis; adeo ut multitudine hominum ut plurimum indigeat tali remedio: tum quia in multis omnies offendimus, ut dicitur Iacob. 3. tum etiam quia caro concupiscit aduersus spiritum, ut dicitur Galat. 5.*

ASSERTIO II. Sed & ab Ecclesia recte & convenienter certa ieiuniorum tempora ac leges præscriptæ sunt, necessario obseruanda. Ita S. Thomas quæst. 147. art. 3. omnesque Catholici, contra huius temporis Nouatores, qui Ecclesiasticas ieiuniorum leges rejiciunt, nec quemquam patiuntur ijs adstringi; adeo ut ieiunium cum opinione eiusmodi necessitatis suscepimus, velut superstitionem damnent. Qui ipse etiam olim fuit error Aërij veteris hereticorum, vt videre est apud Epiphaniū hæref. 75. Augustinum lib. de hæresibus cap. 53. & Damascenum lib. de hæresibus.

Probatur assertio primo ex scriptura, que uniuersim docet, & Ecclesiam de rebus honestis leges ferre posse, & Ecclesiæ præceptis obedire, vt suo loco docuimus tomo 2. disp. 5. q. 5. dub. 1. & q. 6. dub. 3.

Secun-

72 Secundo probatur ex Conciliis & SS. Patribus. Ita enim præcipiunt, & aperte tradunt. Concilium Nicænum 1. Can. 5. Laodicenum. Can. 49. Concilium Gangrense. Canone 19. Triburiense Canone 35. Carthaginense I V. Canone 63. Agathenæ Canone 12. Moguntinum sub Carolo Magno Canone 35. Tolitanum VIII. Canone 9. & Synodus VI. Constantiopolitanum Canone 56. Item ex Pribus Theophilus Alexandrinus lib. 3. Paschali, Epiphanius citat. hæresi 75. Basilius hom. 2. de Ieiunio, Ambrosius serm. 25. Augustinus de hæresibus citat. cap. 53. & Epist. 86 ad Casulanum, Chrysostomus homil. 6. ad populum Antiochenum; & Leo serm. 13. de ieiunio. qui potissimum etiam de Quadragesimæ ieiunio loquuntur.

Quibus consentit vniuersalis & antiquissimæ totius Ecclesiæ praxis & consuetudo, quæ licet quoad circumstantias temporis modi nonnihil variauerit, in eo tamen semper & vbique consensio fuit, vt certa quædam ieiuniorum tempora necessario obseruanda traderet.

73 Tertio accedunt rationes I. Quia vt optimè argumentatur hic S. Thomas citat. artic. sicut ad seculares Principes pertinet, præcepta legalia iuris naturalis determinativa tradere de his, quæ pertinent ad utilitatem communem inter temporalibus rebus; ita etiam ad Prelatos Ecclesiasticos perinet, ea statutis præcipere, quæ ad utilitatem communem fideliū pertinent in spiritualibus bonis: tale vero esse ieiunium superius demonstratum est: Ergo id recte legibus Ecclesiæ præscriptum est; ita quidem vt ieiunium in communi cadat sub præcepto legis naturæ, ex dictis; determinatio vero temporis & modi ieiunandi, secundum convenientiam & utilitatem populi Christiani, cadat sub præcepto iuris positivi, quod est à Prelatis Ecclesiæ institutum. Et hoc est ieiunium Ecclesiæ: aliud vero est naturæ. Ita S. Thomas.

74 II. Non solum Deus in Paradiso primis parentibus, sed etiam postea vniuerso generi humano, tum in lege naturæ Genesis 9. vers. 4. tum in lege scripta Levitici 17. vers. 10. itemque Leuit. 16. & 23. & Zachariæ 8. vers. 19. certa quædam ieiuniorum præcepta præscripti.

III. Ipsi etiam Apostoli Act. 15. vers. 29. communis consensu, quædam ieiunij legem omnibus fidelibus pro tempore seruandam præscripserunt, ut abstinerent a sanguine & suffocato. Et Apostolus 1. ad Thessal. 4. vers. 2. de eiusmodi præceptis loquens ait: scitis que præcepta dederim vobis, per Dominum IESVM.

IV. Nemo negauerit, etiam à ciuili Magistratu posse iustis de causis, in ordine ad bonum commune politicum ac speciatim etiam propter debitum Oeconomia rationem seruandam leges ferri de certa quædam ciborum abstinentia & moderatione &c. cur igitur non etiam Ecclesiasticus magistratus ob finem spiritualem?

Neque ullius sunt momenti, quæ Sectarij contra ieiunij leges obiciunt. Nimirum primo quædam scripturæ loca male intellectæ; speciatim 1. esse doctrinam demoniorum abstinere a cibis, quos creavit Deus, ad percipiendum 1. ad Timoth. 4. Item 2. Nemo vos iudicet in cibo aut potu, quæ sunt umbra fu-

turorum, ad Colos. 2. Item 3. Non quod intrat in os, conquinat hominem. Matthæi 15. Item 4. illud Manducate quæ apponuntur vobis. Luca 10. Denique 5. Omne quod in macello venit, manducate 1. Cor. 10.

75 Respondet enim, in primo loco sermonem esse de Tatiano, alijque veteribus hæreticis, qui abstinendum docuerunt à quibusdam cibis, tanquam natura sua immundis, vt ex ipsis verbis, & veterum explicatione manifestum est: eo præcipue, quod tunc temporis licite adhuc Iudei à cibis quibusdam, iuxta præscriptum legis abstinebant.

Secundo loco sermo est de abstinentia ciborum veteri lege præcripta, quasi ea etiam Christiani obligentur, vt itidem hæretici quidam iudaizantes dixerant.

Tertij loci sensus est, cibum per se non coquinare hominem, seu animam hominis; interim non negatur, coquinare posse animam ratione, inobedientia, concupiscentia, vel scandali, &c.

Quarto loco præcipit Christus Apostolis, vt contenti sint cibis, qui apponuntur, nec priuatas delicias consecutentur; salua tamē pro eo tempore, tam lege naturali, ne quid noxiū comedant, quam Molæca ne cibos lege vetitos manducent.

Quinto loco prohibetur nimis scrupulosa inquisitione de carnis, sint ne idolis immolatae, an non, vt ex loci contextu & SS. Patriæ explicatione patet.

Secundo obiciunt, libertatem Euangelicam ijs legibus violari, fauente etiam vii putant Augustino lib. de vera Religione cap. 17. & epist. 119. ad Iannuarium cap. 19.

Adhoc bene respondet S. Thomashic cit. q. 147. a. 3. ad 3. Augustinum ibidem loqui de his, quæ neque sacramentorum scripturarum auctoritatibus continentur, neque in Concilijs Episcoporum statuta inserviuntur, nec consuetudine vniuersalis Ecclesia rorata sunt. Ieiunia vero quæ sunt in præcepto, sunt in concilijs Episcoporum statuta, & consuetudine vniuersalis Ecclesia rorata. Ne sunt contra libertatem populi fidelis, sed magis sunt utilia ad impediendam seruitutem peccati, quæ repugnat libertati spirituali, de qua dicitur ad Galat. 5. Pos enim fratres in libertatem vocati efficiuntur in libertatem derisi in occasionem carnis.

76 Tertio Iudaismi arguunt Catholicæ Ecclesiæ ieiunia Respondeo hanc insaniam esse, non minus quam si quis vniuersim festos Ecclesiæ dies de Iudaismo condemnaret. Nam nos neque iisdem præcisæ quibus Iudei, temporibus, nec ob easdem particulatim causas, nec ex eodem præcepto, nec eodem modo ieiunamus. Quod si omnis cultus Christianorum eliminandus est, qui cum Iudeorum religione nonnulla similitudinem habet, etiam baptisimi & Eucharistiae sacramenta abicienda erunt.

Quarto obiciunt.; certe tamen illicitum est ieiunare, vel ad exhibendum Deo cultum, vel ad satisfaciendum pro peccatis. Respondeo his scripturae buccinatoribus ipsam scripturam aperte aduersari. Si enim superstitionem est Deum ieiunis colere, cur laudatur Anna Prophetissa Lucæ 2. quæ nondiscidebat de templo, ieiunis & observationibus seruens nocte ac die? Cur Tobia 12. vers. 8. dicitur, Bona est oratio, cum ieiunio, ac elemosyna

magis

magis quam thesauros auri recondere? Cur Apostolus 2. Corinth. 6. vers. 4. exhortatur: Exhibemus nosmetipos sicut Dei ministros in multa patientia, &c. in vigiliis, in ieiuniis, in castitate? Cur Deus ipse praecepit Iocelis 2. vers. 12. Conuertimini ad me in toto corde vestro, in ieiunio, & in fastu, & in planctu? Si Deus ob peccata offensus ieiunio non placatur, cur in eum finem ieiunauit David, 2. Regum 12. Achab 3. Reg. 21. Niniuita Ionae 3. Judith cap. 8. v. 6. Esther cap. 4. v. 16. Daniel cap. 10. v. 3. Plura Gregorius de Valentia hic disp. 9. q. 2. punc. 2. §. 2. & Bellarminus lib. 2. de bonis operibus in particulari cap. 8. 9. & 11.

80 Quæritur tertio, quoniam tempore lex Ecclesiastici ieiunij obligat. Nec est quæstio de ieiunio natura, vt ex S. Thoma nominauimus: hoc enim nullo certo tempore obligat; sed id quisq; assumere tenetur, quoties ad supradictos fines, præsertim ad tentationes carnis vincendas necessarium fuerit, vt antea dictum. Quod vero ad ieiunium ecclesiasticum attinet, tria sunt vniuersim tempora Ecclesiæ leges, hodie ad ieiunandum destinata, præter certos dies, quibus non quidem propriè ieiunium, sed à carnis abstinentia præscripta est; nimurum Quadragesima, quatuor anni tempora, & quædam vigiliae maiorum Ecclesiæ festorum. De quibus singulis hæc sigillatim notamus.

81 I. Ieiunium quadragesimale institutum est non primum à Telephoro Papa, vt senserunt nonnulli apud Eusebium in Chronicō, & apud Bellarminum cit. lib. 2. cap. 14. siquidem ante Telephori tempora, Quadragesima aperitè meminit Ignatius apud Bellarminum loc. cit. sed institutum est ab ipsis Apostolis, vt habetur non solum Canon. 68. Apostolorum; sed expresse etiam testantur Epiphanius hæresi 75. Hieronymus epist. ad Marcellam, Leo serm. 6. de Quadrag. & colligitur ex Regula Augustini epist. 118. ad Ianuarium & lib. 4. debaptismo cap. 24. vbi docet, *Quod vniuersa tenet Ecclesia, neque concilii institutum, sed semper retentum est, ex Apostolica traditione descendere.* Idemque recte tradunt Ioannes Medina tractat. de ieiunio quæst. 2. Bellarminus cit. lib. 2. cap. 14. & Gregorius de Valentia q. 2. punc. 2.

82 Apud quos etiam cause eiusdem institutionis ex SS. Patribus referuntur, complures 1. vt ad sacram communionem in Paschate populus Christianus disponatur, 2. ob memoriam Sacrae Passionis digne recolendam. 3. vt quadragesimale ieiunium Christi pro modulo imitemur. 4. vt prænigentij & peccatis totius anni, quasi communis & publica poenitentia agatur. 5. vt Deo persoluantur quasi decimæ omnium dierum totius anni vt refertur ex Gregorio canone *Quadragesima, de consecrat.* d. 4. Constat enim annus diebu 365. cuius numeri decima parsunt 36. quot nempe ieiuniorum dies numerantur à Dominica prima quadragesimæ; quibus tamen additi sunt quatuor reliqui dies, ad compleendum numerum quadragenerium exclusis sex intercurrentibus dominicarum diebus quibus non ieiunatur; sed solum abstinentia seruatur.

In quo tamen ipso dierum numero, licet olim magna admodum fuerit varietas; ita vt aliæ Pro-

vinciæ plures dies & hebdomadas, alia pauciores ieiunarent; tota tamen Ecclesia in hoc semper consensit, vt quadragesimale ieiunium, ab exemplo Christi, Moysis, & Eliæ ita denominatum, idque ante Paschale festum, adeoque verno tempore celebretur vt videre est apud Bellarminum cit. lib. 2. cap. 15. Quia nimurum eo tempore, & caro imprimitur, ob sanguinis & spirituum augmentum, effervescente solita ieiunij fræno indigeret; & ipsa etiam corporis sanitas, ob humorum incrementum, maiorem abstinentiam exigit.

II. Ieiunium quatuor anni temporum itidem ex Apostolica traditione deriuatum videtur, vt testatur Leo serm. de ieiunio Pentecostes, & pluribus differunt Bellarminus cap. 19. & Baronius Anno Christi 57. Rationes institutionis fuerunt, ne Christiani Iudeis quater in anno nimurum, mense quarto, quinto, septimo, & decimo, vt habetur Zachar. cap. 8. ieiunia celebrantibus remissiores viderentur. 2. quia his temporibus ordinari solent Ecclesiæ Ministri, vt notauit S. Thomas hic, quæst. 147. a. 5. 3. vt quemadmodum singulis annis & hebdomadibus, ita & singulis mensibus sua responderent ieiunia, singulis diebus quartuor temporum in singulos menses computari, iuxta S. Thomam ibidem 4. vt siue pro frugibus imperandis Deo supplicaretur, siue pro ipsis perceptis gratia Deo agerentur; quando is ipsi temporibus maxime fruges vel seruntur, vel nascuntur, vel maturantur, vel colliguntur. 5. vt singulis anni temporibus, nimurum veri, aestati, autumno, hyemi sua responderent ieiunia, &c Quæ tamen etiam in hoc ipso ieiunio olim fuerit varietas videare est apud Bellarminum cit. lib. 2. cap. 19. qui etiam putat, initio trium tantum temporum ieiunium obseruari fuisse solitum; quartum vero ex decreto Callisti fuisse additum.

III. Ieiunia vigilarum communi Ecclesiæ iure sunt, 1. Vigilia Nativitatis Domini. 2. Assumptionis Beatæ Virginis. 3. Vigilia omnium Apostolorum, excepta vigilia Philippi & Iacobi, intra tempus paschale; & vigilia Joannis Euangelistæ, in festa Natalicia incidente. 4. Vigilia Pentecostes. 5. S. Ioannis Baptizæ. 6. Laurentij 7. omnium Sanctorum, vt partim habetur capitulo *Ex parte*, de obseruatione ieiuniorum; partim ex vñ Ecclesiæ constat; tametsi postremi quatuor dies antiquiore legescripta non præcipiantur, vt videre est apud Sylvestrum V. *ieiunium. num. 4. Caietanum 2. 2. q. 147. a. 2. Azorium tom. 1. lib. 7. cap. 24. q. 2.*

IV. Dies non quidem proprij ieiunij, sed abstinentiae tamen à carnis sunt hodie, feria sexta, & Sabbathum per annum; nisi in aliquem eorum incidat festum Nativitatis; his enim diebus potissimum recolitur Christi passio mortuus; ac sepultum memoria; quamuis olim de Sabbatho in diversis Ecclesijs diuersa fuerit consuetudo, vt videre est apud Augustinum epist. 118. & 119.

Talis olim etiam erat feria quarta, vt videre est Canone Apostolorum 68. quæ tamen iam dudum, occidentalis Ecclesiæ more, in Sabbathi ieiunium videtur fuisse commutata; et si in quibus-

dam

dam locis, puta in Hibernia ieunium quartæ feriæ etiamnum perduret. De qua re plura Turrianus lib. 1. pro Apostolis canonibus cap. 3. & Bellarminus cit. lib. 2. cap. 17. & 18.

Diebus autem rogationum communis Ecclesiæ iure abstinentia a carnis non est in præcepto, sed solum in consilio, ut videre est apud Bellarminus cap. 21. Sicubi tamen in aliqua diœcesi peculiare aliquod hanc de re præceptum extet, negligendum non erit, non secus ac de festis alicuius Diœcesis proprijs accidit. &c.

Omitto ieunium aduentus, quod olim pio Ecclesiæ Romanæ more obseruatum fuisse, patet ex Innocentio III. capit. *Confilium de obseruatione ieuniorum*; idque etiamnum non tam ex præcepto, quam ex consilio aut voto à multis seruari Ecclesiæ vsus satis aperte testatur, inquit Bellarminus lib. 2. cap. 20.

V. Tempore vero paschali, quod est inter pascha & Pentecosten, dieque Natalis Domini, ieunandum non esse, tradunt SS. Patres apud Bellarminus lib. 2. cap. 23. Maioriq; olim seueritate in haereticorum quorundam detestationem prohibitus fuit, ieunare diebus Dominicis, ut videre est apud Epiphanius doct. compend. Ambrosium epist. 83. Augustinum epist. 86. ad Casulanum & epist. 119. ad Ianuariū, & in Concilio Gangreni canon. 18. & Carthaginensi. IV. Canon. 64. Bracharense I. canon. 4. Iam verò ieunium his diebus non simpliciter est prohibitum, sed solum si quis vel ex superstitione, ieunet, vt Montanistæ faciebant, vel ex errore, vt Manichæi & Præfeilianistæ; vel ex contemptu Ecclesiæ, vt Eustathiani, Aerianni; vel denique cum scandalo aliorum, ut si quis vnam hebdomadę diem ieunaturus, eligat præ alijs diem Natalis Domini, aut Dominicam. Alioquin enim si quis vel ad tentationem carnis superandam, vel causa morbi corporaliter curandi, vel quia voulit ieunum totius anni, aut integrum mensis, non peccabit, si paschali tempore, vel in Dominica die, velet iam in Natali Domini ieunauerit, ut ex Epiphanius, Hieronymo, & Augustino locis cit. docet. Bellarminus cit. lib. 2. cap. 23.

Interim tamen probare nullo modo possum, quod in cœnobio quodam Virginum communis receptum scio ut ieunium quadragesimale solvant primum Feria secunda Paschatis, ipsoque festo Paschatis adhuc à carnis abstineant. Hoc enim nec vlo antiquitatis exemplo probari, nec excusari necessitatibus, aut honestatis alicuius prætextu potest, adeo plenè superstitione obseruationis, totius Ecclesiæ consuetudini repugnantis speciem habere yderet. Grauitur Ambrosius epist. 83. *Dominica ieunare non possumus; quia Manichæos etiam ob istius diei ieunia ure dannamus. Hoc est enim in Resurrectionem Christi non credere, si legem quis ieunij die Resurrectionis indicat.*

## D V B I V M V.

*Ad quidnam, quomodo ē quosnam obliget præceptum Ieiunij Ecclesiastici ē quinam ab eo excusentur.*

S. Thomas 2. 2. q. 147. a. 4. 5. 6. 7. 8.

**Q**uartitur primo, ad quidnam obliget præceptum ieunij. Vbi rursum non est quæstio de ieunio morali, vel naturæ; hoc enim ex parte ipsius refectionis quoad substantiam, numerum vel tempus spectatæ, nulla certa lege definitum est; sed eatenus solum obligat, in quantum cuique certa quædam abstinentia à cibo porvus necessaria est, ad violationem alterius virtutis vitandam, puta castitatis, aut pœnitentie &c. Estigitur quæstio solum de lege ieunij ecclesiastici, ad quidnam obliget. Et respondetur breuiter, obligare, ut seruet debitus modus in tribus. 1. in qualitate ciborum. 2. in multitudine refectionum. 3. in hora seu tempore refectionis.

Quantum ad primum, abstinentium est vi huius præcepti, diebus quidem ieuniorum, extra Quadragesimam, à carnis tantum; nisi forte alicubi specialis consuetudo plus etiam exigat: in quadragesima vero à carnis, ouis, & laeticinijs; ex capit. *Denique* dist. 4. ex S. Gregorio epist. ad Augustinum Anglorum episc. nisi alicubi receptus & approbatu mos patriæ etiam oua & laeticinia licita fecerit, ut post S. Thomam q. 147. a. 8. ad. 3. communiter notant omnes, & ipsa pallium docet experientia ac vsus Germaniæ: licet nec in hac eadem vbi quisit consuetudo: id quod ex proprijs locoru moribus vel legibus discendum; ut merito cum Hieronymo epist. 28. ad Lucinium scripsit, S. Thomas cit. a. 8. ad 3. *Vnaqueque Provincia abundet in suo sensu; & præcepta maiorum leges Apostolicas arbitretur.*

Et quamvis Nauarrus Manual. cap. 21. num. 15. requirat, ut talis consuetudo durauerit saltem per quadraginta annos; id tamen non ita scrupulose & mathematice accipiendum videtur: sufficit aliquotannis durasse, Episcopo vel Papa sciente, nec contradicente, vt iam dudum tradidi, iuxta communem doctrinam de abrogatione legum tom. 2. disp. 5. q. 7. dub. 1. & recte etiam notauit Lefebvris lib. 4. cap. 2. dub. 2. In dubio consulendum iudicium prudentum, præsertim vero Ecclesiæ Prelatorum, ut recte Valentia disputat. 9. quæstione, 2. punct. 3.

Quod ad secundum attinet, diebus illis quibus solummodo est carnis primum, puta diebus veneris, sabbati &c, nihil peculiare de paucitate refectionis decretum est: at diebus proprie dicti ieunij, puta Quadragesimæ, vigilarum. &c, necesse est vnicum tantum refectione esse contentum; ita nimimum, ut non liceat sèpius quā semel intra diem naturalem ieunij, sumere cibum ad corpus nutriendū, saltem

89

nota-

notabiliter, ut ex usu Ecclesiae, post S. Thomam q. 147. a. 6. ex communione docent Caetanus in Summa V. Ieiunium, Nauarrus manuali cap. 21. n. 13. Ioannes Medina de ieiunio q. 5. Gregorius de Valentia q. 2. punct. 3.

Et quamvis in ea vnicā refectiōne plus aliquanto cibū sumi possit, quam ordinariē sumebatur, ut recte notauit Toleto lib. 6. cap. 2. num. 4. & constat ex Ecclesiā praxi; curandum tamen est, ut consistatur intra leges temperantiae, iuxta S. Thomam quæst. 147. art. 6. ad 2. si non fiat, peccatur quidem contra virtutem temperantiae, attamen ieiunium non soluitur, ut docet Medina tract. de ieiunio quæst. 11. etiā quidam aliter docuerint.

Quod si quis, postquam semel à mensa surrexit, animo finiendo refectiōnem, sive prandium, rursus, licet post paruum internallum, mensa accumbat, & epuletur, ieiunium violat, ut docet Nauarrus loc. cit. Secus est, si quis animo statim redeundi, & prandium continuādā à mensa surgaat, ut recte Caetanus loc. cit. Quod etiam concedit Lessius lib. 4. cap. 2. dub. 2. si quis animum quidem non habuerit redeundi ad comedionem, tamen durante adhuc prandio, mutet intentionem.

90 Ieiunium autem non violant potus aquæ, aut etiam vini, licet quid modicum simul edatur, nec potus nocet; nec quæ sumuntur per modum medicamenti, ut Electuaria; si modo fraus absit; neq; sumpta ad prægustum, vel per modum cuiusdam præseruatiui, ne quis v. g. inter legendum ad mensam, vel in alijs occupationibus notabiliter viribus deficiat. Quod si quis die ieiunij se ineberiet, peccabit quidem mortaliter contra leges temperantiae; at non contra legem ieiunij, iuxta S. Thoma loc. cit. a. 6. ad 2. & communem.

91 Sed nec violatur ieiunium per collationes vespertinas; In quibus iuxta receptas locorum consuetudines, sumuntur aliquid panis, aut fructuum, etiam per modum alicuius exigui nutrimenti, hoc enim licet fecit præscripta consuetudo, ut ex communione docentur. Quantitas vero eiusdem definienda est ex communione consuetudine patriæ, & vnu prudentum, & piorum virorum.

Addit Azor lib. 7. cap. 8. q. 8. excusari etiam viros nobiles, qui paulo maiori, quam cæteri vntur collatione refectiue; tum quia id consuetudo permittit; tum quia solent esse debilioris valetudinis, & assueti delicioribus & pluribus epulis. Certe modicum frigi pescis, aut pastæ seu placenter sumere, vbi id moris est, non videtur esse illicitum. Offæ autem recens coctæ vti male præcis, alijsq; infirmis, & indigentibus non sunt illicitæ: ita ad Ecclesiastici ieiunij communes leges ac normam non quadrant, qua proinde veteri more ad communiones religiosorum ieiunantium mensas non inferuntur; tum ne frustra aliorum assidentiū irritetur appetitus: tum ne id etiam trahi facile possit in exemplum: quasi id vniuersim ieiunantibus liceat.

92 Aliae refectiōnes interdiu per se non sunt lícite, sed in ijs plus minusve peccabitur, pro ratione quantitatis. Quod si quis saepius modice comedendo, perueniat ad notabilem quantitatē, is etiam peccabit mortaliter, cum actus illi in vnum effectu

coéant, non minus quam multa farta partua, ut recte Lessius dub. 2. n. 10.

Et quamvis liceat alioquin prandij refectiōne differe in cœnam, non licet tamen ideo abfque peculiari causa, circa meridiem sumere collationē; cum huic rei nec lex, nec consuetudo patricinetur, ut cum Caetano & Nauarro recte docet Valentia loc. cit. sed ex causa licet, ut docent Sa, Azor, & alij citati.

Verum dubitatur primo, an aliquis toties peccet contra ieiunij legem, quoties interdiu; post primā refectiōnē, sine causa excusante, comedit corpus reficiendo. Respondeo, probabilius videri, solum peccare in secunda refectiōne, non in tertia, nisi secunda vacauerit graui peccato, propter inaduertētiā, vel paruitatem materiae. Ita docent Durandus in 4. dist. 15. q. 11. Gabriel in 4. d. 16. q. 3. a. 3. dub. 5. Caetanus hic. q. 146. a. 8. Sylvester V. Ieiunium q. 8. Nauarrus cap. 21. num. 14. Valentia cit. punct. 3. Sa. loc. cit. & Azor cap. 9. q. 2. licet contrarium dixerint Maior in 4. d. 15. q. 6. Ioannes Medina tract. de ieiunio q. 5 & Couarriuas lib. 4. variarum cap. 10. n. 13.

Ratio est. Quia ut habere videtur communis fideliū sensus, Ecclesia non prohibet vltiorem comedionem quomodounque consideratam, sed solum prout quis per illam transgreditur hunc quasi ieiunij limitem, qui est vnicā comedīo.

Interim dubium non est, peccari toties, quoties die ieiunij carnes comeduntur; & supponunt communiter omnes, idque ex ipso fideliū sensu, non excusare paruitatem materiae: quod eatenus verum existimo, quatenus efsus carnis seu cibiveti, existimatur aduersari fidei professioni. Alias non video, cur non æque in hac, ac in alijs materiaj, à mortalie excusare possit materiae paruitas.

Secundo dubitatur, an & quomodo peccent, qui oblatō cibo, inuitant ad comedendum sepius, contrarie ieiunij legem. Respondeo, peccare mortaliter, si id faciant per contemptum, aut cum graui scando: aut si directe intendant violationem ieiunij, sive alterius peccatum mortale: Venialiter autem tantum peccatur concurrentibus tribus circumstantijs 1. vt quis non intendat comedionem alterius, quatenus iterata vel prohibita; sed solum quatenus comedest. 2. vt alter sit alias violaturus ieiunium, licet à te non inuitatus. 3. vt eiusmodi inuitatio fiat ex aliqua causa, saltem cuiusdam urbanitatis ac amicitie; quod si causa grauior esset, posset inuitari etiam, qui alioqui non erat violaturus ieiunium. Ita docet Gregorius de Valentia loc. cit. cum Caetano V. Ieiunium, Nauarro n. 24.

Quod quidem de offerentibus solummodo cibos non habet magnam difficultatem; nec de inuitantibus, si quem alioquin cœnaturum inuites, non tam ad cœnam, quam ad locum & consortium cœnae, vt nimis hic potius, quam alibi cœnet, ut docet etiam Azor lib. 7. cap. 3. 2. q. 12. Sed difficultatem habet si quis alterum absolute ad cœnam illicita inuitet; quia ad rem, quæ sine peccato mortali hic & nunc fieri nō potest, mortale peccatum est directe inducere: quod etiā in proposito causcense locum habere cum Azorio; nisi quis forte inuitet.

inuitet ad comedendum quidem, sed non ultra quantitatem, quæ excedat limites peccati venialis; tunc enim ad comedendum inuitare solum erit veniale. De hospitibus autem carnem, aut cœnam apponentibus in fine huius dubij agetur.

Quod ad tertium, nempe horam competentem refectionis atrinet, solum quidem erat hac dere variæ & consuetudo. Initio enim abstinebatur usque ad vesperam; deinde usq; ad horam nonam ab ortu solis. Sed iam licet circa meridiem plus minus sumere refectionem, iuxta receptam locorum consuetudinem, ita scilicet, ut sumi possit hora undecima, non ante tamen, nisi ex causa peculiari, ut ex cap. solent & Glossa ibidem de consecrat. d. 7. notavit Lessius cit. dub. 2. & pluribus Bellarminus lib. 2. de bonis operibus in particulari cap. 2.

Nec est peccatum, etiam in Quadragesima, vesperas priuatum recitare, post sumptum prandium, ut recte Caietanus; neq; peccat horam prandij ex causa preueniens, ut iter factur, aut propter hospitem. Neq; sine causa tempus prandendi anticipare, perse loquendo, plusest quam peccatum veniale, ut recte Gabrielin 4d. 16. q. 3. dub. 1. & Angelus V. Ieiunium, q. 2. post Innocentium, Ioannem Andreæ, Ostiensem, Archidiaconum; et si contrarium dixerint Sylvestr V. Ieiunium q. 4. Caietanus hic q. 147. a. 7. Nauarrus manuali c. 12. n. 27. & Azor c. 22. q. 4. quia non substantia, sed sola quedam circumstancia ieiunij, perse non admodum grauis violatur.

Queritur secundo, quomodo, & quoniam obligat præceptum ieiunij Respondeatur sequentibus pronuntiatis. I. licet omnia quidem Ecclesiæ ieiunia, etiam ipsius Quadragesimæ, ex solo præcepto humano, non diuino obligant, ut habet communis sententia; id ipsum tamen Ecclesia præceptum ex suo genere sub peccato mortali obligat, ut habet communis sensus fidelium, & consensus Doctorum apud citatos, contra Angelum V. Ieiunium, qui putat, tantum obligare sub veniali: quamvis à mortali facile excusare possit, cum paruitas materiæ, tum ignorantia, & bona fides.

In quem sensum vniuersim à mortali excusari docent Sylvestr V. Ieiunium q. 8. Caietanus ibidem & Nauarrus cap. 21. Manual. n. 20. eos, qui bona fide, & sine crassâ ignorantia existimant, se habere iustum causam non ieiunandi, etiamsi re ipsa fallantur.

Stante vero dubio, an quis ieiunium seruare tenetur, existimat quidem Lessius dub. 5. ieiunium esse seruandum; quasi lex & obligatio legis sit in possessione, meliorisque conditionis: Sed quia hoc ipso etiam dubitatur, an talis continetur, sub lege ieiunij, seu quod idem est, an lex ieiunij ad eum pertineat; existimo parem esse huius rationem cum eo qui dubitat, an aliqua à se ut ita dicam, lex voti sit edita, qua constringatur. Secus foret si obligatio legis aut voti certa sit, etiam respectu operantis, sola autem executio incerta. Nam in priori casu, libertas operantis, in posteriori obligatio legis seu voti velut in possessione est, & hoc ipso melioris conditionis, ut suo loco generaliter dictum tomo 2. disp. 2. q. 6. dub. 4.

II. Præceptum ieiunij Ecclesiastici obligat omnes & solos Christianos, rationis ita ca-

paces, ut possint mortaliter peccare; nisi eos aliqua rationabilis causa excusat. Pueri vero ante usum rationis, & quidem ut consuetudo ac probabilis sensus Doctorum legem interpretatur, ante septennium, nulla ieiunij legi tenentur. Itaque etiam carnes comedere possunt, ijsdemque ab alijs ministrari, ut dictum etiam tom. 2. d. 5. q. 6. dub. 2. & docent Corduba in summa q. 40. Sa. V. Ieiunium, & Azor tom. 1. lib. 7. cap. 27. q. 3. post Innocentium, & Caietanum.

Causæ vero à lege ieiunij ex toto, vel ex parte, excutantes generatim sunt tres, ut annotat Caietanus V. Ieiunium & colligi potest ex S. Thoma q. 147. a. 4. nimurum Impotentia, Necessitas seu Labor, & Pietas.

III. Obimpotentiam excusari censemur, qui absque notabili detimento suo, vel alterius, ieiunare non possunt. Quia de causa à lege vnius refectionis excusantur. 1. infirmi, conualescentes, & debiles, qui crebris & modicis refectionibus indigent. 2. prægnantes & lactantes, quæ si ieiunent, non habent sufficiens pro se & prole alimento. 3. pauperes, qui non habent sufficiensem cibum pro una refectione, ut ex communione docent Valentia pun. 5. & Azor lib. 7. cap. 27. quæst. 5. 6. & 7. 4. quin nondum impleuerunt annum ætatis Vigesimalium primum; cum ad id usque temporis soleat durare incrementum hominis, ut cum S. Thoma ex communione docent Valentia, Azor Sa locis citatis, quidquid nonnulli dixerint. Quamvis conueniens sit, ut etiam prius incipiant assuefari ieiunis; & vero nonnunquam lege naturali, propter vincendas carnis tentationes, ad id teneantur, de quo grauiter monet Peltanus lib. 2. de ieiunio cap. 17. Sicut ad ieiunia religionis tenentur Professi, etiam ante annum vigesimalium primum ut docent Sa. V. Ieiunium & Azor cap. 28. q. 3. post Sylvestrum, Rosellam, Ledesmam, Cordubensem; licet neget Medina in Confessi, instructione.

5. Excusantur Senes, ut plurimum sexagenarij, obimbecillitatem; quamvis hic non ita præsumitus sit certus terminus; adeo ut si ea etiam ætate adhuc robusti sint, à ieiunio non excusentur, id quod arbitrio prudentis, præcipue Superioris diudicandum, ut docent Caietanus in Summa V. Ieiunium, Nauarrus Manual. cap. 21. num. 16. & Valentia loc. cit. et si nonnulli absolute pro viris quidem sexagesimum, pro feminis quinquagesimum, ætatis annum, velut legis ieiunialis terminum constituant, ut videre est apud Sa. V. Ieiunium num. 9. & probabile certet Azor cap. 28. q. 4. qui tamē potius requirit in viris annos sepruginta.

IV. Necessitatis titulo excusari labor gravis quorundam opificum, non ferens ieiunium, puta agricolarū, fabrorum ferrariorū, & lignariorū, futorū &c. ut & iter diuturnum agentiū; nisi itineris suscepitio sit mere spontanea, qua sine villo detimento vel comodi iactura carere possit; talis etiam est causa petenti coniugi debiti reddendi vel ei nō displicēdi; cum hæc alioq per ieiuniū impediuntur. Item si magna alioquin comoditas lucris seu comodi aquiriendi negligēda sit p ieiuniū. Et quiescuntq; de ieiuniū aliq ieiunando vacare neq; calicui operi, sibi suisue

necessa.

necessario, vt cum S. Thoma cit. q. 147 a. 4 do-  
cent citati. Labor autem leuis, vt in opificio sarto-  
rum, & tonsorum, à ieiunio non excusat, vt ex  
communi docent Lessius dub. 6. & Toletus lib.  
6. cap. 6. qui tamen nec sutoribus parcit.

103 V. Titulo pietatis excusat, quisquis aliquod o-  
pus melius Deoque gratius simul cum ieiunio præ-  
stare non potest, vt etiæ concionari, in scho doce-  
re, confessories audire &c. item cū peculiari qua-  
dam aliorum ædificatione, suoque profectu spiri-  
tuali peregrinari, vt cum Caietano V. *Ieiunium*, &  
Nauarro Manuali cap. 21. num. 18. docet Valen-  
tia loc. cit.

Sed & Azor lib. 7. cap. 29. quæst 1. existimat, id-  
que exemplo Spiridionis comprobatur ex Sozome-  
no, & Nicæphoro lib. 8. c. 24. ieiunium aliquan-  
do sine fraude prætermisum, omni culpa vacare.,  
eo quod bona fide amici, vel peregrini causa solua-  
tur, ob amicitiam seu charitatem; si nimur amici  
illi tali videantur amicitiae officio recreari & in-  
digere.

Itaque si quis ob aliquam ex supradictis causis,  
seruata abstinentia ciborum prohibitorum, non  
ieiunet, non peccat saltē mortaliter; non solum  
si evidenter sciat, aliquam eiusmodi causam subesse;  
sed etiam si quis probabiliter, aut saltē bona-  
fide, citra ignorantiam crassam vel affectatam ex-  
stinet, talem causam hic & nunc subesse, vt superius  
dictum & notaui Valentia loc. cit.

104 Dicere autem, in quibusdam prouincijs, vi con-  
suetudinis, ieiunij legem vniuersim etiam in Qua-  
dragesima non obligare, nisi tribus in hebdomade  
dieb⁹, haçtenus non audeo, nec inuenio ex auctoribus,  
qui id affirmauerit. Quamuis enim passim id  
à confessorijs permittatur, id tamen non alia ratio-  
ne permitti credo, nisi quia rationabiles causæ al-  
legantur, quæ probabiliter à ieiunio quotidiano ex-  
cusent. Et valde notandum est, consuetudinē legi  
non derogare, nisi ea consuetudo circa aétus legi  
contrarios versetur, in ea scilicet materia, & cum  
ijs circumstantijs, quibuscum alioqui lex obliga-  
ret. Alioquilegi nihil derogat.

105 VI. Illud potius circa prædictas causas generatim  
notandum, catenù solum quamq; causam ieiunio  
excusare, quatenus cum ieiunio pugnat, vt ex com-  
muni docent Medina q. 9. Caietanus V. *Ieiunium*,  
Nauarrus c. 21. n. 22. & Valentia q. 2. pun. 5. Hinc  
ergo ob causam rationabilem excusat, vt si p̄s  
comedat, potest quidem probabiliter etiam horam  
præuenire, vt cum Caietano sentiunt Valentia & Sa;  
& potest etiam si p̄s comedere, quam bis, vt ha-  
bet communior sententia Caietani, Nauarri, & A-  
zorij lib. 7. cap. 9. q. 3. quamvis nege Medina: sed  
nō ideo potest carnes comedere, vt ex communi  
recte docent Medina de ieiunio quæst. 1. & Valen-  
tia q. 2. pun. 5.

Nęq; excusat, vt carnes possit comedere, hoc  
ipso vniuersim potest bis comedere, aut etiam horā  
præuenire, vt docent ijdem; nempe si cui eo solum  
nomine carnium elus sit concessus, quia abhorret  
à cibis prohibitus, tamquam sibi nocuus, aut alias  
non conuenientibus: secus si elus carnium  
concedatur, ad evitandam aliquam debilitatem, vt  
cum Medina de ieiunio q. 5. & Nauarro cap. 21.

num. 22. docet Lessius dub. 6. Quidquid Gabriel  
in 4. dist. 16. a. 3. dub. 1. Caietanus hic q. 148. a.  
7. & 8. Azor lib. 7. c. 10. q. 3. & Toletus lib. 6. cap.  
3. absolute dixerint, ijs quibus concessus est elus  
carnium die ieiunij, consequenter etiam esse con-  
cessam frequentiorem comeditionem.

Neque item cui licet horam præuenire, hoc  
ipso est à ieiunando excusat; neque item necel-  
litas, aut iusta cauſa, quæ excusat ab integro iei-  
unio, videtur excusare ab omni parte eius; iei-  
nare enim debet sicut potest, vt ex communi do-  
cent Nauarrus numero 22. Valentia & alij locis  
citatis.

VII. Non tamen est dubitandum, quin ex ea-  
dem causa necessitatis, rite & secundum debitam  
proportionem accommodata, etiam licet esse  
possit elus carnium, aliorumue ciborum prohibi-  
torum. Ita enim titulo necessitatis excusat, tum  
ij quibus ratione ægritudinis evidenter constat  
necessarium esse carnium elsum, vt ex communi  
do cent Medina de ieiunio q. 9. & Valentia q. 2.  
punct. 5. Item qui non habent aliud, quod come-  
dant, quam carnes, vt docent Bellarminus lib. 2. de  
bonis oper. in particuli cap. 9. & Azor lib. 7. cap.  
27. quæst. 7. Quo titulo etiam excusari possunt, ex  
iusta cauſa famulantes in locis hæreticis, vt signifi-  
cat Lessius dub. 5. num. 35. quia non estimens piæ  
matris Ecclesiæ, vt tales ad solum panis elsum velit  
adstringere, modo interim scandalum & offendiculum  
nem caueant, profondo nimis se tali calu &  
necessitate non obligari.

Eadem ratione secluso scandalum, & ad stipulante  
vſu, excusari videntur pauperes, qui ob magnam  
egestatem loco butiri vel olei, quorum neutrum  
moraliter habere possunt, vtuntur diebus ie-  
iunij pinguedine liquefacta, sive ex anseribus, sive  
ex bobus, sive ex porcis; præcipue ijs in locis, in  
quibus licitus est vſus ouorum & casei, vt indicant  
etiam Sylvester V. *Ieiunium* q. 5. num. 16. & Azor  
cap. 21. quæst. 8. Ut enim pauperes isti offam ex  
sola aqua, nulla pinguedine conditam comedant,,  
obligare velle, nimis quam durum, nec  
benigna Matris Ecclesiæ menti consonum esse  
videtur.

108 Eodem titulo excusari posse videntur ij. qui ob  
eandem paupertatem, das sibi à ditoribus, finiti-  
bus Bacchanalibus, reliquias carnium comedunt, vt  
quæ nec seruari commode possunt, vſq; ad Pascha;  
nec durante Bacchanaliorū tempore confumi: nec  
conuenit, in tanta pauperum egestate, cibos iam  
ante præcoctos in vanum perire. Accedit, quod ea  
passim in Germania vigeret consuetudo, Ecclesiæ  
Prælati, vt appareat, non incognita; qui hoc ipso  
dispensare videntur: nisi malis dicere, ea consueta-  
dine aduersus legem esse præscriptam.

Addunt nonnulli, eam necessitatem quoque ex-  
tendi ad puerpera; aut si quis conualecens ex gravi  
morbo vires exhauserit, vt indicant Medina de ie-  
iunio & Valentia q. 2. punct. 5. Sed hec in casibus  
dubijs reponenda videntur, quando puerperæ  
communiter etiam sine carnium eluouis, & lac-  
ticij satis conuenientem viatum sibi parare pos-  
sunt, & plerumq; solent; & si quid præterea opus est  
dispensationis postulatione impetrare solent.

VIII.

109 VIII. His igitur, & alijs quibusunque casibus dubijs, opus est dispensatione; quam Episcopus, vel illo absente Parochus, aut respectu Religiosorum, Praelatus dare potest. Sed & Ordinario praesente, si vel Ordinarius, vel consuetudo hoc Parochi concedat, vt communiter concedit, liceat dispensabit Parochus, vt notauit Azor lib. 7. cap. 29. q. 3. & dictum tom. 2. disp. 5. q. 7. dub. 2.

Causa vero dispensandi est, tum dubia obligatio, tum magna in ieiunio difficultas, vt notat Sa V. *Ieiunium*. Quare si quis in dubio, an teneatur ieiunare, à Superiore dispensationem impetrat, non peccabit non ieiunando, vt post Caietanum, Nauarrum, & alios ex præcepto docet Valentia loc. citat.

Vt autem aliquis, aut omnino, aut certe pro aliquibus diebus, in perpetuum à ieiunio lege fiat immunis, solius Papæ dispensatione fieri potest.

Medicus autem & Confessarius solum interpretari possunt legis obligationem, & declarare non obligare legem; si necessitas seu excusatio sit euidentis; at in dubio dispensare non possunt vt, ex An-

gelo recte notauit Azor lib. 7. cap. 29. Consuetudo vero præscripta tametsi utique legem humanam ieiunij, non minus quam cæteras leges humanas, moderari aut adstringere possit, vt ex capit. *Confilium de obseruatione ieiuniorum*, ex communi tradunt Medina de ieiunio q. 8 Sylvester V. *Ieiunium* q. 2. Azor lib. 8. cap. 30. q. 1. haec tenus tamen eoque inualuisse non videtur, vt quod complures faciunt, satis sit, in quadragesima, aut à carnibus seu cibis vetitis solum abstinere, aut ter solum quavis hebdomade ieiunare; quando ij, qui alterutrum horum haec tenus fecerunt, non nisi alijs titulis & causis, prævio prudentum Confessorum iudicio, id sibi vendicasse censemur; & in contrarium ieiunandi consuetudo non solum in Religionibus omnibus bene constitutis, qui vniuersim non diuersa à secularibus lege tenentur, sed etiam apud complures seculares pios cordatos vtriusque sexus homines inuiolata eonsistit, vt etiam superius dictum.

Quæritur tertio, an nolentibus ieiunare possint apponi carnes vel cœna ab hospitibus. Respondeo in modū sequentē. I. In locis planè Cathol. id non licet; nisi forte aut peculiaris necessitas id exigat, aut allegantibus facultatem comedendi cibos vetitos merito fides haberi possit, vt post Gabrielem in 4 dist. 16. q. 6. a. 3. dub. 6. Nauarrum cap. 21. Manual. num. 2. docet Lessius dub. 4.

II. In locis vero mixtis, si quod peculiare Magistratus præceptum non obstat, videntur apponi posse cibi prohibiti, si peregrini hospites id petant, & non possit hospes postulationem recusare absq; suo damno, vel quia esset ab hospitibus deserendus, vel à Magistratu puniendus; modo interim nullus Religionis contemptus aut scandalum interueniat, vt notauit Lessius loc. cit. Qua ratione etiam excusari possunt famuli (eadem aut maior est ratio vxorum) qui necessitate quadam adduci, coquunt vel apponunt dominis hereticis cibos prohibitos; vt & qui comitanter dominos, ad conciones hereticas vt generatim dictum D. 2. q. 6. dub. 8.

Similiter cœna nolentibus ieiunare potest apponi. 1. si non constet de obligatione hospitum, nec opportunum est, eos hac de re interrogare. 2. si eis cœna denegari non possit sine damno, vt ante dictum. 3. si apud aliquem diuersantes cœnā negata grauius essent eum offenduri, puta Deum blasphemando, contra Deum murmurando &c. quia licitum est homines abducere à maiori malo, per minus, quando maius impediri commodius non potest, vt dictum cit. D. 2 q. 6. dub. 8. & docent Gabriel in 4. dist. 16. quæst. 3. a. 3. dub. 6. & Lessius loc. cit.

An vero peregrini teneantur, proprijs legibus ieiuniorum, sive eius loci, in quo diuersantur, sive eius loci; ad quem pertinent, & ex quo discenderunt, diximus tomo 2. disp. 5. q. 6. dub. 2. vbi ad vtrumq; respondimus negative, per se nimis loquendo, & secluso scandalo, dolo, aliquo incommodo per accidentem interueniente; posse enim quemque se accommodare eius loci legibus & moribus, in quo peregrinus diueratur.

Quod tamen procul dubio, ex omnium Theologorum mente, idem assertum, quos ibidem citavimus, intelligendum est, de moribus & legibus per se licitis ac honestis: illicitis enim nemo se probe conformabit. Quare qui ex loco Catholico quadragesimæ tempore, transit ad locum hereticum, in quo Quadragesima proprijs, sed malis moribus ac legibus, sine ieiunio celebratur, procul dubio mortaliter peccabit, si tali loco carnes comedat.

Quod si in loco illo heretico, ob retentum usum veteris Calendarij. Quadragesima, seu alterius ieiunij tempus necdum celebretur, distinguendum videtur. Si enim heretici illi illicitè noui Calendarij usum hæc tenus respuant, nec sit eo loco Catholica aliqua Ecclesia, sive populus, qui necessitate cogente, Ecclesiæque Praelatis indulgentibus, licite Calendario veteri vitatur, tum rursus illicitum erit peregrino eo loco transeungi, moribus & legibus eius loci sese accommodare, carnibusque, alias eo tempore ab vniuersali Ecclesia vetitis, vesci, quia mores illi & leges particulares talis loci quoad hoc sunt illiciti.

At vero si tali loco, Calendarij veteris usus licite ab omnibus retineatur, aut certè in eo loco Catholicus populus propriam Ecclesiam habeat, que ob dictas superius causas licite antiquo Calendario vitatur, esto Magistratus hereticus, aliquæ peccent, ob noui Calendarij neglectum, eo quod per illos stat, quod minus recipiatur; probabile est, peregrinum in ea communitate Catholica versantem, licite sese eius particularibus moribus & legibus posse accommodare; modo interim vel in eodem loco vel in alio, communes illas & vniuersales vniuersalis Ecclesiæ leges de Quadragesimali, aliquæ communii ieiunio præscriptas obseruet: nam vt omnino talis ab ea obligatione immunis transeat eò quod leges illæ secundum se non sunt particulares, sed vniuersales, existimo fieri non posse, vt etiam docuit cit. tom. 2. disp. 5. q. 6. dub. 2. num. 33.

Neque haec tenus vnum autorem legi, qui oppositum doceret: quiuæ concederet, posse Catholicum ex loco, vbi iuxta nouum Calendarium Quadragesima celebratur, transeuntem ad locum

hæreticum, vbi iuxta vereris Calendarij illicitum vsum, Quadragesima, ne cum celebratur, etiam si ibi nulla sit Ecclesia, nullusque populus Catholicus, qui per accidens licite eodem illo antiquo Calendario vtens, Quadragesimam itidem ne cum celebrat; posse inquam talern peregrinum licite, iuxta mores & leges particulares loci illius hæretici, carnes comedere, contra legem vniuersalem Ecclesiæ ad quam pertinet. Et ratio est manifesta; quia tales leges & mores particulares illius hæretici loci, in quo peregrinus diuersatur, non sunt liciti; quibus proinde nemo se licite potest conformatre. Idemque in simili de festorum dierum celebratione dicendum, ut loco citato n. 33. itidem significauit.

## D V B I V M VI.

## De Castitate, velut tertia parte subiectiva temperantia, &amp; Virginitate eidem subiecta.

S. Thomas 2.2.q.151.152.

**I**113 **Q**uæritur primo, an & qualis virtus sit Castitas; & quomodo à pudicitia distinguatur. Respondeo breuiter I. Castitatem esse virtutem, & quidem specialem, ab abstinentia distinctam. Ita S. Thomas cit. quæst. 151. art. 1. 2. & 3. Constat ex Apostolo 2. ad Corinth. 6. v. 5. vbi ieuiu- nijs, alijsque virtutibus, seu virtutum actibus adiungit castitatem. Ratio est; quia temperantia est proprie circa concupiscentias delectationum, tactus, quas moderatur & refrenat; ac proinde vbi sunt diuersæ rationes delectationis, necesse est diuersas esse virtutes speciales sub temperantia comprehensas: at verò castitas & abstinentia refrenant ac moderant diuersas delectationes tactus. Delectationes enim proportionantur operacionibus, quarum sunt perfectiones, iuxta Aristotele 9. Ethic. cap. 7. Manifestum est autem alterius generis esse operationes, pertinentes ad usum ciborum, quibus natura indiuidui conseruatur; & operationes pertinentes, ad usum venerorum, quibus conseruatur natura speciei: Ergo castitas, quæ est circa delectationes venerorum, est virtus distincta ab abstinentia, quæ est circa delectationes ciborum.

**I**114 Alia est castitas spiritualis & metaphorice dicta, qua mens delectatur spirituali coniunctione ad Deum, & vniuersim cauet, ne delectabiliter coniungatur rebus creatis, contra diuinæ legis præscriptum, iuxta illud 2. Corinth. 11. v. 2. Defendendum vos vni viro Virginem castam exhibere Christo. Cui opponitur fornicatio itidem spiritualis, qua mens peccando mortaliter, illicite rebus creatis adhæret, iuxta illud Hieremia 3. v. 1. Tu autem fornicata es cum amatoribus multis. Qua ratione castitas est virtus generalis; præcipue tamen in charitate, & alijs virtutibus Theologicis posita, quibus

mens hominis Deo coniungitur, ut docet S. Thomas cit. q. 151. a. 2.

Respondeatur II. Pudicitia non est virtus, nec actus virtutis vniuersim distinctus à castitate; sed comes & actus eiusdem, seu communis circumstantia. Ita S. Thomas quæst. 151. art. 4. ex Augustino lib. de perseverant. cap. 20. vbi ait: Predicanda est pudicitia, ut ab eo qui habet aures audiendi, nihil genitalibus membris aliquid perpetuum. Ratio est. Quia pudicitia velut à pudore dicta, proprie est circa de quibus homines mago videntur: quales maxime sunt ad usus venerei, iuxta Augustinum 14. de ciuitate cap. 18. nempe, quia motus genitalium membrorum non subiungitur imperio rationis, sicut motus aliorum exteriorum membrorum: Ergo pudicitia veretur circa idem obiectum, circa quod castitas, representans scilicet & refrænans inordinatos motus corporis castitati aduersos. Et nihilominus quia reverendissima est non solum de ipsa commixtione venerea, sed etiam de quibuscunque signis eiusdem, iuxta Aristotelem 2. Rhetor. cap. 6. ideo pudicitia attenduntur præcipue circa signa venereorum, vii sunt aspectus impudicii, oscula & tactus; vspore quæ magis solent deprehendi, ac in sensu incurrire; castitas autem magis respicit ipsam venereum communionem.

Ex quibus colligitur, pudicitiam ad castitatem pertinere, non quasi virtutem ab ipsa distinctam; sed quæ velut exprimat ac repræsentet quandam castitatis circumstantiam, qualis est refrenatio turpum motuum, quæ sunt signa venereorum; quanvis interdum vnum pro alio accipiatur, ut docet S. Thomas cit. a. 4. ut proinde superius q. 143. art. 1. pudicitiam non nisi improprie vocari partem subiectuam temperantiae.

Quæritur secundò, an & qualis virtus sit virginitas. Et quidem sermo est, non de virginitate naturali, consistente præcise in ipsa integratæ seu in corruptione corporis, quam ipsa natura secum fert; nec de politica, aut morali qualibet, quæ voluntate quidem, sed sine firmo & constanti proposito eam perpetuo remanendi, aut non nisi vano vel mundano res, ectu seruant; qualis etiam sepe multis pollutionibus solet esse maculata: sed est sermo de Virginitate Christiana, tam viris, quam feminis communi, qua ex proposito perpetuo ob sanctum finem inuolata corporis integritas & puritas ita conseruatur, ut voluntarie venereæ voluptati, in feminis potissimum resolutione posite, locus nunquam præbeatur, ut mox declarabitur.

Quo posito: Respondeatur sequentibus pronuntiatiss. I. Virginitas tum in quadam carnis incorruptione, tum præcipue in perpetuo proposito abstinentiæ à delectatione venereæ conslitit. Ita S. Thomas q. 152. a. 1. & colligitur ex Augustino lib. de Virginitate cap. 8. vbi ait: Virginitas est continencia, qua integras carnis ipsi Creatori anime & carnis voluntar, conservatur, seruatur. Vbi vocula voleant, videtur accipi latè pro omni proposito firmo & perpetuo; quia ad Virginitatem per se non requiritur votum; sufficit propositum ut dictum.

Probatur & declaratur assertio. Virginitas enim a virore dicta videtur: & sicut illud in suo virore,

per-

persistere dicitur, quod non est ex abundantia caloris adiunctionem expertum; ita Virginitatis nomine significatur, personam, cui inest, immunem esse a concupiscentiae adiunctione, qua esse videtur in consummatione maxime delectationis corporalis, qualis est venereorum delectatio; quam proinde Virginitas certa quadam ratione, quantum scilicet ex voluntate penderem, remouet & excludit, ut notauit etiam Ambrosius lib. de Virgin. assertens: *Castitas virginalis est exercitus contagionis integritas.*

Sicut autem in delectatione venereorum trias spectari possunt, 1. Violatio signaculi virginalis, seu integratatis & incorruptionis corporis. 2. Delectatio carnalis ex resolutione seminis orta. 3. Propositum perueniendi ad talem delectationem; è quibus primum per accidens se habet ad actum moralem; secundum materialiter; tertium formaliter & completere; quia ratio moralium per se non consistit in corpore, & corporis dispositione; sed potius in ratione & voluntate: ita etiam in Virginitate integritas membra corporalis per accidens se habet ad virginitatem; ipsa autem immunitas à delectatione, quæ consistit in seminis resolutione, se habet materialiter, denique ipsum propositum perpetuo abstinenti à tali delectatione, se habet formaliter & completere in Virginitate. Ita S. Thomas.

Vbi quod dicit, integratatem corporis habere, se per accidens ad Virginitatem, non ita intelligentium est, quasi pro arbitratu adeste velabesse possit, salua virginitate; sed quia cum præter voluntatem abest, aut laeditur, ut ijs personis accidit, quæ per vim violantur, virginitatem non laedit, ut declarat S. Thomas eodem a. 1. ad 3.

In quem sensum Augustinus lib. 1. de ciuit. cap. 18 ait, membra illa posse diversis casibus vulnerata vim perpeti. Et Medicus, inquit, quandoque saluti opitulantes, hec ibi faciunt, quæ horret affectus. Obstetrix etiam virginis cuiusdam integratatem manus veleret explorans, dum inficit, perdidit. Et subiungit: *Non opinor quemquam tam stulte sapere, ut huic perisse aliquid existimet, etiam de ipsis corporis sanctitate, quamvis membra illius integritate iam perdita.*

Consonant ea, quæ de Virginitate scribit idem Augustinus lib. de Virgin. cap. 13. *Virginitas est in carne corruptibili incorruptionis perpetua meditatio.* Et ibidem cap. 8. *Licet virginitas in carne seruetur, ac per hoc corporalis sit, tamen spiritualis est, quam vobis & seruat continentia pietatis.* Et ibidem cap. 13. *Virginitas integras, & per piam continentiam ab omni concubitu immunitas, Angelica portio est.*

Delectationis autem venerea immunitas se habere dicitur materialiter ad virginitatem, quia est ipsum obiectum, in quod directe tendit Virginitas; cuius est ex proposito voluntatis abstinentia à delectatione venerea. Quare si seminis resolutio procedat ex mentis proposito, plane tollit virginitatem, sive fiat per concubitum, sive absque concubitu. At vero si præter propositum accidat, vel in somno, vel per vim illatam, cui mens non consentiat, vel etiam ex infirmitate naturæ, ut sit in ijs, qui fluxum seminis patiuntur, non perditur virginitas: Quia talis pollutio non accidit per impudicitiam, quam virginitas excludit, ut docet S. Thomas ibidem ad 4.

Ex quibus colligitur nullo modo audiendum, esse Martinum de Magistris, qui docuit Virginitatem solum amitti per læsionem claustrum virginalis, non per pollutionem, quem recte refutat Caetanus hinc a. 1.

**A S S E R T I O II.** Virginitas non est quid virtuosum, sed potius laudabile, adeoque virtus, seu virtutis actus; si vt supponimus, ad Deum, seu finem spiritualem referatur. Ita S. Thomas quæst: 152. a. 2. Constat ex Apostolo 1. Corinth. 7. v. 25. *De Virginibus autem præceptum Domini non habeo; consilium autem do tanquam misericordiam consequitur a Domino.* Et v. 38. *Igitur & qui matrimonio iungit Virginem suam bene facit, & qui non iungit, melius facit.*

Ratio est; quia cum sint tria hominis bona, nimurum externa, bona corporis, & bona animæ, sive quæ ad vitam actuum, sive quæ ad contemplatiuum pertinent; ac ex ijs priora ordinentur ad posteriora veluti finem, non est illicitum prioribus bonis se abdicare, ut consultum sit posterioribus. Cum igitur pia virginitas, de qua loquimur, ab omni delectatione venerea abstineat, ut liberius diuina contemplationi vacet, iuxta illud Apostoli 1. Corinth. 7. v. 32. *Qui sine uxore est, solitus est quæ Domini sunt, quomodo placeat Deo; qui autem cum uxore est, solitus est quæ sunt mundi, quomodo placeat uxori, & diuisus est.* Et mulier innupta, & Virginocogitat quæ Domini sunt, ut sit sancta corpore & spiritu. *Quæ autem nupta est, cogitat quæ sunt mundi, quomodo placeat viro:* factendum est, Virginitatem non esse aliquid vitiosum, sed potius laudabile. Secus est, si ea referatur ad finem merè naturalem & indifferentem, aut etiam vanum & friuolum, ut in simili de ieiunio dictum dub. 5.

Nec obstat primo præceptum illud Genesis 1. *Crescite & multiplicamini, & replete terram.* Quia hoc præceptum, sicut ad solam conseruationem speciei refertur, ita solum toti communitatati, non autem singulis è communitate datum est, ut recte S. Thomas ibidem ad 1. Et constat ipso sensu communii hominum; quisq; ob alias causas humanas, sine illa reprehensione, aut conscientie remorsu, à matrimonio abstinent.

Nec obstat secundò, quod olim secundum leges puniebant illi, qui semper cœlibem vitam duxerunt, ut testatur Valerius Maximus lib. 2. cap. 4. quodque Plato, teste Augustino lib de vera Religione, sacrificiale naturæ dicitur, ut perpetua eius continentia, tanquam peccatum aboleretur. Quia enim veteres illi Ethnici sublimius illud bonum, ad quod vera virginitas ordinatur, non agnoverunt, mirum non est, quod ea in nullo, ferè apud eos pretio fuerit. Plato verò quia solus legitur amore veritatis contemplandæ, ab omni delectatione venerea (in corporum commixtione posita) abstinuisse, non sacrificauit, quasi id peccatum esse existimat, sed peruersæ opinioni ciuium cedens, ut ibidem Augustinus dicit. Apud Romanos tamen constat, qualem quallem Virginitatem in vestalibus Virginibus, non paruo in honore habitamus.

**A S S E R T I O III.** Virginitas superius definita, est quedam virtus specialis. Ita S. Thomas q. 152.

art. 3. & colligitur ex Ambrosio lib. 1. de Virginibus cūm ait: *Inuitat integratis amor, ut aliquid de Virginitate dicamus, ne veluti transitu quodam perfricta videatur, quæ principalis est virtus.* Ratio Sancti Thomæ est, quia vbi est specialis materia boni, habens specialem excellentiam sive honestatem, ibi inuenitur specialis ratio virtutis: at vero conseruare se immunem ab experientia venereæ voluptatis, habet quadam excellentiam laudis & honestatis, distinctam à communi honestate castitatis, in hoc posita, vt quis se conseruet immunem solum ab inordinatione venereæ voluptatis: Ergo Virginitas est quædam specialis virtus, habens se ad castitatem, sicut magnificientia ad liberalitatem. Idem docet Valentia questione 1. punct. 2. eti negent Richardus in 4. distinçt. 33. & Lessius lib. 4. cap. 2. dub. 14. numero 99. vbi dicit, non differre a castitate nisi connotata; ita vt sit ipsa virtus castitatis in subiecto incorrupto.

<sup>127</sup> A qua sententia reipsa non differt Caietanus hic questione 152. art. 1. & 3. vbi solum concedit, esse virtutem distinctam à castitate, ratione voti: quod plane videtur contra S. Thomam hic art. 1. & 3. vbi sibi de Virginitate loquens, propositi tantum, non autem voti mentionem facit; idemque expresse docet in 4. d. 33. vt faretur Caietanus: qui tamen sine fundamento dicit, S. Thomam hic suam sententiam mutasse.

Quamvis enim art. 3. ad 4. requirat propositum voto firmatum, id tamen iuxta reliquam doctrinam S. Thomæ art. 1. & 3. intelligendum videtur de Virginitate strictiori significatu, prout dicit statum immutabilem Virginitatis. Quod etiam confirmatur ex eo, tum quod nunquam votum efficit peculiarem virtutem, vbi alias ex obiecto peculiari virtus non esset. Tum quia votum, cum ad religionem pertineat, non constituit virtutem specialem sub genere castitatis. Tum quia multæ virgines coluntur in Ecclesia, & coronantur à Deo, etiam si votum Virginitatis nunquam ediderint. Denique ratio S. Thomæ superius allatæ non fundatur in voto, nec id requirit, vt patet.

<sup>128</sup> Nec obstat primo, quod & Virtutes sunt inter se connexæ, & amissæ recuperari possunt: cum tamen Virginitas & multis virtute præditis desit, & semel amissa recuperari non possit, iuxta Hieronymum ad Eustochium de Custodia Virginitatis. Nam loquendo de Virginitate secundum habitum, vel secundum id, quod est in ea formale, virtus infusa Virginitatis Sanctis non desit, sed simul cum alijs virtutibus infunditur; in quibus etiam etenim in actum prodire potest, quatenus secundum mentis præparationem habere possunt perpetua ac inuiolata integratis affectum, atque etiam propositum, si ideis competeteret. Ita etiam amissa, quoad mentis propositum, Virginitas utique recuperari potest. Circa materiam autem Virginitatis, est aliquid, quod solum miraculose reparari potest, scilicet integritas corporis; aliud quod nec miraculose reparari potest, scilicet vt qui voluntarie expertus est voluptatem veneream, fiat non ex-

pertus. Non enim Deus potest facere, vt ea que facta sunt, non sint facta, vt recte S. Thomas eodem a. 3. ad 2. & 3.

Nec obstat tertio, quod Virginitas (per matronum) amittitur sine peccato; quod ceteris virtutibus non conuenit; quia virginitas infusa, idem sine peccato non amittitur, vt dictum; eti subiectum non denominet, vbi conditio in expertæ corruptionis deest: sicut nec ceteræ virtutes subiectum denominant, vbi vitiosus habitus contrarius magno gradu præponderat.

Nec obstat quarto, quod viduitas non est specialis virtus à castitate distincta, iuxta S. Thomam & communem. Quia viduitas experta voluntariæ delectationem veneream, nihil habet eximium supra castitatem, ob quod specialis virtus sit constituenda, vt recte Sanctus Thomas cit. art. 3. ad 5.

<sup>131</sup> ASSERTIO IV. Virginitas præferenda est coniugali continentia. Ita Sanctus Thomas questione 152. articulo 4. contra Iouinianum, & huius temporis sectarios; qui Virginitati matrimonium æquant, aut præferunt. Probatur ex Apostolo 1. Corinth. 7. verbis superius relatis, & Augustino lib. de Virginitate cap. 19. vbi ait: *Certe ratione, & sanctarum scripturarum autoritate, nec peccatum esse nuptias inuenimus; nec eas bono vel virginalis continentia, vel etiam virginalis aqua, Similia plura habent Hieronymus contra louiniatum, alijque Patres.*

Ratio est; quia bonum diuinum est potius humano bono; sicut & bonum animæ præfertur bono corporis, & bonum contemplatiæ vita præfertur bono actiæ. Virginitas autem ordinatur ad bonum animæ, secundum vitam contemplatiæ, quod est cogitare ea quæ sunt Dei; coniugium autem ordinatur ad bonum corporis, quod est corporalæ multiplicatio generis humani, & pertinet ad vitam actiæ; quia vir & mulier in matrimonio viuentes necesse habent cogitare quæ sunt mundi, vt patet ex Apostolo 1. ad Corinth. 7. Ergo indubitanter virginitas præferenda est continentia coniugali, vt bene ratiocinatur Sanctus Thomas cit. art. 4. Accedit exemplum Christi; qui & Marem Virginem elegit, & ipse Virginitatem seruauit.

<sup>133</sup> ASSERTIO V. Virginitas non est maxima virtutum, licet in genere castitatis sit excellentissima. Ita Sanctus Thomas questione 152. articulo 5. ex Augustino lib. de virgin. cap. 45. & 46. vbi martyrium, ac statum religiosum Virginitati præfert. Ratio est. Semper enim finis excusat id, quod est ad finem, & quanto aliquid efficacius confert ad finem; tanto melius est: finis autem, ex quo Virginitas laudabilis redditur, ex dictis, est vacare rebus diuinis; quod fit per virtutes Theologicas, & per virtutem Religionis; quæ proinde necessario præstantiores sunt virginitate. Similiter etiam vehementius in hoc elaborant Martyres, vt Deo inhærent, qui idcirco postponunt propriam voluntatem; & viuentes in monasterijs, qui ob hoc postponunt propriam voluntatem & omnia, quæ possunt habere, quam Virgines, quæ ob hoc solum postponunt veneream voluptatem: Ergo etiam Martyrum ac status religiosus præstat virginitati.

Nihil-

134 Nihilominus quia Virginitas in genere castitatis *transcendit* & castitatem vidualem, & coniugalem, ita ut matrimonio tricesimus, viduitati sexagesimus, & virginitati centesimus fructus attribuatur, secundum Glossam Hieronymi Matthæi 13, ideo Virginitas in genere castitatis præstantissima est; quæ idcirco etiam ab Ambroſio lib. I. de Virginibus principalis virtus dicitur. Plura de Virginitate, & quomodo ei respondeat, tum peculiaris fructus, tum propria ac spiritualis aureola, docuimus tom. 2. disput. I. quest. 4. dub. 2. & 3.

## DVBIVM VII.

*De Luxuria; quale sit vitium, & quotuplex, seu quanam eius species.*

S. Thomas 2. 2. q. 153. & 154.

135 **D**E hac re statuimus sequentes assertiones cum S. Thoma loco citato.

**ASSERTIO I.** Luxuria est vitium castitati oppositum, quo mens inordinate se habet circa voluptates venereas. Ita S. Thomas quest. 153. art. 1. 2. & 3. Ratio sumitur ex vnu nominis; & quia castitatis viruti vtique certum etiam opponitur vitium, quod non est aliud, quam luxuria.

136 **ASSERTIO II.** Luxuria est vitium capitale; cuius filiae dicuntur cæcitas mentis, inconsideratio, præcipitatio, inconstans, amor sui, odium Dei, affectus presentis seculi, & horror seu desperatio futuri. Ita ex S. Gregorio 31. Moral. cap. 31. S. Thomas quest. 153. art. 4. & 5. Ratio prima partis est; quia vitium capitale est, quod habet finem multū appetibilem, ita ut eius appetitione homo procedat ad multa peccata perpetranda; quæ omnia ex illo vitio tanquam ex principali oriuntur: Finis autem luxurie est delectatio venereorum, quæ & maxima est, & maxime appetibilis, secundum appetitum sensuum; tum propter vehementiam delectationis, tum etiam propter connaturalitatem eiusdem delectationis & concupiscentiæ.

137 Ratio secundæ partis est. Cum enim inferiores potentiae vehementer afficiuntur ad sua obiecta, consequens est, superiores vires impediri & deordinari in suis actibus: atqui per luxuriam inferior appetitus magno pere intendit & afficitur obiecto delectabili, propter vehementiam passionis & delectationis: Ergo etiam consequens est, per luxuriam maximè deordinari superiores vires, rationem scilicet & voluntatem.

Quod speciatim in hunc modum accidit. Sunt enim rationis practicae quatuor actus. Primo *simplex intelligentia*, quæ apprehendit aliquem finem, ut bonum. Et hunc actum impedit luxuria, dum facit, ut delectatio venerea eiusque obiectum operantibonum videatur secundum illud Danielis 13. v. 56: *species decepit te, & concupiscentia subuertit*

cor tuum. Et quantum ad hoc filia luxurie ponitur *Cæcitas mentis*.

Secundus actus est consilium de eligendis medijs; qui etiam impeditur per concupiscentiam luxurie, quæ non admittit accuratam mediorum inter se & cum fine collationem; quia ut Terentius ait in Eunucho, loquens de amore libidinoſo: *Quæ res neque consilium, neque modum habet ullum, eam consilio regere non potes.* Et quantum ad hoc ponitur præcipitatio.

Tertius actus est iudicium de agendis, qui eadem ratione impeditur per luxuriam, auocantem animum à consideratione eorum, quæ decent, iuxta illud Danielis 13. v. 9. *Euerterunt sensum suum, & declinaverunt oculos suos, ut non viderent calum, neque recordarentur iudiciorum iustorum.* Et quantum ad hoc ponitur *Inconsideratio*.

Quartus actus est præceptum seu imperium rationis de agendo, qui etiam impeditur per luxuriam: quæ ob impetum concupiscentiæ facit, ne quis exequatur id, quod decreuit esse faciendum. Vnde Terentius in Eunucho de quodam, qui se recessum dicebat ab amica, ait: *Hæc verba una falsa lacrymula restinguunt.* Quo sensu etiam Aristotle lib. 7. Ethic. cap. 11. docuit, intemperantia maxime corrumpi prudentiam.

Ex parte autem voluntatis consequitur duplex actus inordinatus, quarum unus est *appetitus finis*. Et quantum ad hoc ponitur tum *amor sui*, respectu scilicet delectationis, quam quis inordinate appetit; tum è contrario *odium Dei*, in quantum is prohibet delectationem concupitam. Alius autem est *appetitus eorum quæ sunt ad finem*; & respectu huius ponitur *affectus presentis seculi*, in quo quis scilicet frui cupit voluptate; & rursus per oppositum *desperatio futuri seculi*; quia dum mens nimis detinetur carnalibus delectationibus, non curat adipisci spirituales, sed fatidit. Vnde etiam Osee 4. v. 11. dicitur: *Fornicatio & vinum & ebrietas auferunt cor.*

141 Neque tamen male Isidorus apud S. Thomam, cit. a. 5. respiciens præcipue ad inordinatum locutionem, ex luxuria viri solitam, quatuor eiusdem effectus recenset; scilicet *turpiloquia, scurrilia, ludicra, stultiloquia*: siquidem in locutione quadruplex inordinatio spectari potest. 1. ex parte materie; quo spectant turpiloquia; quia onim ex abundantia cordis os loquitur, ut dicitur Matthæi 5. v. 34. *luxuriosi*, quorum eorū est turpibus concupiscentijs plenum, facile ad turpia verba prorumpunt. 2. ex parte causa. Quia enim luxuria inconsiderationem & præcipitationem causat, consequenter etiam facit prorumpere in verba leuiter & inconsidetate dicta, quæ dicuntur scurrilia. 3. ex parte finis; quia enim luxuriosus delectationem querit, verba sua ad delectationem ordinat, & sic prorumpit in verba ludicra. 4. quantum ad sententiam verborum, quam peruerit luxuria, propter cæcitatem mentis, quæ causat; & sic prorumpit in stultiloquia, vt pote cum suis verbis præfert delectationes alii quibuscumque rebus.

142 **ASSERTIO III.** Sex communiter distinguuntur luxurie species; scilicet *fornicatio simplex,*

adulterium, incestus, stuprum, raptus & vitium contra naturam. Ita cum Magistro in 4.d.4 & communi S. Thomas q.154 a.1. & sumitur ex Gratianio in decretis 36. quæst. 1. cap. Lex illa præteriorum. Probatur & declaratur. Nam peccatum luxuriæ in hoc consistit, quod quis non secundum rectam rationem delectatione venerea vtitur. Quod quidem generatim contingit duplitere, nimirum aut defectu debitæ materia, in qua delectatio quæritur; aut defectu conditionis, seu circumstantiæ debitæ; cuius tamen in præsenti non habet ratio; quia species per se actuum sumuntur ab obiecto seu materia, non à circumstantijs.

Materia vero, seu obiectum in præsenti potest repugnare rationi duplitere: uno modo, quia habet repugnantiam ad finem venerei actus, quæ est tum generatio, tum educatio proli; & sic quantum ad impedimentum ipsius generationis constituitur vitium contra naturam; quod est in omni actu Venerio, ex quo generatio sequi non potest: in quantum vero impeditur debita educatione proli natæ, est fornicatio simplex, quæ est soluti cum soluta.

Alio modo materia, in qua exercetur actus venereus, potest esse rationi rectæ repugnans per comparationem ad alios homines; idque duplitere. 1. ex parte ipsius foeminae, cui aliquis commiscetur; quia ei debitus honor non seruatur; & sic est incestus; qui consistit in abuso mulierum consanguinitate vel affinitate iunctarum. 2. ex parte eius, in cuius potestate est foemina; quia si est in potestate alterius viri, est adulterium; si autem in potestate patris, est stuprum, si non inferratur violentia; raptus autem, si inferatur. Diversificantur autem hæ species magis ex parte foemina, quam viri; quia nimirum ex parte materiae assignandæ sunt, vt dictum; in actu autem Venerio foemina se habet, vt patiens, & per modum materia; vir autem per modum agentis. Ita ferè S. Thomas cit. a. 1. Eandemque doctrinam fuse defendit Caietanus ibidem; quam etiam inferius magis declarabimus.

**A S S E R T I O IV.** Præter dictas luxuriæ species, est etiam sacrilegium, quo persona, vel locus sacer per luxuriam violatur. Ita Gregorius de Valentia hic quæstione 3. Et consentit Sanctus Thomas hic quæstione 154. qui tametsi artic. 1. ad 3. dixerit, sacrilegium, quod à persona Deo per spirituale quasi matrimonium consecrata admittitur, esse quoddam adulterium spirituale. Et similiter, inquit, alij modi sacrilegij rediguntur ad alias species luxuriæ: idem tamen Sanctus Thomas eadem quæstione 154. artic. 10. aperie afferit, etiam sacrilegium esse speciem distinctam luxuriæ. Sicut enim obseruatio castitatis, inquit, secundum quod ordinatur ad cultum Dei, est actus Religionis, vt patet in illis, qui voulent & seruant virginitatem, iuxta Augustinum lib. de Virginitate cap. 8. ita etiam luxuria secundum quod violat aliquid ad diuinum cultum pertinens, pertinet ad speciem sacrilegij; & secundum hoc sacrilegium potest ponni species luxuriæ. Ita Sanctus Thomas: qui etiam ibidem ad 2. respondet, in decretis 36. quæ-

stione 1. cit. capit. Lex illa, solum enumerari illa, quæ sunt species luxuriæ secundum seipsa. Sacrilegium autem est species luxuriæ secundum quod ordinatur ad alterius vitiij finem.

Et potest, inquit, concurrere cum diversis luxuriæ speciebus. Si enim aliquis abutatur persona coniuncta sibi secundum spirituale cogitationem, committit sacrilegium ad modum incestus. Si autem abutatur Virgine Deo sacra, in quantum est sponsa Christi, est sacrilegium per modum adultery, in quantum vero est sub spirituali Patre cura constituta, erit quodam spirituale stuprum; & si violentia inferatur, erit spirituale raptus, qui etiam secundum leges cuiuslibet grauius puniatur, quam alijs raptus. Vnde Iustinius Imperator in Codice lib. 9. tit. 23. lege unica dicit. Si quis non dicam rapere, sed attendere tantummodo matrimonij coniungendi causâ sacratiomis Virgines auctu freris, capitali pena feriatur. Eodem etiam spectat sacrilegium ob violationem loci sacri, per seminis emissionem commissum, de quo Nauarrus man. cap. 16. num. 3. & alibi tom. 4.

Et vero diuisionem illam luxuriæ in sex species tantum, non usque adeo accuratam esse, etiam agnouit Caietanus art. 1. cum ait: Non latuit authorem. (S. Thomam) quin plures potuissent assignari species, sed quoniam Magister sentent. & Gratianus sine contradictione has introduxisse videntur species, ideo author solita sua reuerenter vtiens, non tam docuit, quam rationem reddidit, quare haec sola species posita sunt. Nimirum quia in illa diuisione, respectus habitus fuit ad peccata in ratione luxuriæ persone mortalia; & consummata, & ex parte ipsius obiecti, siue materiae, specialem à naturali fine, actus venerei deordinationem importantia; non vero ad circumstantias mere extrinsecas, eidem fini per se nihil obstantes, aut finem operantis itidem extrinsecum. Quo spectat v. g. actus coniugalis solius delectionis causa habitus &c. Quamvis alioquin eiusmodi peccata conjugatorum ad easdem species reuocentur, vt docet Caietanus cit. artic. 1.

**A S S E R T I O V.** Impudicitia, in tactibus vel amplexibus libidinosis (inter non coniugatos) posita, est quidem peccatum mortale; at non distincta species luxuriæ; sed ad eam speciem pertinet, in cuius materia versatur; à qua non differt, nisi vt imperfectum à perfecto. Primam partem tradit Sanctus Thomas quæstione 154. artic. 4 ex communi, iuxta illud Matthæi 5. Qui videbit mulierem ad concupiscentum eam, mactatus est eam in corde suo. Ratio est; quia eiusmodi tactus continent grauem inordinationem in genere luxuriæ, & sua natura ordinantur ad coniugatorum eius delectionem.

Secunda pars contra Valentiam hic quæst. 3. punct. 3. vbi impudicitiam distinctam luxuriæ speciem constituit, colligitur ex eodem Sancto Thoma quæstione 154. artic. 1. ad 5. vbi negat, impudicitiam esse distinctam speciem luxuriæ, afferens solum pertinere ad quoddam actus circumstantes actum venereum; scilicet sunt oscula, tactus, & alia eiusmodi. Similia habet articulo 4. Sicut etiam supra dub. 6

num. 115. ex eodem S. Thoma dictum, pudicitiam non esse virtutem à castitate essentialiter distinguam.

Eadem est communis Doctorum sententia, speciatim eorum, qui docent, tactus impudicos, ad eandem speciem pertinere, ad quam spectant actus consummati, ad quos ordinantur; adeoque explicandum esse, an quis impudice tetigerit virginem, an coniugatam, an aliam solutam: quod quidem ex communi tradunt Antoninus part. 2. titulo 5. capite 1. §. 6. Caietanus hic quæstione 154. articulo 4. Nauarrus capite 6. Manualis numero 8. & capite 16. numero 3. & 9. Sotus in 4. distinctione 18. quæstione 2. articulo 4. & alijs. Ratio est; quia in moribus & actibus externis, id quod est in aliquo genere imperfectum, ad eandem speciem pertinet, cuius estactus ipse perfectus in eadem materia, ad quem per se ordinatur, ut etiam dictum tom. 2. diff. 4. q. 8. dub. 8.

**ASSESSORIO VI.** Omnes supradictæ species ita moraliter inter se differunt, ut in confessione distincte explicandæ sint. Est communis Doctorum, cum S. Thoma loc. citat, quia habent malitiam in genere moris admodum differentem, ut ex rationibus singularium patet. Est enim *fornicatio* naturalis commixtio soluti cum soluta non virgine; *Adulterium* inter duos, vel alterum coniugatum, qui tamen inter se coniuges non sint; & grauius est, si fæmina sit coniugata, quam si vir solus: nec damnatur adulterij iniuria quisquam coniugatus ad solutam accedens; nec *sacrilegium* presbyter metrericem cognoscens, in foro scilicet externo, ut ait Caietanus art. 1.

*Incestua* vero est inter consanguineos vel affines in gradu prohibito (idque in eadem specie tanto grauior, quanto gradus propinquior, iuxta Caietanum articulo 9.) veletiam inter cognatos spirituales, quo casu *sacrilegium* esse notarunt S. Thomas & Caietanus a. 10. ad 2.

*Stuprum* est, quando mulier est virgo, prædicta scilicet integritate corporis illæsa, siue aliquo vir sit virgo, siue non sit; & fæmina sit sub custodia parentum, vel tutorum, siue non sit, & siue sponte violetur, siue inuita per fraudem, quia non habet potestatem & dominium claustræ virginalis, ut ex communiori Doctorum sententia tradunt Caietanus hic quæstione 154. articulo 6. Valentia quæstione 3. punct. 3. & significant Nauarrus Manual. capite 26. numero 3. Lopez 1. part. capite 73. & SaV. *Luxuria*; quamvis aliqui solum tunc putent esse stuprum, quando virgo est sub custodia parentum, ut sentire videtur. S. Thomas citat, quæstione 154. articulo 1. & 6. & indicat Sylvester V. *Luxuria* §. 1. aut quando ipsa inuita (per fraudem) violatur; vt cum Soto sentire videtur Valquez 1. 2. disputatione 112. cap. 1. nec videtur omnino improbable, ut etiam dictum tomo 2. disputatione 5. quæstione 8. dub. 8. Rationem assignant; quod cum fæmina sua integratam potestatem habere, aut certe ea per se, ut bonum quoddam naturale corporis est, tanti momenti non esse videatur, nulla videatur specialis ac notabilis malitia admitti, si eam ip-

sa non inuita prodigat. Hoc quidem certum est, magis ex ea siue repugnanciam, siue custodia aggravari peccatum, cum etiam fiat iniuria siue virgini, siue parentibus, vel curatoribus.

*Rapto* stricte & secundum iura, est violenta abductio mulieris rapienti non despontate, vel adictæ, propter exercendum actum turpem; siue inferatur violentia mulieri, siue parentibus, siue utrisque, ut ex Gratiano docet S. Thomas quæst. 154. articulo 7. & pluribus diceretur como 4. de matrim. imped. In foro tamen conscientia, & formaliter loquendo, ad raptum spectat, etiam quæuis violenta virginis, aut fæminæ constupratio, iuxta S. Thomam loc. cit.

*Sacrilegium* est, cum violatur aut persona voto castitatis obstricta, aut locus consecratus.

Vitium contra naturam generativum dicitur, quando venereus actus exercetur, talimodo, qui per se impedit generationem humanam; qui proinde non solunt repugnat rationi rectæ, quod est commune omni vitio luxuriæ, sed etiam ipsi ordini naturali venerei actus, quem sibi humana natura de posuit.

**ASSESSORIO VII.** Adulterium tamen, raptus, & *sacrilegium* sunt tantum species accidentales luxuriæ; adeoque præter malitiam luxuriæ, habent malitiam specie distinctam, siue iustitiae siue religioni oppositam. Ita S. Thomas latè aperte tradit citat, quæstione 154. articulo 1. ad 2. vbi ait: *Nihil prohibet, in eodem actu diversorum vitiorum deformitates concurrere. Et hoc modo adulterium continetur sub luxuria & sub iniustitia. Nec deformitas iniustitia omnino per accidens se habet; ostenditur enim luxuria grauior, qua in tantum concupiscentiam sequitur ut etiam in iniustitiâ ducat. Et articulo 10. in corpore & ad 1. ait; luxuriam secundum quod ordinatur ad finem alterius vitij, effici illius vitij speciem; & sic aliquam vitij speciem effectum irreligiositas & *sacrilegium*. Eadem est verior & communior Doctorum sententia; et si nonnulli existimant adulterium, & similia solum habere speciem & malitiam luxuriæ, ut diximus tomo 2. disputatione 2. quæst. 5. dub. 5. numero 103.*

Ratio est: quoties enim circumstantia peccato adueniens, opponitur diuersæ virtuti, ab ea, cui opponitur actus peccati in se spectatus, tum ea actus peccaminoso addit nouam malitiam specie distinctam, eidemque virtuti oppositam, cui ipsa circumstantia opponitur: at vero circumstantia vxoris alienæ, ac violentiæ illatæ, itemque persona aut loci sacri, aduersatur virtuti à castitate distinctæ, aut iustitiae scilicet, qua violatur ius alterius, ipsorationabiliter invito, aut religioni, ut dictum: Ergo, eadem circumstantia addunt actui luxuriæ nouam malitiam specie distinctam, non quidem ipsi castitati, sed diuersis virtutibus oppositam, ut dictum.

Maior propositio patet ex communi doctrina, quam tradidimus tomo 2. loc. cit. contra quodam aliter opinantes. Minor constat, quia ratio & malitia iniuria, veletiam irreligiositas, qua aduersus locum aut personam sacram committitur, non viisque opponitur per se castitati, sed alijs virtutibus, quas diximus.

149 Quod si adulterium cum vxore, marito etiam consentiente, perpetretur, propriè quidem non videtur lèdi ius alterius; quia volenti non fit iniuria, vt dicimus disputatione 4. quæstione 8. dub. 1. numero 7. & 9. Læditur tamen ipsa inuiolabilis sanctitas matrimonij; & in foro externo merito non fecus punitur, ac si inuito marito vxori violata fuisset; quia is ipse consensus mariti, vt & acceptatio eius in vxore, pernitoso scelere non caret.

ASSERTIO VIII. Vitium contra naturam pluribus modis contingit, pluresque, nimurum, quinque, species sub se complectitur. Ita ex communi docet S. Thomas citat. quæstione 154. articulo 11. Contingit enim 1. Si absque omni concubitu, causa delectationis venereæ, pollutio procuretur; quod pertinet ad peccatum *immunditiae*, quæ etiam *mollities* dicitur, iuxta Apostolum Galat. 5. & 2. Cor. 12. Item 2. si fiat per concubitum ad rem non eiusdem speciei; quod vocatur *bestialitas*. 3. Si fiat per concubitum ad non debitum sexum, puta masculi ad masculum, vel feminæ ad feminam, vt Apostolus dicit ad Rom. 1, quod dicitur *sodomiticum vitium*. 4. & 5. Si non seruetur naturalis modus concubendi, aut quantum ad instrumentum, seu vas non debitum, quo casu nonnulli putant committi etiam Sodomiam, alij rectius negant, vt dicimus: aut quantum ad alios monstroso bestiales concubendi modos qui si generationi obstant, sunt peccata mortalia, etiam in coniugib[us], &c. vt pluribus suo loco de matrimonio dicetur. Quæ proinde omnia tanquam nefanda sclera sepius etiam detestatur Apostolus Rom. 1. 1. Cor. 6. & 12. Gal 5. Ephes. 5. Heb. 12.

Et vero hæc singula esse peccata specie distincta, recte probat Caietanus articulo 11, ex diueritate motiuorum, quorum quodlibet est per se sufficiens ad corruptionem naturalis ordinis actus venerei humani. Mollementum mouet sola expletio voluptatis venereæ. Sodomiam mouet persona indebiti sexus. Bestialem mouet suppositum alienæ speciei. Abutentem feminam extra vas mouet delectatio in parte indebita. Et ultimum mouet delectatio indebiti modi. Vnde colligitur, commixtione viri cum muliere, contra naturam, & cum puer, distinguuntur species; illamque non esse proprie Sodomiam; eo quod ipsa persona concubens non est contra naturam, sed sola pars eius &c. vt recte ibidem docuit Caietanus, quicquid nonnulli in contrarium dixerint.

Dicere autem prædicta quinque peccata non esse morali specie distincta, nec adeo in confessione necessario explicanda, vt nonnulli recentiores insinuarunt, mihi practice tutum non videtur.

150 ASSERTIO IX. Tum omnes alias septem species luxurie, tum ipsa etiam fornicatio simplex, ac pollution voluntaria & directe procurata, ita per se ac intrinsecem mala sunt, & peccata mortalia, vt nullo casu sint licita: excepta sexta & postrema, vbi seruato debito vase vxoris, solus modus concubandi, sine periculo extra vas debitum effundendi seminis, immutatur: quod ex causa ratio-

nabili subinde etiam licitum esse potest; si nimirum dispositio corporis non patiatur aliud fieri. Hæc pars traditur à Caietano articulo 1. ex communi, vt pluribus dicetur suo loco de matrim. tomo. 4.

Priorem partem tradit S. Thomas quæstione 154. articulo 2. & 5. ex communi Doctorum; quidquid in contrarium dixerint Martinus de Magistris, apud Caietanum citat. articulo 2. & vt appareret ut Durandus in 4. distinc. 33. quæstione 2. scilicet iure naturæ, fornicationem simplicem, saltem non vagam, sed inter personas certas, que circa matrimonium velint (ex pacto præsertim & obligacione) gerere conuenienter curam prolis, non esse peccatum mortale, sed solum iure diuino positivo esse prohibitam. Quam opinionem merito Sustus lib. 5 de iust. quæst. 3. artic. 3. & Valentia hic quæst. 3. punct. 3. censem esse errorem in fide, minime tolerabilem.

Ratio quantum ad fornicationem est; quia fornicatio simplex sua natura aduersatur conuenienti susceptioni & educationi prolis; quando per eam & proles incerta redditur; & cura constans ac perpetua honestæ ac decentis educationis ab utroque parente proli adhibenda negligitur, vt pluribus perficitur S. Thomas, cit. a. 2.

Neque resert, quod per accidens hæc incommoda quandoque abesse, aut auerti possunt; quia vt bene aduertit Caietanus ibidem ex ipsa naturæ institutione requiritur, vt naturali quoddam ordine ac necessitate (ex ipso videlicet naturali vinculo matrimonij) sexuum mixtio ad debitam filiorum educationem ordinetur; vt etiam in animantibus videre est quorum unum ad prolis educationem non sufficit; ea enim tunc naturali societate inter se consociantur.

Quantum vero ad pollutionem voluntariam, varij varias assignant causas: mihi hæc præcipua videtur, quia semen non est excrementum corporis humani, sed per se ad eius perfectionem pertinens, tanquam instrumentum necessarium generationis & conseruationis speciei, cuius proinde fundendi homo, potestate non habet, nisi iuxta ordinem à natura præscriptum, & accommodatum ad supradictum finem. Quo sit, vt sicut ob fines quoddam extrinsecos, se homo per ebrietatem rationis vsu priuare, non potest, vt dictum dubio 4. ita etiam nec propter sanitatem, nec ob alios fines extrinsecos, directe pollutionem, sive seminis effusionem procurare possit.

Quæ ratio pariter etiam ad feminas pertinet, quando & ipsarum semen generationis principium quoddam est, vt cum Aucenna in cap. 9. de animalibus & Alberto in fin. 15. de animalibus itemque Galeno, & Scoto in 4. distinctione 3. pluribus persequitur Caietanus hic quæstione 154. articulo 12. quidquid in contrarium dixerit Aristoteles 1. de gen. anim. circa finem, quem sequi videtur S. Thomas 3. part. quæstione 31. articulo 5. ad 3. quasi semen illud aut ex necessitate, materie proueniat, aut certe per se ad generationem non conferat: quod satis refellit ut ipse delectationis sensu quem mulieres in eius fluxu habent,

habent, non frustra à natura indito, siue id etiam extra corpus fluat, siue non, ut bene aduertit Caetanus.

**A S S E R T I O X.** Supradictæ tamen luxuriæ species, inter se quoad malitiæ grauitatem plurimum differunt; è quibus perse ac ex suo genere grauissimum est peccatum contra naturam. Ita sanctus Thomas quæst. 154. artic. 12. ex Augustino lib. de adulterinis coniugijs, vt refertur 32. quæst. 7. capite *Quemadmodum, & cap. Adulterij.* Probatur & declaratur. Quia sicut in speculatiis error circa ea (principia scilicet) quorum cognitio est homini naturaliter indita, est grauissimus, & turpislimus; ita in agendis, agere contra ea, quæ sunt secundum ipsam naturam determinata, est grauissimum & turpislimus: at vero in vitijs, que sunt contra naturam, transgreditur homoid, quod est secundum naturam (per modum quasi alicuius primi principij, ex ipso fine principali secundum substantiam spectato desumpti) determinatum, circa usum venerum: ergo peccatum hoc ex suo genere est grauissimum. Post quod est *incestu*, qui est contra naturalem reuerentiam, quam personis coniunctis debemus.

Per alias autem luxuriæ species preteritus (non quod secundum ipsam naturam, in ordine ad substantiam generationis humanæ, sed) solum id, quod est secundum rationem reellam, (nempe quodam discursu) determinatum, ex presuppositione tamen naturalium principiorum. Magis autem repugnat rationi, ut aliquis venereis vtratur, non solum contra id, quod conuenit proli generandæ, sed etiam cum iniuria alterius. Et ideo *fornicatio simplex*, quæ committitur sine iniuria alterius persona, minima est inter omnes species luxuriæ. Maior autem iniuria est, si quis abutatur muliere alterius potestate subiecta ad usum generationis, quam ad solam custodiā: & ideo *adulterium* est grauissimus, quam stuprum; & utrumque aggrauatur per violen-  
tiam; qua de causa rapina virginitas, est grauissimus, quam stuprum; & raptus vxoris, quam adulterium; & hæc omnia aggrauantur secundum rationem sacrilegij.

**153** Loquendo vero de diuersis speciebus ipsius peccati contra naturam; quia grauitas peccati magis spectatur ex abuso alicuius rei, quam ex omissione debitus usus; ideo inter vitia contra naturam infimum locum tenet peccatum *immunditia*, quod consistit (saltē secundum id, quo à cæteris peccatis contra naturam differt) in sola *omissione concubitus ad alterum*. Grauissimum autem est peccatum bestialitatis; quia non seruatur debita species. Vnde super illud Genesis 37. capite n. 2. Accusavit fratres suos crimen pessimo, dicit Glossa, quod cum pecoribus miscerantur. Post hoc autem est vitium *sodomiticum*; cum ibi non seruatur debitus sexus. Post hoc autem est peccatum ex indebito ac innaturali modo concubendi, magis autem si non sit debitum usus, quam si sit inordinatio secundum aliqua alia pertinentia ad modum concubitus. Ita S. Thomas cit. a. 12. in corpore, & ad 4.

Eadem doctrina confirmatur ex Augustino

lib. 3. confess. capite 8. vbi ait: *Flagitia quæ sunt contra naturam, ubique ac semper detestanda atque punienda sunt, qualia sodomitarum fuerunt; quæ si omnes gentes facerent, omnes edem criminis reatu diuina legi tenerentur; quæ non fecerit homines, ut sé illo vterentur modo. Violatur quippe ipsa societas quæ cum Deo nobis esse debet, cum eadem natura, cuius ille auctor est, libidinis peruersitate polluitur.*

Dubium esse potest, an etiam ipsæ species quinque peccati contra naturam plures alias sub se species comprehendantur. Respondeo cum Caetano quæstione 154. articulo 11. negative. Cum enim vitium mollitiae venereæ constituantur ex voluntaria pollutione, absque concubitu quoconque, nulla appetit differentia formalis, inquit Caetanus, quæ distinguat hanc speciem. Siue enim sit procurata extrinseco ad miniculō, proprio vel alieno, per quodcumque coniunctum, vel separatum instrumentum, dummodo absit concubitus: siue sit procurata per solum interiorē actum positiue, vel negatiue, nulla efficit diuersitas specifica: quoniam hæc omnia materialiter, vel per accidens se habent ad voluntariam seminationem, absque concubitu. Grauissimum peccatum est, cum alieno (etiam absque vlla alioqui concupiscentia alieni, aut sibi ratione coniugij non debiti corporis) hoc adminiculō sit, ratione societatis in peccato alterius. Et hac intellige, loquendo de tali specie peccati secundum se: quoniam loquendo de eodem peccato, vt subordinatur morosa delectationi, aut desiderio adulterij, recipit etiam adulterij deformitatem: & vt subordinatur morosa delectationi, aut desiderio incestus, admittit deformitatem incestus; & sic de alijs. Ita Caetanus: quod intelligendum iuxta doctrinam de morosa delectatione traditam, tomo 2. disputatione 4. quæst. 8. dub. 8.

Ita etiam, inquit Caetanus ibidem, vitium bestialitatis species specialissima est. Nam neque vasis, aut sexus diuersitas, in bestia diuersitatem motuum in ordine ad rationē habet: sed sub eadem mouenditione comprehenditur; quia bestia ipsa mouet, scilicet ut extraneum à specie humana: sicut etiam omnis concubitus masculi cum masculo, inter homines, est eiusdem speciei; quia sub eadem ratione mouet mas, & quilibet eius pars, marem ad actum venerem; & mulier mulierum; neque natu est sequi generatio humana, ex commissione cum sexu diuerso bestie, sicut accedit in commissione hominum. Et per hoc etiam dicitur, quod omnis concubitus cum dæmone, est eiusdem (bestialitatis) speciei specialissime, quia sub una ratione mouet, ut suppositum non eiusdem speciei.

Ethæc intellige, quantum est ex natura actus, hoc est, ipsius concubitus secundum se, cum supposito non eiusdem speciei: quoniam ex parte affectus, utputa si quis etiam bestia affectu Sodomitico (imaginatione innaturalis vasis humani) abutatur; aut cum demone per affectum ad delectationem sodomitacem, vel

cum

cum consanguineo &c. coeat, peccatum ultra bestialitatis vitium, deformitatem sodomiæ, vel adulterij, vel incestus, vel sacrilegij &c. (iuxta superius dicta) induit.

Potest quoque ex parte effectus, adiuncto quandoque patientis affectu, seu consensu, variari bestiale peccatum mulieris cum dæmonie: puta si dæmon non confectu à seipso semen, quod non est verum semen humanum, sed verum semen humanum, acceptum ab aliquo viro transfundat. Tale enim peccatum, ex parte concubitus, est bestialitas; ex parte vero commissionis semen (si viri extranei soluti, aut nullius certi, semen expeditum sit) ad simplicem fornicationem reductu spectat: &c.

Diffrereturam specie concubitus cum dæmonie, à concubitu cum bestia, ex admisione alterius vitij, scilicet irreligiositatis, non secundum speciem sacrilegij, sed superstitionis illius, ad quam spectat societas cum dæmonibus &c. Ita Caietanus: Cuius verba, quia brevia sunt, & simul luculenter rem obscuram declarant, his insinuere volui.

Ex cuius itidem doctrina, et si peccatum viri cum muliere extravas naturale sit vni speciei; speciem differt, a peccato in solo modo concubendi cum muliere; propter diuersitatem motiuorum: quoniam ad vsum mulieris extra vas naturale, mouet delectatio partis, seu instrumenti inaturalis, ad vsum vero mulieris in vase naturali, modo indebito, mouet delectatio ipsius modi innaturalis. Quo fit, inquit Caietanus, vt inter modos quatuor virij contra naturam superioris commemoratos sola quarta species subalterna inueniatur: quam propterea cum eodem Caietano assert. 8. in duas species distinximus.

Atque haecenius doctrinam fere S. Thomæ de peccatis luxuriae persequuti sumus. Plura vero hoc spectantia, speciatim an, & qua ratione delectatio morosa sit peccatum, item an, & quando tactus, aspectus, amplexus turpes & impudici tum interfollatos, tum inter sponsos & coniuges sint peccata mortalia; an item, & qua ratione pollutio etiam directe non procurata, tamē aliquo modo in sua causa voluntaria, sit peccatum; qua ex parte etiam attingit S. Thomas q. 154. a. 4. & 5. satis fuse declarauimus tom. 2. disp. 4. q. 8. dub. 3. 4. 5. 6. 7. 8. Sicut etiam de restitutione propter illatum, stuperficienda agetur disput. sequenti. De raptu vero, quatenus impedimentum matrimonij est, agendum est pluribus tom. 4. de matrimonio.



## D V B I V M VII.

*De partibus potentialibus temperantie; speciatim de continentia & mansuetudine, virtutisque oppositis.*

s. Thomas 2.2. q. 155. 156. 157. 158. & 159.

**Q**uartitur primo, an & qualis virtus sit continentia. **ASSERTIO I.** Continentia dupliciter accipitur, primo pro ea, qua quis ab omni delectatione venerea abstinet, quo sensu Apostolus ad Gal. 5. v. 23. continentiam castitati coniungit, & sic continentia, principalis quidem est virginitas, secundaria autem viduitas, virtus virique vera & perfecta, non secus ac de castitate & Virginitate superioris dictum.

Secundo accipitur ab Aristotele 7. Ethic. atque etiam in Collationibus Patrum pro ea qua quis resistit concupiscentijs praus, qua in eo vehementes adhuc existant: quo modo licet continentia sit ipsa virtus temperantie, adeoque vel abstinentie, vel castitatis, aut virginitatis, non tamen habet rationem sestatum perfectum Virtutis moralis, cuius est appetitum sensituum ita rationi subjcere, vt in eo non insurgant vehementes passiones rationi contrariae. Hæc videtur mens S. Thoma q. 155. a. 1. cum ait, continentiam posteriori sensu habere aliquid de ratione Virtutis; & dici posse continentiam esse Virtutem; non tamen attingere ad perfectam rationem Virtutis moralis, ob dictam caufam.

In eundem sensum intelligendus est Aristoteles 4. Ethic. cap. vlt. assertens, continentiam non esse virtutem, sed quandam mixtam, in quantum scilicet habet aliquid de Virtute, & in aliquo deficit à Virtute. Ratio est, quia de essentia virtutis moralis non est, vt passiones iam edomitas habeat, sed vt in ijs domandis versetur; maxime cum nulla eiusmodi virtus inchoata passiones domitas habeat, & nec tamen essentia differat à virtute perfecta.

**ASSERTIO II.** Continentia, vt & incontinentia, versantur circa delectationes tactus velut circa propriam materiam. Ita S. Thomas cit. q. 155. a. 2. ex Aristotele 7. Ethic. cap. 4. Ratio est; quia ex ipsa via nominis, continentia est circa illas passiones, que impellunt ad aliquid prosequendum quod non decet: quo in genere cum potissimum vim habeant delectationes tactus, vel ad conservationem individui, vel ad conseruationem speciei spectantes, ideo continentia & incontinentia proprie dicuntur circa concupiscentias delectationum tactus: quamvis continentia generatim etiam in quacunque alia materia illicita locum habere possit, puta in abstinentia à vindicta, lucre vel honore prohibito &c. qua ratione, continentia ad eam Virtutem pertinebit, in cuius materia versatur. Quomodo etiam intelligi potest illud Eccl 26. v. 20. Omnis ponderatione est digna continentis anima, iuxta S. Thomam ibidem a. 4. ad 1.

**ASSERTIO III.** Continentia est in voluntate ac temperantie subordinata. Ita S. Thomas cit. q. 155. a. 3. & 4. Primum probatur, quia licet sit circa

passio-

passiones appetitus concupisibilis, non tamen adhuc eas habet perdomitas, adeo ut concupisibilis appetitus eodem modo se habeat in continente, & in eo, qui incontinentia est; quia in vitroque protumitur ad concupiscentias pravaas vehementes; sola differentia est ex parte voluntatis; quod in hoc etiam voluntas passionem sequitur; in illo resistit. Ergo continentia est in voluntate.

Ira quidem S. Thomas, idque conuenienter secundum ipsam vim nominis continentia. Quod tamen nil obstat, quo minus sit essentialiter eadem virtus cum temperantia, quatenus & haec principaliiter in voluntate versatur, ut suo loco generatum dictum tomo 2. disp. 3. q. 3. dub. 2. Sicut etiam è conuerso negari non debet, continentia respondere imperfectū aliquem habitum temperantiae etiam in appetitu sensuio; siquidem uno actu generali habitum quoad essentiam diximus ibidem q. 1. dub. 3.

Secunda pars declaratur; quia continentia posteriori sensu accepta, prout hoc loco de illa agitur, comparatur ad temperantiam sicut imperfectum ad perfectum, ut dictum est. Et indicat quidem simul S. Thomas, eam esse quasi partem potentiam temperantiae adiunctam: sed hoc non nisi improprie & solum quadam similitudine imperfecta accipiendo, ut ex dictis constat.

Nec obstat, quod continentia quæ in certando versatur, videtur mereri maius præmium, quam temperantia, iuxta illud 2. ad Timoth. 2. Non corenabitur, nisi qui legitime certauerit: quia magnitudo concupiscentia, seu tepiditas & parvitas eius ex duplicitate procedere potest. 1. ex causa corporali; quidam enim ex naturali complexione sunt magis proni ad concupiscentiam, quam ali: & iterum quidam habent opportunitates delectationum concupiscentiam inflammandas magis paratas, quam ali. Et talis debilitas concupiscentie, diminuit meritum; magnitudo autem auger. Quandoque vero debilitas concupiscentie prouenit ex causa spirituali laudabili, puta ex vehementia charitatis, vel fortitudine rationis: sicut est in homine temperato. Et hoc modo debilitas concupiscentia auget meritum, ratione sua causa; magnitudo vero minuit. Ita S. Thomas cit. a. 4; ad 2. Ex quibus efficitur, continentia per le non esse maioris meriti, quam temperantiam.

Quaritur secundo, an & qual peccatum sit incontinentia. Respondeo breuiter, incontinentiam esse peccatum continentia oppositum; ita quidem ut iuxta posterioriem notionem continentia, intemperatus plus peccet; quam incontinentis; cum ille exhibuit, hic vero ex passione peccet, iuxta Aristotelem 7. Ethic. cap. 8. & S. Thomam q. 156. a. 3. & dicta superius. Et quamquam secundum passionem rationem, concupiscentia incontinentia turpior sit, quam ira; tamen quantum ad malum sequens, saepe grauior est ira incontinentia, quam concupiscentia, iuxta eundem Aristotelem 7. Ethic. cap. 6. Posterior pars huius doctrina pater.

Prioris partis, quod incontinentia concupiscentia turpior si incontinentia ira, &c. Ratio est: 1. quia motus iræ participat aliquot rationes; motus autem concupiscentia totaliter est secundum sensum, & nullo modo secundum rationem. 2. quia motus iræ magis (ac promptius) consequitur corporis complexionem,

propter velocitatem (& efficaciam) motus choleræ, quæ tendit ad iram. Vnde etiam frequentius ex iracundiis nascuntur iracundi, quam ex concupiscentibus concupiscentes. 3. quia ira querit manifeste operari, sed concupiscentia querit latebras, & dolose subintrare. 4. quia concupiscentia delectabiliter operatur, sed iratus quasi quadam tristitia precedente coactus. Ita S. Thomas q. 156. a. 4. ex Aristotele 7. Ethic. cap. 6.

Quæritur tercio, an & qualis virtus sit clemencia & mansuetudo; & quomodo inter se differant.

**A S S E R T I O I.** Mansuetudo est virtus iræ moderativa; à qua essentialiter differt clementia, quod haec propter punitionem exteriorem, illa vero per se ac immediate ira passionem moderatur: Ita S. Thomas q. 157. a. 1. & 2. ex Aristotele 4. Ethic. cap. 5. & Seneca lib. 2. de clementia cap. 3. vbi clementia definit, lenitatem superioris aduersus inferiorem. Ratio est, quia passiones interiores sunt exteriorum actionum principia, aut etiam impedimenta. Quo fit, ut virtutes, quæ moderantur passiones, quodammodo concurrant in eundem effectum virtutibus quæ moderantur actiones, licet specie differant. Sicut ad iustitiam proprie pertinet cohibere hominem à furto ad quod inclinatur per inordinatum amore pecunia, quæ moderatur liberalitas; adeo ut liberalitas & iustitia in eundem effectum concurrant, qui est abstinentia à furto. Idem accidit in proposito. Nam ex passione iræ facile quis provocatur, ad inferendam peccatum grauiorem: ad clementiam autem proprie & directe pertinet, esse diminutum penarum. Quo fit, ut mansuetudo in quantum refranat impetum, concurrat in eundem effectum cum clementia. Differunt autem inter se, quia clementia per se est moderativa exteriore punitionis, mansuetudo autem proprie diminuit passionem iræ. Vnde etiam mansuetudini proprie opponitur iracundia, ut dicetur; clementia autem crudelitas, qua quis puniendi causam quidem habens, modum tamen non habet iuxta Senecam lib. 2. de clement. cap. 4.

**A S S E R T I O II.** Etsi mansuetudo & clementia generali quadam ratione, quatenus in moderatione quadam versantur, tanquam partes quædam potentiales & virtutes secundariae adiungit soleant temperantia; tamen multo maiorem affinitatem habet illa quidem cum fortitudine; haec vero cum iustitia. Ita fere S. Thomas cit. q. 157. a. 3. Et prima pars sumitur ex Cicerone lib. 2. de Inuent. & Seneca lib. 2. de Clem. cap. 3. Ratio primæ partis est, quia & mansuetudo in hoc cum temperantia conuenit; quod utramque moderatur passiones appetitus sensuum, in quibus tamen moderandis, præstat temperantia mansuetudini; quod illa refranat concupiscentias vehementissimas delectationum tactus, quæ sua natura magis appeti solent, quam vindicta ad iram pertinens. Similiter clementia versatur in moderandis actionibus externis, quibus præna infertur. Adiunctio autem virtutis secundariae ad principales magis attendit, inquit S. Thomas ad 2. secundum modum virtutis, qui est quasi quædam forma eius, quam secundum materiam. Quod tamen plane arbitrium videtur, nec male quisquam fecerit, qui attendendo simpliciter maiorem conformitatem virtutum inter se, mansuetudinem quidem fortitudini, clementiam vero iustitiae subiunxit.

Et

162 Etenim ad quod secundâ partem assertionis attinet, conuenit Mansuetudo cum fortitudine magis quam cum temperantia, tam ex parte obiecti seu materiae quam subiecti; siquidem utraque virtus versatur circa passiones appetitus irascibilis, ac proinde in ipso appetitu irascibili consistit. Ita etiam clementia, siue obiectum siue subiectum spectemus, multo magis conuenit cum iustitia quam cum temperantia. I. quia clementia non secus ac iustitia, per se ac directe versatur circa alterum. 2. per se ac proprie versatur circa actiones externas, non circa passiones. 3. est in voluntate, ut iustitia, non in appetitu sensitivo. Quare etiam Aristoteles 5 Ethic. cap. 10. diminutionem peccatorum attribuit Epikia, ad iustitiam pertinenti.

163 Nec obstat, quod S. Thomas a. 3. ad 1. docet, diversa ratione diminui peccatas ab Epikia, & a clementia. Nam in diminutione paenarum, inquit, duos sunt consideranda, quorum unum est, quod diminutio paenarum fiat secundum intentionem leui iutoris, licet non secundum verba legis; ac secundum hoc pertinet ad Epikiam: aliud autem est quædam moderatio affectus, ut homo non vacatur sua potestate, in inflictione paenarum. Et hoc propriè pertinet ad clementiam, iuxta Senecam lib. 2. de clementia cap. 3. vbi ait: Clementia est temperantia animi in potestate viciendi. Et hæc quidem moderatio animi prouenit ex quædam dulcedine affectus, qua quis abhorret omne illud, quod potest alium contristare. Ex ideo Seneca dicit ibidem, clementiam esse quamdam lenitatem animi: sicut è conuerso austerioris animi videtur esse in eo qui non reveretur aliis cor. tristare. Ita S. Thomas. Etiamque enim hoc vere sit, manet tamen nihilominus id, quod diximus clementiam etiam qua ratione ab Epikia distinguitur, tribus ijs, quas diximus rationibus, cum iustitia potius, quam temperantia conuenire.

164 ASSERTIO III. Mansuetudo & clementia etsi magnam in scriptura laudem habeant, non tamen sunt Virtutum præstantissima. Ita S. Thomas q. 157. a. 4. Prima pars patet. Mansuetudo enim in scriptura plurimū commendatur, tum quia hominem peculiari ratione ordinat ad Dei cognitionem, in qua beatitudo posita est, Eccli 5. v. 13. Esto mansuetus ad audiendum verbum ut intelligas. Iacobi 1. v. 21. In mansuetudine suscipite insitum verbum, quod potest salvare animas vestras. Et Dionysius epist. 8. ad Demophilum ait, Moyse propter multam mansuetudinem Dei apportione dignum habitum.

Tum quia & Deo & hominibus est acceptissima Eccli. 1. v. 34. Quod beneplacitum est illi fides & mansuetudo; & adimplerit thesauros illius. Matth. 11. v. 29. Discite à me quia misericordia sum, & humilis corde, & inuenietis requiem animabus vestris. Et rursum Eccli. 3. v. 19. filii in mansuetudine opera tua perfice, & super hominum gloriam diligere. Quo spectat etiam illud Proverb. 20. vers. 28. Misericordia & veritas constituant regem & roboretur clementia thronus eius.

Denique mansuetudo remouendo impetus ire & pacando animum, maxime facit hominem esse compotem sui iuxta illud Eccli 10. vers. 51. filii in mansuetudine serua animam tuam, & da illi honorem secundum meritum suum.

Ratio posterioris partis, est; quia perfectius est prosequi bonum, quam fugere malum, seu resistere malo: Ergo virtutes, quæ simpliciter ordi-

nant in bonum, sicut fides, spes, charitas, & etiam prudenter, & iustitia, sunt simpliciter maiores virtutes, quam clementia & mansuetudo, quæ resistunt malo.

Quæritur quarto, an & quale peccatum sit, iracundia: & quæ species, quod vitium opportunitum habeat. ASSERTIO I. Irasci per se ac universum non est vitium; sed potius secundum rectam rationem irasci etiam aduersus alterum laudabile est. Ita S. Thomas q. 158. a. 1. quidquid Cassianus lib. 8. de iustit. relig. cap. 6. & alij nonnulli ex philosophia Platonica, secundum hanc re loquuti fuerint. Patet ex illo psalmi 4. v. 5. Irascimini & nolite peccare. Ratio est; tum quia ira est naturalis passio animæ, à Deo auctore naturæ insita; tum quia est appetitus vindictæ quæ & bene & male appeti potest, etiam aduersus alterum.

ASSERTIO II. Quod si ira sit immoderata, & à recta ratione deuia, vitiosa est & peccatum. Ita S. Thomas quæst. 158. a. 2. Patet ex illo Ephes. 4. v. 3. 1. Omnis amaritudo, & ira, & indignatio, & clamor, & blasphemia, collatur à vobis cum omni malitia. Ratio est, quia cum passiones natura sua subiiciunt rationem, necessario efficiunt, iram esse malum, quæ immoderata est, & à rationis ordine deuia. Ordo autem rationis in ira spectatur ex duabus; primum ex vindicta, quæ appetit; quæ proinde, si secundum ordinem rationis appetatur, est laudabilis ira appetitus, & vocatur ira per zelum. Si quis autem appetit vindictam, contra ordinem rationis, vel quia vult puniri eum, qui non meruit, vel ultra quammeruit, vel etiam non secundum legitimum ordinem, vel non propter debitum finem, qui est conservatio iustitia, & correctio culpe, erit appetitus ira vitiosus; & nominatur ira per vitium.

Secundo spectatur ordo rationis circa iram, ex modo irascendi, ut scilicet motus iræ nec exterius, nec interior immoderatus ferueret & prorumpat: quod si prermittatur, rursus ira peccato non vacabit, etiamq; aliquæ iustitia vindicta appetatur. Hæc sapienter S. Thomas cit. a. 2.

ASSERTIO III. Nontamen ideo omnis ita, etiam vitiosa, est peccatum mortale; multo minus peccatorum grauissimum: sed ea quidem ira, quia appetitur iniusta vindicta, ex suo genere est peccatum mortale; quia aduersatur charitati & iustitiae, etsi facile à mortali excusari possit, tum ob indeliberationem, tum ob paruitatem materie seu vindictæ, quæ appetitur; puto, inquit S. Thomas, cum aliquis appetit in aliquo modo se vindicare, quod quasi nihil est repugnandum; ita ut etiam actus inferetur, non est peccatum mortale, puta si aliquis parum trahat aliquem puerum per capillos, vel aliquam huiusmodi.

Quando vero immoderata est ex parte modi irascendi, vt si quis vel nimis ardenter irascatur interior, vel immoderate erumpat in signa iræ externa, tunc ira secundum se & ex suo genere non habet rationem peccati mortali; etsi per accidens etiam mortale peccatum esse possit, si quis idcirco per scandalum, aut alia ratione excidat à charitate Dei vel proximi. Et hæc ratione intelligendum est illud Matthæi 5. vers. Qui irascitur fratri suo reu erit indicio: & illud Glossæ in Psalmum 4. venialis

efira

<sup>168</sup> est ira que non perducitur ad effectum; Hactenus S. Thomas q. 158. a. 3. ex commun. Et ratio quo ad primam & ultimam partem ex dictis patet.

Secunda pars, iram scilicet non esse gravissimum peccatum, uti assentit S. Thomas a. 4. ratio est: quia siue spectetur ira ex parte vindictae iniustæ, videtur esse leuius odio, quia appetit malum sub ratione iustæ vindictæ, in quo aliqua species honestatis cernitur; qua ratione etiam minus videtur esse peccato concupiscentie: siue spectetur secundum modum irascendi, ira quidem habet quandam excellentiam, propter vehementiam & velocitatem sui motus, secundum illud Proverbiorum 27. v. 4. Ira non habet misericordiam, nec erumpens furor: & impetum concitans ferre quis poterit? & illud Gregorij 5. Moralium cap. 30 vel 31. Ira sua stimulis accensum cor palpitat, corpus tremit, lingua se prepedit, facies ignescit, exasperantur oculi & nequaquam recognoscuntur noti: lingua quidem clamorem format sed sensus quid loquitur ignorat: at quia ex hac parte non est per se peccatum mortale, necesse est, ut etiam si ita secundum quid sedius sit alijs peccatis, non tamen idcirco sit peccatorum maximum.

<sup>169</sup> ASSERTIO IV. Rectè Aristoteles species seu modos ire distinguis 4. Ethic. cap. 5. docet iracundorum quodam esse acutos, quodam amatos, & quodam difficiles Ita S. Thomas q. 158. a. 5. Probatur & declaratur. Potest enim inordinatio ire ex duobus considerari; primum quidem ex ipsa ire origine ac promptitudine; & hoc pertinet ad acutos, qui nimis cito irascuntur, & ex qualibet leui causa.

Secundo ex duratione iræ; & quod diuitius, quam par est perseveret. Quod quidem accidit duplenter 1. ob nimis pertinacem memoriam iniuriæ illata; quod fit, ut iratus diutinam tristitiam concipiatur, ideoque sibi ipsi sit grauis & atrox. 2. ex parte ipsius vindictæ nimis obstinata quæstæ; quod pertinet ad difficiles siue graues, qui non remittunt iram quounque puniant.

Nec ab hac iræ distinctione diuersa est illa Nysseni lib. 4. de virtibus animæ cap. 13. vbi docet, tres esse irascibilitatis species; scilicet iram quæ vocatur fellea; & maniam, quæ vocatur insania, & furorem. Nam iram felleam dicit esse quæ principium est motum (tumbitum) habet; quod Aristoteles attribuit acutis. Maniam vero dicit esse iram, quæ permanet, & in vetustatem deuenit; quod Aristoteles attribuit amaros; furor autem dicit esse iram, quæ obseruat tempus in supplicium, quod Aristoteles tribuit difficultibus. Eademque diuisionem tradit Damascenus lib. 2. cap. 16.

<sup>170</sup> Alia distinctio est iræ, secundum tres gradus, quos explicat Christus Matthei 5: qui tamen non pertinent ad diuersas iræ species; sed accipiuntur secundum processum humani actus: quo primum aliquid corde concipi solet; & hoc spectat illud, Qui irascitur fratri suo. Secundum est manifestatio per signa externa; quo spectat illud, Qui dixerit fratri suo Rachas: quod est interiectio irascens. Tertium est effectus seu executio operis, siue documenti; quod in praesenti est contumelia, iuxta illud, Qui dixerit fratri suo fatue. E quibus omnia quidem possint esse mortalia, semper tamen posterior gradus grauior est

priori quibusita etiam pœnarū gradus respondent. Primo enim ponitur indicium, quod minus est; quia ut Augustinus lib. 1. de sermone Domini in monte cap. 19. ait..., in iudicio adhuc defensione locus datur Secundo, Consilium, in quo Iudices inter se conferunt, quo supplicio damnari oporteat. Tertio gehenna ignis, quæ est certa damnatio. Hæc S. Thomas cit. a. 5.

<sup>171</sup> ASSERTIO V. Ira est vitium capitale, cuius sex sunt filiae, nimirum rixa, tumor mentis, consumptio, clamor, indignatio, & blasphemia. Ita S. Thomas quest. 158. art. 6. & 7. ex S. Gregorio 3. Moralium cap. 3. 1. Ratio primæ partis est, quia vitium capitale dicitur, ex quo multa vitia oriuntur: ex ira autem oriuntur multa vitia, dupli ratione; primo ex parte obiecti, quod multum habet de ratione appetibilitatis inquantum scilicet vindicta appetitur sub ratione iusti vel honesti, sua dignitate allicientis appetitum. Secundo ex vehementi impetu, quo mentem precipitat, ad inordinate quæcunque agenda. Præter quæ etiæ Iracudia in Glossa ordinaria Proverb. 29 dicitur omnium vitiorum ianua, nempe per accidens quatenus remouet prohibens impedire indicium rationis per quod homo retrahitur à malis.

<sup>172</sup> Secunda pars declaratur. Nam secundum varias iræ considerationes, varia ex ea nascuntur vitia. Potest enim ira tripliciter considerari; primo quatenus versatur in ipso corde, & sic ex ira nascuntur duo vitia, vnum quidem ex parte eius contra quem homo irascitur, quem reputat indignum, à quo tale quid ferendum sit; & sic ponitur Indignatio; alterum ex parte ipsius irascens, quatenus excogitat diuersas vias vindictæ, & talibus cogitationibus animum suum replet, secundum illud Iob 15. v. 2. Numquid sapiens implebit ardore stomachum suum? Et sic ponitur tumor mentis.

Secundo consideratur ira, quatenus versatur in ore, qua ratione ex ira rursus duplex inordinatio procedit: Vna quidem inquantum homo iratus ipso loquendi modo iram suam demonstrat; & sic ponitur clamor per quem intelligitur inordinata & confusa locutio. Altera inordinatio consistit in verbis iniuriosis; quæ quidem si sint contra Deum, erit blasphemia; si autem contra proximum contumelia.

Tertio consideratur ira quatenus ad ipsa facta progrederit; & sic ex ira oriuntur rixæ, per quas hoc loco intelliguntur omnia nocimenta, quæ facto proximiis inferuntur ex ira.

<sup>173</sup> Nec obstat, quod Isidorus blasphemiam constituit filiam superbiae. Nam blasphemia quidem, in quam quis prorumpit deliberata mente, procedit ex superbia hominis contra Deum se erigentis, & ab eius veneratione recedentis. sed blasphemia, in quam aliquis prorumpit ex commotione animi vindictæ appetentis, procedit ex ira. Vbi tamen aduentum, non omnes quæ nominantur iræ filiae esse propria ac specialia peccata ab ira distincta, ut patet de tumore mentis; & partim etiam de clamore, & rixa, quibus plura diuersæ rationis peccata significantur, ut dictum.

<sup>174</sup> ASSERTIO VI. Datür vitium, iracundiae in altero extremo oppositum, & in defectu moderata

ira possum. Ita S. Thomas quest. 158 art. 8. ex Chrysostomo, seu potius auctore operis imperfecti in Matthæum homil. 11. vbiait. *Qui cum causa non irascitur peccat. Patientia enim irrationalis virtus seminat, negligentiam nutrit, & non solum malos, sed etiam bonos inuitat ad malum. Probatur & declaratur. Ira enim duplisper potest accipi, primò pro motu, aut actu ipsius voluntatis: quo non passione animi, sed iudicio rationis poena infligitur: & sic defectus iræ absque dubio est peccatum. De qua etiam ira loquitur auctor citatus, cum ibidem ait: *Iracundia que cum causa est, non iracundia est, sed iudicium. Iracundia enim proprie intelligitur commotio passionis: qui autem cum causa irascitur, ira illius iam non est ex passione, ideo indicare dicitur, non irasci.**

175 Secundo accipitur ira pro motu appetitus sensitivi, qui est cum passione & transmutatione corporali; quique ex necessitate consequitur in homine simplicem motum voluntatis eo quod naturaliter appetitus inferior sequatur motum appetitus superioris, nisi aliquid repugnet: adeo ut non possit undeque abesse motus iræ in appetitu sensitivo, nisi per subtractionem vel debitatem voluntarij motus. Quo sit, vt ex consequenti etiam defectus passionis iræ vitiosus esse possit, sicut & defectus voluntarij motus ad puniendum secundum iudicium rationis; quidquid in contrarium dixisse videatur Seneca lib. 1. de ira cap. 12.

Huc spectat, quod ait Gregorius 20. Moral. cap. 8. sit amor, sed non emolliens: sit virga, sed non exasperans: sit Zelus, sed non immoderatus: sicut pietas sed non plus quam expedita parcens.

176 Quæritur quinto, an & quale vitium sit crudelitas; & qua ratione à saevitia seu feritate differat. Respondet breviter, crudelitatē iuxta ipsam rationem nominis à cruditate dicti, esse vitium clementiæ oppositum, quod nihil aliud est, quam atrocitas animi exigendis penit. Sicut è contrario clementia significat animi lenitatem sive dulcedinem per quam poenæ remittuntur vel mitigantur, vt ex Seneca lib. 2. de clement. cap. 4. docet S. Thomas quest. 159. art. 1. Et quamvis excessus poenæ etiam iustitia seu epikria opponi possit, tamen quantum ad auferitatem animi, qua quis promptus est, ad poenas augendas, aut non tam duetu iustitia, quam impetu quodam animi inferendas, pertinet ad crudelitatem: à qua etiam differt immisericordia, qua solum prætermittit miseris aliena subleuelatio, per beneficij collationem, et si propter similitudinem, nonnunquam crudelitas pro immisericordia accipiatur, iuxta illud Hieremia 6. v. 23. *Crudelis est, & non miserebitur.*

177 Differt autem crudelitas à saevitia seu feritate. Quia feritas, sive saevitia, sic dicta à ferarum similitudine, non habito respectu ad ullam culpam eius qui punitur, ipso per se cruciatu hominum delectatur; qua ratione etiam feræ bestiæ hominibus nocent, vt ex eorum corporibus pascentur, vt ex Seneca lib. 2. de clement. cap. 4. docet S. Thomas q. 159. a. 2. Quo sit, vt saevitia continetur sub bestialitate, siquidem talis delectatio non est humana, sed bestialis; proueniens vel ex mala consuetudine, vel ex corruptione naturæ; sicut & alia huiusmodi bestiales affectiones.

Crudelitas autem attendit quidem culpam in eo, qui punitur, sed excedit modum in puniendo: adeo ut crudelitas differat à saevitia seu feritate, sicut malitia humana à bestialitate, iuxta Aristot. ethic. cap. 5. Et sicut crudelitas directe opponitur clementiæ, ita feritas directe opponitur superexcellentiæ virtuti, quam Aristoteles lib. 7. Ethic. in principio vocat heroticam vel diuinam, quæ secundum nos videtur pertinere ad dona Spiritus sancti; ita ut proinde dici possit, *saevitiam directe opponi dono pietatis*, inquit S. Thomas quest. 159. a. 2. Ego malum dicere, opponi ipsi humaniti, seu naturali inclinationi hominis, cui aduersatur eiusmodi delectatio bestialis: neque enim ad eiusmodi bestialitates vitandas opus esse videtur speciali virtute.

## D V B I V M VIII.

De Modestia in genero; deque humilitate, ac virtuo opposito superbia.

S. Thomas 2. 2. q. 160. usque ad 165.

178 Quidam primo, quid & quotumplex sit modestia. Respondet, modestiam ob similitudinem per quam ratione quadam generali cum temperantia conuenit, utpote moderatam appetitum in rebus quibusdam mediocribus, illa partem quamdam potentialem, seu virtutem secundariam temperantia adiunctam. Quæ quidem non est una virtus infima specie, sed pro varietate actionum, tum interiorum, tum exteriorum, in quibus moderandis versatur, plures sub se specie distinctas virtutes complectitur.

Quod quidem in hunc modum declarat S. Thomas q. 160. a. 2. Differt enim modestia à temperantia quæ est moderatua eorum, quæ difficulter est frenare. Modestia autem est moderatua eorum, quæ in hoc mediocriter se habent. Qua quidem ratione, cum complectatur etiam clementiam, proprietatem ac in præfenti, iuxta Ciceronem lib. 2. de invent. modestia constituitur circa alia quadam communia quæ in humana vita relinquuntur moderanda; quæ quidem vniuersim sunt quatuor: primum est motus animi ad aliquam excellentiam; quam moderatur humilitas; secundum est desiderium eorum, quæ pertinent ad cognitionem & hoc moderatur studijs, quæ opponit curiositatib; tertium pertinet ad exteros motus & actiones corporis, vt decenter & honeste fiant; tam in his, quæ serio, quam quæ ludo aguntur, quo spectant exterior decentia, ac extrapelia; quartum pertinet ad exteriorem apparatus; pura in vestibus, & alijs huiusmodi; de quibus modestia speciebus cum S. Thoma ordine agendum est.

Quæritur secundo, an & qualis virtus sit humilitas, deque eiusdem gradibus & compara-

tione.

tione ad alias virtutes. **ASSERTIO.** I. Humilitas est virtus in voluntate sita refranans animum aduersus præsumptionem spei, ne inmoderate tendat ad excelsa; differens à magnanimitate, quod hæc firmet animum contra desperationem, & impellat ad prosecutionem magnorum, secundum rationem rectam. Ita S. Thomas quest. 161. artic. 1. & 2. Ratio sumitur ex ipso vsu nominis & necessitate rei; quia circa appetitum boni ardui, ut est honor & gloria, necessaria est duplex virtus, una quæ temperet, & refranet animum, ne inmoderata tendat ad excelsa, & hoc pertinet ad virtutem humilitatis; altera quæ firmet animum contra desperationem, & impellat ad prosecutionem magnorum, secundum rationem rectam; & hæc est magnanimitas.

180 Nec obstat, quod ad eandem virtutem pertinet refranare superfluum motum prosecutionis, & firmare animum, contra inordinatum fugam, in eadem materia; sicut eadem est fortitudo, quæ refranat audaciam, & quæ firmat animum, contra timorem.

Etenim quoad hoc differentia inter fortitudinem, & magnanimitatem: tum quia in fortitudine eadem ratio est refranandi audaciam, ac firmandi animum contra timorem, in hoc posita, quod homo bonum rationis debet periculis mortis preferre. At vero in refranando præsumptionem spei, quod pertinet ad humilitatem, & in firmando animum contra desperationem, quod pertinet ad magnanimitatem, est diuersa ratio. Nam ratio firmandi animum contra desperationem, est adepio proprij boni; ne scilicet desperando homo se indignum reddat bono, quod sibi competit: sed in reprimendo præsumptionem spei, ratus præcipua sumitur ex reverentia divina, ex qua contingit, ut homo non plus sibi attribuat, quam sibi competat, secundum gradum, quem est à Deo sortitus. Vnde humilitas præcipue videtur importare subiectiōnem hominis ad Deum. Ita S. Thomas cit. a. 2. ad 3.

181 Ex quo colligitur, humilitatem prout est virtus Christiana à magnanimitate, alijsque virtutibus distincta, non tam moderari appetitum excellentiæ, honorisq; ac gloriæ mundanæ, quam reprimere & cohíbere; & oppositam paruitatem ac subiectionem tam erga Deum, quam erga homines amplecti: idque non in ordine ad motiuū humanū ac naturale, neferatur in aliquid maius, quam dignitati persona debeat, sed ob excellentius mouium ac potissimum ut in eo se quisque gradu ac mensura contineat, quam à Deo accepit. Quo spectare etiam possunt alia motiuū v.g. vt humilatione peccata expientur & vitentur. 2. vt tanto certius ubique Dei gloria promoveatur. 3. vt exemplum humilitatis Christi aliquo modo exprimatur, iuxta illud Matthæi 11. v. 29. *Discite à me, quia misericordia sum, & humili corde;* Et inuenietis requiem animabus vestris.

182 Cum quadam conuenit descriptio humilitatis, quam SS. Patres tradiderunt, ut Basilius in cap. 2. Isaiæ. Humilitas est depositio vanisensis, qui ab elatione vanæ de se exultationis proficiuntur.

Etin regulis breuioribus quæstione 198. Humilitas est, cum quis ceteros omnes seipso superiores existimat, ex præscripto Apostoli Philipp. 2. vers. 3. *Implete gaudium meum vtiidem sapientis, nihil per contentionem, neque per inanem gloriam, sed in humilitate superiores sibi inuicem arbitrantur:* non quod humilitas in eo iudicio seu auctu intellectus posita sit, sed quia cognitio proprii defectus (ac vilitatis) pertinet ad humilitatem, sicut regula quædam directrix appetitus, vñit S. Thomas cit. a. 2.

Item Augustinus in psalm. 33. concione 2. in eundem sensum ait: *Quid est esse humilem? nolle in se (hoc est non in Deo) laudari; qui in se vult laudari, superbus est.* Vnde etiam idem Augustinus in psalmum 118. concione 15. duas quasi partes humilitatis refert; vnam quæle quisque humiliat confitendo peccata, nec sibi arrogando iufitiam; quo spectat illud Luca 14. v. 11. *Qui se exaltat, humiliabitur, & qui se humiliat, exaltabitur:* & illud Iacob. 4. v. 6. *Deus superbus resisteat, humilibus autem gratiam: alteram qua quis moderate acceptat tribulationem vel dejectionem sibi immisam,* iuxta illud Eccli 2. v. 5. *In humilitate tua patientiam habe: quoniam in igne probatur aurum & argentum, homines vero receptibiles in camino humiliacionis.*

Desique Bernardus Epistola 46. ad Henricum Senonensem: *humilitas, inquit est contemptus propria excellentiæ, & in tractatu de gradibus humilitatis: Humilitas est virtus, qua homo verisimiliter sui cognitione sibi ipsi vilescit.* & serm. 4. de aduentu ac serm. 48. in Cantica duplēcē statuti humilitatem, ex dicto Christi, *discite à me, quia misericordia sum,* & *humili corde: considera sanè,* inquit, *in his verbis quoniam humilitas duplex est, altera cognitionis, altera affectionis, quæ hic dicitur cordis.* Priori cognoscimus, quadruplicem sumus; & hanc discimus a nobis ipsi, & ab infirmitate propria; posteriorē calcamus gloriam mundi; & hanc ab illo discimus, qui exinanuit semet ipsum formam serui accipiens. Et. Quo sensu etiam virtus humilitatis Aristotelei aliquique Philosophi Ethnicis plane incognita fuit, vt indicat S. Thomas hic a. 1. ad 5. & aperte Augustinus commentario in psalmum 31.

Quia tamen etiam ratio naturalis evidenter dividat necessarium esse, tum Deo, tum etiam hominibus excellentioribus se submittere, eofq; in aestimatione sibi preferre, dici potest, etiam intra terminos ipsius naturæ, dari virtutem humilitatis, qua se quisque & Deo, & alijs quibus oportet submittat ac postponat; quæque simul elationem animi reprimat, ne vel supra Deum, vel immoderata supra alios efficeratur; quæ honestatis ratio nec ad magnanimitatem nec ad viliam aliam virtutem, præter humilitatem, pertinet, omnemque difficultatem quæ supra contra distinctionem humilitatis & magnanimitatis obiecta fuit, tollit: et si Aristoteles forte ad eam rem putat sufficere, tum magnanimitatem, tum obseruantiam & obedientiam tum etiam modestiam exteriorem in gestibus corporis, alijsque rebus externis.

**ASSERTIO II.** Humilitas est quidem, ut homo secundum id, quod suum est (quales

185 sunt solide defectus & culpæ) se cuilibet proximo subiicit, spectato secundum id quod est Dei in ipso, pertinens scilicet ad salutem & perfectionem, iuxta illud Osee 13. Perditio tua Israël, tantummodo in me auxilium tuum: non tamen requirit humilitas, vt quis vel id quod est Dei in seipso, subiicit ei quod appareat esse Dei in altero; vel ut id quod est suum in seipso, subiicit ei, quod est hominis in proximo; et si possit aliquis reputare aliquid boni esse in proximo, quod ipse non habet; vel aliquid malum in se esse, quod in alio non est: ex quo se potest cuicunque subiicare per humilitatem. Ita Sanctus Thomas cit. q. 161. a. 3.

Ratio est; quia humilitatis non est fingere, vel simulare, aut nescire dona, quæ nobis à Deo donata sunt: ergo absque præiudicio humilitatis, potest quisque dona à Deo sibi collata præferre, donis Dei, (minoribus) quæ alijs apparetur donata, iuxta illud Apostoli 1. Cor. 2. v. 12. Nos autem non spiritum huius mundi acceptimus, sed spiritum, qui ex Deo est, ut sciamus, quæ à Deo donata sunt nobis. Et Ephes. 3. v. 5. Alijs generationibus non est agnitus filii hominum, sicut nunc reuelatum est Sanctus Apostolus eius, & prophetis in spiritu. Eadem ratione necessaria non est, ut quisque reputet se magis peccatorum, quolibet alio; cum Apostolus absque præiudicio humilitatis, dicat Galat. 2. v. 15. Nos natura Iudei, & non ex gentibus peccatores.

186 E contrario vere estimare possumus, esse aliquid occultum, in alio, quo nobis superior sit, etiam si bonum nostrum, quo illo videmur superiores non sit occultum. Qua ratione, si præferamus id, quod est Dei in proximo, ei, quod est proprium in nobis, non possumus incurrere falsitatem; salua tamen, quo ad exteriorem subiictionem, auctoritate personæ. In quem sensum intelligitur, illud Philipensem, 2. ver. 3. In humilitate superiores sibi inuicem arbitrantur, ut declarat ibidem Glossa ex Augustino lib. 83. quæstione 71. & Augustinus in regula cap. 3.

187 ASSER TIO III. Humilitas, post virtutes Theologicas, & intellectuales, (nempe prudentiam & annexas,) & post iustitiam, præfertim legalem, est virtutum excellentissima & potissima. Ita Sanctus Thomas cit. q. 161. a. 5. Ratio est; quia præstantia virtutis potissimum sumitur ex ipso fine ultimo, si qua virtus eum pro obiecto habeat; secundario autem, ex ordinatione, mediiorum seu conducibilitate, ad eundem finem. Priori consideratione, Theologicas virtutes, quæ immediate versantur circa ipsum Deum finem ultimum, superant humilitatem; quod par ratione etiam de religione, quatenus ab humilitate distinguitur, dicendum videtur, et si de hac expresse S. Thomas nil dixerit, tacite scilicet eam ad virtutes Theologicas revocans: posteriori respectu eandem humilitatem superant tum prudentiam iustitiam; illa quidem quia essentialiter constituit in ipsa ratione ordinante media ad ultimum finem; haec vero quia participatione qua-

dam vniuersalem ordinationem, constituit: cui ordinationi hominem bene subiectum reddit humilitas in uniuersali, quantum ad omnia; (ex quo ea præstantia cognoscitur) qualibet alia virtus, quantum ad aliquam materiam specialem, quæ proinde virtutes cedunt humilitati.

Qua de causa etiam humilitas in acquisitione virtutum prima dicitur, ac fundamento comparatur, alia tamen ratione, quam Fides: illa quidem, quia prima est tum per modum remouentis prohibens, dum expellit superbiam, cui Deus resistit; tum dispositivæ, dum hominem capacem facit diuinæ gratiae recipiendæ, iuxta illud Iacob. 4. v. 6. Deus superbis resistit, humilibus autem dat gratiam, quæ etiam causa est, cur Christus præcipue nobis humilitatem commendat: haec vero est Christianorum virtutum prima, quasi formaliter ac positiva: qua primum, ad Deum accedit, iuxta illud Hebr. 11. v. 6. Cedere enim importet accidentem ad Deum.

ASSER TIO IV. Gradus humilitatis à varijs varie, variaque ratione recte distinguuntur. Ita Sanctus Thomas quæstione 161. articulo 6. probatur & declaratur. Nam Glossa ordinaria in Matthæi 3. considerans humilitatem præcise in ordine ad proximum, distinguunt tres gradus humilitatis. 1. subdere se majori, & se non preferre equali, qui est sufficiens. 2. subdere se equali, nec præferre se minori, & hic dicitur abundans. 3. subdere se minori, in quo est omnis iustitia.

Secundo Anselmus lib. de similitudinibus cap. 10. usque ad 18. considerans humilitatem, quantum ad opinionem, manifestationem, & voluntatem propriæ abiectionis, septem humilitatis gradus constituit: nimurum. 1. contemptibilem se esse cognoscere. 2. de hoc dolere. 3. hoc confiteri. 4. hoc persuadere, ut scilicet hoc velite credi. 5. patenter sustinere, hoc ab alijs dicti. 6. pati contemptibiliter se trahari. 7. hoc ipsum amare.

Tertio Sanctus Benedictus in regula cap. 7. minutius actus & functiones humilitatis, præcipue in ordine ad Monachi professionem, diligens, duodecim gradus humilitatis recenset. 1. corde & corpore semper humilitatem ostendere, defixis in terram affectibus. 2. paucæ verba, eaquecum ratione, & sine clamore loqui. 3. non esse facilem aut promptum iuris. 4. esse taciturnum usque ad interrogationem. 5. seruare quod habet communis regula monasterij. 6. credere & pronuntiare se omnibus viatorem. 7. ad omnia indignum & iniuriale se confiteri & credere. 8. Ingenue peccata confiteri. 9. per obedientiam in duris & asperis patientiam amplecti. 10. cum obedientia se subdere Maiori. 11. voluntate propria implenda non delectari. 12. deum timere, & memorem esse omnium, quæ præcepit.

Denique Sanctus Ignatius noster, spectans humilitatem præcipue secundum subiictionem Deo debitam, tres itidem generales humilitatis gradus constituit. 1. non offendere Deum mortaliter. 2. non offendere etiam venialiter. 3. ubi par est diuinæ Majestatis honoris & abiectionis, ipsiusq; adeo contemptum altis & sublimibus, ipsique gloria

præferre

præferre. De qua remulta Iulius Nigronus lib. de cura minimorum.

Ex quibus omnibus colligitur, humilitatem, saltem prout sui despiciunt et debitam erga alios proximos subiectionem continet, esse virtutem specialem, & tam à magnanimitate, quam ceteris virtutibus moralibus distinctā; eti quatenus ad Deum respicit, eique hominem subijcit, probabile videatur, non esse virtutem à religione distinctam, qua & diuinam excellentiam, & nostram erga Deum subiectionem verbis aut factis profitemur, ut dicimus disp. 5. q. 1. dub. 2.

Quaritur secundo, an & quale peccatum sit superbia; & an primum etiam hominis peccatum fuere superbia.

**ASSESSIO I.** Superbia est vitium speciale humilitati oppositum, & in voluntate situm, quia inordinate & debita erga alios subiectione detrectatur, & supra alios indebita exaltatio sive excellētia appetitur. Ita fere S. Thomas quæst. 162, artic. 1, 2, 3.

Probatur & declaratur. Quamvis enim humiliata & magnanimitas, itemque superbia, & vitium magnanimitati per excessum oppositum, circa eandē materiam, nimurum circa excelsa versentur, differunt tamen inter se, quod superbia humilitati opposita, non nude supra mensuram ipsius operantis, absolute in magna & excelsa feratur; sed etiam respectiue; ita vt & subesse nolit quibus debet, & præesse seu præminere indebite appetat, quibus non debet.

Eadem ratione etiam per defectum, duo consilia inter se via, tam humiliata, quam magnanimitati opponuntur. Pusillanimitas enim, si importet defectum à prosecutione magnorum, proprie opponitur magnanimitati, per modum defectus. Si autem importet applicationē animi ad aliqua viliora, quam hominem deceant, opponitur humilitati secundum defectum; vtrumque enim ex animi paruitate procedit. Sicut & è contrario, inquit S. Thomas a. 1. ad 8. superbia (generaliori quodam significatu) potest secundum superexcessum, & magnanimitati, & humilitati opponi, secundum rationes diuersas. humiliata quidem, secundum quod subiectionem aspernatur: magnanimitati autem, secundum quod inordinate ad magna (supra vires, aut conditionē operantis) se extendit. Sed quia superbia superioritatem quamdam (seu præminentia cuiusdam supra alios affectionem, vt dictum) importat, directius opponitur humilitati: sicut & pusillanimitas, que importat paruitatem animi in magna tendentiā, directius opponitur magnanimitati. Ita S. Thomas. Ex quibus confirmantur ea, qua in probatione assertioonis, ac supra de distinctione humilitatis, & magnanimitatis diximus.

Illa vero pars assertioonis, qua diximus, superbiā in voluntate sitam esse, probatur; quia cum arduum, quod est obiectum superbiae, communiter inueniatur & in sensibilibus, & in spiritualibus rebus, imo vero proprie ac formaliter solum sit obiectum voluntatis, non appetitus sensitivi, necesse est dicere, superbiā proprie in voluntate esse, non in appetitu sensitivo, vt docet Sanctus Thomas cit. a. 3:

**ASSERTIO II.** Quatuor sunt species seu modi superbiae, scilicet estimare bonum à scipio habere; sibi datum desuper, credere pro suis meritis accepisse; iactare se habere quod non habet, & despiciens ceteris, velle singulariter videri habere quod habet. Ita S. Thomas q. 162. a. 4. ex S. Gregorio 23. Moral. cap. 7. Ratio est, quia immoderatus excellentia & præminetia supra alios appetitus, secundum prædictos modos variari solet: quamquam etiam iuxta diuersos gradus humilitatis, distinguunt possint diuersi gradus ac modi superbiae oppositi, vt declarat S. Thomas eodem art. 4. ad 4. qui etiam ibidem ad 1. recte declarat, qua ratione primus ille, & secundus superbiae gradus absque infidelitate consistere possit. Nam dicere, inquit, in uniuersali (seu speculatiue) aliquod bonum esse, quod non est à Deo, vel gratia hominibus pro meritis dari, pertinet ad infidelitatem. Sed quod aliquis ex inordinato appetitu propria excellētia, ita de bonis suis glorietur, ac si ea à se haberet, vel ex meritis propriis, pertinet ad superbiā, non ad infidelitatem proprie loquendo.

**ASSERTIO III.** Superbia ex suo genere est peccatum mortale, & inter peccata, virtutibus moralibus opposita, grauiissimum. Ita Sanctus Thomas quæst. 162. art. 5. & 6. Probatur & declaratur: quia sicut humilitas proprie respicit subiectionem hominis ad Deum, ita è contrario superbia proprie respicit defectum huius subiectionis, adeo vt ad superbiā proprie pertineat, nolle subijci Deo, sequi extollere supra id, quod ipsi homini præfixum est secundum diuinam regulam, vel mensuram, contra id quod Apostolus dicit 2. ad Corinth. 10. Nos autem non in immensum gloriabimur sed secundum mensuram, qua mensurā est nobis Deus. Et ideo dicitur Eccli. 10. v. 14. Instum superbiā hominis esse, apostatare à Deo, quia scilicet in hoc radix superbiā consideratur, quod homo aliquis non subijcitur Deo & regule ipsius: atvero non subijci velle Deo, cum nihil aliud sit, quam auerti à Deo, ex suo genere est peccatum mortale. Nihilominus tamen propter imperfectionem actus, & maxime ob indeliberationem fit, vt motus superbiā quandoque sint peccata venialia.

Et quia in alijs peccatis homo à Deo auertitur, vel propter ignorantiam, vel propter infirmitatem, seu propter desiderium cuiuscunq; alterius boni: superbia vero habet auersione à Deo, ex hoc ipso, quod non vult Deo, & eius regula subijci, hinc sit, vt superbia sit peccatorum gaudiissimum.

Vbi notandum, primam quidem partem assertioonis nullam habere difficultatem, sive de superbia aduersus Deum, sine aduersus hominem loquamur; quia tam super homines, quam aduersus Deum immoderate efferriri per se ac ex suo genere, nisi paruitas materia, aut inaduentientia excusat, mortale peccatum est.

Posterior vero assertioonis pars intelligenda est, cum duabus limitationibus; prima, quam ipse met sanctus Thomas indicat de superbia, qua quis direc̄te effertur aduersus ipsum Deum, nolens eidem subijci, vt aperte colligitur ex ipso sancto Thoma cit. articulo 5. & 6. Nam superbia, qua quis so-

lum effertur supra alium hominem, vtique non est maius peccatum, alijs plerisque, quibus vita aut honor hominis reip̄a multo nocentius destruitur, puta homicidio, contumelia, &c. Altera, vt intelligatur de peccatis, quæ virtutibus moralibus opponuntur. Nam odium Dei, vtique ex suo genere maius peccatum est, quam superbia, qua quis recusat Deo subiici, non solum quia illud præstantior virtuti aduersatur, sed etiam quia deterior est directa auersio à Deo, velut summo bono, quam auersio ab eodem velut summa quadam excellentia, cui omnis subiectio debetur.

**201** **ASSERTIO IV.** Superbia est speciale peccatum, licet quadam causalitate dici possit generale. Ita Sanctus Thomas quæst. 162. artic. 2. ex Augustino lib. de nat. & grat. cap. 29. Probatur & declaratur. Quia superbia secundum se habet speciale obiectum; cum sit inordinatus appetitus propriæ excellentiæ seu præminentia. Et differt superbia ab inani gloria. Illa enim inordinate excellentiam appetit; hæc verè appetit excellentiæ manifestationem; quæ proinde ex superbia velut ex causa oritur, vt docet sanctus Thomas cit. quæst. 162. art. 8.

**202** Nihilominus simul ex superbia oriri possunt omnia peccata, idque duplicitate. Primo, per se, inquantum alia peccata ordinantur ad finem superbiae, qui est propria excellentia; ad quam potest ordinari quidquid inordinate appetitur. Secundo indirecte & quasi per accidens, scilicet remouendo prohibens; inquantum homo per superbiæ contemnit diuinam legem, qua à peccando prohibetur secundum Ieremias 2. v. 20. *A faculo confregisti iugum meum, dirupisti vincula mea, & dixisti, non seruiam.*

Etsi vero omnia peccata ex superbia oriri possint, non tamen re ipsa ex superbia oriuntur; quia tametsi omnia præcepta legis violari possint ex contemptu, qui ad superbiæ pertinet, non tamen semper ex contemptu violentur, sed quandoque ex ignorantia, quandoque ex infirmitate, iuxta illud Augustini lib. de nat. & grat. cap. 29. vbi ait: *Multa perperam sunt, quæ non sunt superbe.*

**203** **ASSERTIO V.** Superbia recte etiam numeratur inter virtutem capitalia; quæ etsi difficulter cauetur ob subtilitatem, deprehensa tamen facile eritur. Primam partem tradit Sanctus Thomas quæstione 162. articulo 8. ex Cassiano lib. 5. cap. 1. & lib. 12. capite 1, tametsi Gregorius 3. Moral. cap. 31. superbiæ non numeret inter virtutem capitalia: quorum utrumque Sanctus Thomas ita conciliare nititur. Superbia enim, inquit, *dupliciter considerari petet*, uno modo secundum se, prout est quoddam speciale peccatum. Alio modo secundum quod habet quandam universalem influentiam in omnia (adeoque in ipsa etiam capitalia) peccata. Priori modo, ait esse peccatum capitale, quatenus ex eo (speciali quadam ratione) *multa genera peccatorum oriuntur*: posteriori modo docet, non adnumerari alijs capitalibus vitijs, sed potius regnam esse omnium virtutum, & matrem, iuxta illud

sancti Gregorii loc. citat. *Ipsa virtutum regina, cum deinceps plene cor cepera, mox illud septem principali bus vitijs, quæ si quibusdam suis ducibus deuafandis tradit ex quibus virtutum multitudines oriuntur.* Quod Caïetanus ibidem ita interpretatur; quod superbia ex parte finis mater sit omnium virtutum, quia est principium omnium secundum ordinem intentionis. Ex parte autem imperij sui, inquit, est regina omnium virtutum, in omnibus regnans & dirigens omnia ad finem suum. Quæ tamen non proprie despeciali peccato superbiæ accipienda videntur, led de quadam communia eius ratione; prout omnis peccans se suamque voluntatem diuinæ præferat.

Posteriorem partem tradit sanctus Thomas art. 16. ad 1. vbi idcirco ait, superbiæ difficulter vitari propter eius latentiam, quia ex ipsi bonis occasionem sumit, ac ipsis bonis operibus insidiatur, iuxta Augustinum epist. 109 & illud psalm. 141. In via hac, qua ambulabam, abscondentur superbiæ laqueum mihi: sed postquam deprehensas fuerit motus superbiæ per rationem, tunc facile, inquit, evitatur; tum ex consideratione propriæ infirmitatis, secundum illud Eccli 10. vers. 9. *Quid superbiæ terra & cimetiæ tum etiam ex consideratione magnitudinis diuinæ*, secundum illud Iob 15. vers. 13. *Quid tumet contra Deum spiritus tuus? tum etiam ex imperfectione bonorum*, de quibus homo superbit, secundum illud Isaiae 40. vers. 6. *Omnis caro fānum, & omnis gloria eius quasi flos agri.* Et infra cap. 64. vers. 6. *Quasi pannus menstruata vniuersa iustitia nostra.*

**ASSERTIO VI.** Superbia, per quam à Deo auertimur, est primum, & principium omnium peccatorum; adeo vt etiam primum hominis peccatum fuerit superbia. Primam partem docet sanctus Thomas quæstione 162. articulo 7. ex illo Eccli 11. vers. 15. *Initium omnis peccati est superbia.* Ratio est; quia auersio à Deo, quæ formaliter completerationem peccati, pertinet ad superbiæ per se; ad alia autem peccata ex consequenti: prius autem in quois genere est id, quod est per se, quæcum quod est per accidens: ita tamen vt superbia dicatur omnis peccati initium; non quia quodlibet peccatum ex superbia oriatur, sed quia quodlibet genus peccati *aperte* est ex superbia oriuntur dictum. Et simul tamen ibidem Eccli 10. vers. 14. dicitur. *Initium superbiæ est apostatare à Deo,* non quod hæc apostata sit peccatum à superbia distinctum; sed quia est prima ac præcipua superbiæ pars; siquidem superbia principaliter contemnit subiecti creature & propter Deum, vt docet S. Thomas eodem a. 7. ad 2.

Posteriorem partem assertionis tradit sanctus Thomas quæstione 163. articulo 1. & 2. ex citat. loco Eccli 10. *Initium omnis peccati superbia.* Probatur, quia primum hominis peccatum in eo possum fuit, quod inordinate appetit diuinam similitudinem: idque non solum quantum ad scientiam boni & mali, quæ à serpente propositam principali appetit, vt patet ex Genesis 3. vers. 5. sed etiam quantum ad propriam operandi potestatem, appetendo proprijs viribus consequi diuinam felicitatem, vt colligitur ex Augustino lib. 12. super Genesim ad literam cap. 30. & lib. de vera religione cap. 13.

&amp; in

& in simili dictum de Angelis tom. 1. disputat. 5. quest. 6. dub. 4.

Ex quibus etiam ea, quæ de processu tentationis primorum parentum, deque pena peccati eorumdem Sanctus Thomas differit questione. 164. & 165. non difficuler intelligi possunt, adiunctis simul ijs, quæ de effectibus peccatorum generatim differimus tomo 2. disput. 4. questione 10.

## DUBIVM IX.

*De studiositate, alijsque modestia speciebus, circa motus corporis ac res exteriores, virtus que oppositis.*

s. Thomas 2.2. q. 166. 167. 168. & 169.

**E**x modestia speciebus dubio precedentib[us] relatis, tres adhuc restant explicandæ. Quæritur primò, an & qualis virtus sit studiositas; & quale vitium opposita eidem curiositas. Respondeatur breuiter primò, Studiositatem esse virtutem in voluntate sitam, qua moderatur appetitum sciendi; quæ proinde circa cognitionem, velut materiam versatur; ac temperantia velut pars potentialis & virtus secundaria adiungitur. Ita Sanctus Thomas questione 166. articulo 1. & 2. Ratio est; quiaad temperantia virtutem generatim pertinet, moderari motum appetitus, ne superfine aut immoderata tendat in id, quod naturaliter concupiscitur: in quo quidem genere, præcipuum locum habent delectationes ciborum & venereorum; secundarium autem ipsa cognitione, quia iuxta Aristotelē principio metaphysica, omnes homines naturaliter facere desiderant. Vtrumque vero ad studiositatem pertinet, & immoderatum scilicet sciendi appetitum refranare, & moderatum sciendi studium procurare, adeoque addiscendi laborem non refugere, iuxta S. Thomam eodem articulo 2. ad 3. ex Proverb. 27. *Stude sapientia filimi, & letifica cor meum, ut possem responderem exprobantem sermonem.*

**R**espondet secundo, curiositatem esse virtutem studiositati oppositum per excessum, in appetitu inordinato ac immoderato sciendi positum, sive ea cognitione sit intellectus, sive sensus, Ita Sanctus Thomas questione 167. articulo 1. & 2. ex Augustino lib. de vera Relig. cap. 29. & 38. & Beda in 1. Ioannis 2. vbi ait: *Concupiscentia oculorum (ad curiositatem pertinens) est non solum in discendis magicis artibus, sed etiam in contemplandis spectaculis, & in dignoscendis & carpendis virtutis proximorum.*

Ratio est. Quamvis enim ipsa cognitione, præfertim intellectus, per se bona sit, appetitus tamen & studium cognoscenda veritatis varijs modis potest esse inordinatum. Primo, ex par-

te finis, si quis studium aut scientiam referat ad superbiam; aut cognitionem creaturarum non referat ad cognitionem Dei. 2. Ratione effectus, si quis per studium minus utile retrahatur a studio rerum necessariarum: 3. Ex parte Magistri, si quis studeat quidpiam addiscere ab eo, a quo non licet, puta a dæmonibus; quæ est superstitionis curiositas. 4. Ex parte operantis, si quis incumbat ad cognoscendam veritatem, supra proprij ingenij seu conditionis facultatem, iuxta illud Eccli 3. v. 22. *Altiora te ne quæsieris, & fortiora te ne scrutatus fueris; sed quæ præcepit tibi Deus illa cogita semper; & in pluribus operibus eius ne fueris curiosus &c.* Multos enim suppluantis officio eorum, & in vanitate detinunt sensus eorum.

Ita etiam, quod ad cognitionem sensituum attinet, tametsi ea per se non sit illicita, potest tamen esse vitiosa dupliciter. Primo si non ordinetur ad aliquid utile, sed potius auerterat hominem ab utili consideratione, iuxta illud Augustini lib. 10. confess. cap. 35. *Canem currentem post leporem iam non fecit, cum in circu fit: at vero in agro si casu transeam, auerterit me fortassis ab aliqua magna cogitatione, atque ad se conuerterit illa venatio.* Et nisi iam mihi demonstrata infirmitate mea citate admoneas, vanus hebesco. Secundo si cognitione sensitiva ordinetur ad aliquid noxiū; sicut inspectio mulieris ordinatur ad concupiscentiam; & curiosa inquisitio eorum, quæ ab alijs sunt, ordinatur ad detrahendum.

Si quis autem, inquit Sanctus Thomas cit. articulo 2. cognitioni sensibilium intendit ordinare, proper necessitatem sustentanda naturæ, vel propter studium intelligenda veritatis, est virtuosa studiositas circa sensibilem cognitionem. Sicut etiam profficeret facta aliorum, vel inquirere bono animo, vel ad utilitatem propriam, ut scilicet homo ex bonis operibus proximi prouocetur ad melius, vel etiam ad utilitatem illius, ut scilicet corrigatur, si quid ab eo agitur viciose, secundum regulam charitatis, & debitum officij, est laudabile, secundum illud ad Hebr. 10. *Considerate vos in unicem, in prouocationem charitatis, & bonorum operum.*

Et quamvis etiam luxuria & gula in cognitione sensitiva versentur, differunt tamen à curiositate; quia illæ versantur circa delectationes, quæ sunt in ipso usu rerum tangibilium. At vero circa delectationem cognitionis omnium sensuum, est curiositas; & vocatur concupiscentia oculorum; quia oculi in cognitione sensitiva principatum obtinent. Quare etiam omnia sensitilia videri dicuntur, iuxta Augustinum lib. 10. confess. cap. 35. qui ibidem subiungit: *Ex hoc evidenter discernitur, quid voluptatis, quid curiositatis agatur per sensus, quod voluptas pulchra, suauia, canora, sapida, lenia sectatur. Curiositas etiam his contraria tenet causam, non ad subeundam molestiam, sed experientiæ noscendique libidinem.*

Quæritur secundò, quæ & qualis virtus sit modestia, prout in externis corporis motibus moderandis versatur, & speciatim quid sit Eutrapelia, quæ ludos, iocosque moderatur.

**ASSERTIO I.** Datur aliqua virtus modestia, quae versatur circa compositionem exteriorum motuum corporis. Ita Sanctus Thomas quæstione 168. art. 1. ex Ambrofio lib. 1. de officijs cap. 19. vbi ait: *Sicut molliculum & infractum vocis sonum, aut gestum corporis non probet; ita neque agrestem ac rusticum.* Naturam imitemur; effigies eius formula discipline, forma honestatis est. Et ibidem, cap. 18. ait: *Est gressus probabilis, in quo sit species auctoritatis, grauitatisque pondus, tranquillitatis vestigium; ita tamen si studium (scitum) defit, atque affectatio, sed motus sit purus ac simplex.* Et addit, *Habitu mēris in corporis statu cerni, & vocem quandam animi esse corporis motus.* Quod etiam traditur Eccl. cap. 19. v. 26. Ex visu cognoscitur vir, & ab occursum facies cognoscitur sensatus, amictus corporis & roris dentium, & ingressus hominis enuntiant de illo.

Ratio est. Sicut enim membra exteriora ad hominis integritatem & perfectionem pertinent, & sua natura ad imperium rationis monentur; ita etiam ad honestatem ac virtutem pertinent, eorumdem motus recte componere; tum vt conueniant persona operari, tum utracommodati sint etiam alijs circumstantijs, puta personis, negotijs, locis, iuxta illud Ambrofij lib. 1. de officijs cap. 19. *Hoc est pulchritudinem vivendi tenere, conuenientia cuique sexui & personæ reddere.* Hic ordo gestorum optimus, hic ornatus ad omnem actionem accommodus.

212

Et quamvis S. Thomas eodem art. 1. ad 3. significet, hanc modestiam non esse specialem virtutem, sed reduci ad duas virtutes, quas, inquit, *Philosophus tangit 4. Ethic. cap. 6. & 7.* nimur vel ad amicitiam, aut affabilitatem, qua attenditur circa delectationes & tristitia, quæ sunt in verbis & factis, in ordine ad alios, cum quibus homo conueratur; si nimur exteriores motus spectentur, quatenus homo per eos ordinatur, ad alios: vel ad virtutem veritatis, qua quis tales exhibet se verbis & factis, qualis est interius; si motus illi spectentur, quatenus sunt signa interioris dispositionis: nihil tamen obstat videtur, quo minus ea ipsa modestia dicatur virtus specialis, si motus ijdem spectentur, quatenus per se, quandam habent cum persona operante conuenientiam, vt in simili de Eutrapelia dicetur.

**ASSERTIO II.** Sed & circa ludos & iocos moderandos, quinon unquam ad animi solamen viles sunt, versatur aliqua virtus, quam Eutrapeliam vocant; & nos dicere possumus honestam, incunditatem. Ita S. Thomas quest. 168. art. 2. ex Aristotele 4. Ethic. cap. 8. Ratio est; quia remissio quadam animi, ac delectatio in honestis ludis & iocis posita, necessaria est homini, ad fatigacionem ex laboribus & animi intentione nasci solitam sublevandam; ita vt sicut fatigatio corporis quiete eiusdem remittitur: ita etiam fatigatio animalis sublevanda sit animi quiete, quæ est delectatio, intermissa intentione & cura insistendi studio rationis, interpositis quibusdam ludicris, vel iocosis; ad quæ proinde moderanda necessaria est aliqua specialis virtus; quæ quidem quatenus per eam homo refrenatur ab immoderantia ludo-

rū, sub modestia continetur, vt ait S. Thomas cit. a. 2. De hac virtute Augustinus lib. 2. musicæ cap. vlt. ait: *Volo tandem tibi parcas. Nam sapientem decet interdum remittere aciem rebus agendis intentam.* Et in collationibus Patrum collat. 24. cap. 21. legitur, S. Ioannem Euangelistam, cum aduertisset quandam scandalizatum fuisse, quod cum discipulis suis ludere visus esset exemplo arcus, qui continua intentione frangitur, docuisse, necelatio etiam hominis animum frangi, si nunquam animi intentio remittatur.

**ASSERTIO III.** Ea mentis relaxatio, vt honesta sit, tria necessaria obseruanda sunt. 1. Caudum, vt delectatio non queratur in aliquibus operationibus, aut verbis turpibus, seu nocivis. De quo monet Cicero lib. 1. de officijs, vnum quoddam iocandigenus esse illiberale, petulans, flagitiosum, obscenum.

2. Ne totaliter grauitas animæ resoluatur; seu quod idem est, ne animus nimium in iocos & ludos effundatur. De quo monet Ambrosius lib. 1. de Offic. cap. 20. *Caveamus, ne dum relaxare animum volvamus, soluamus omnem harmoniam, quasi concentum quandam bonorum operum.* Et Cicero lib. 1. de officijs: *Sicut pueris non omnem ludendi licentiam damus, sed eam, quæ ab honestis actionibus non sit aliena, scilicet in ipso ioco aliquid probi ingenij lumen lucet.*

3. Ut congruant personæ, tempori, & loco, & secundum alias circumstantias debite ordinentur; ita vt ludus seu iocus, & tempore & homine dignus sit, vt monet ibidem Cicero. Qua ratione à doctrina & concionibus sacris, ob dignitatem rei, par est omnem iocum abesse, vt ex Ambrofio lib. 1. de officijs cap. 23. monet S. Thomas cit. articulo 2. ad 1.

**ASSERTIO IV.** Circa ludicra & iocosa frequenter quidem & grauius peccatur quadam superfluitate, & per excessum; idque seu mortaliter, seu venialiter pro ratione materiæ, aut circumstantiarum: peccari tamen etiam potest per defectum, nimia quadam austерitate, si quis & ipse nihil unquam delectabile proferat, vel admittat, & delectabilia ab alijs prolata moleste rejicit. Ita Sanctus Thomas quæstione 168. Ratio est: quia virtus & virtutis moralis honestas in medio consistit; circa quod utrinque per extremum aliquod peccari potest, vt etiam docet Aristoteles 4. Ethic. cap. 8. vbi eos, qui per defectum hac inrepeccant, duros & agrestes vocat. Quod tamen ipsum per se ac ex suo genere minus vitiosum censetur; quia delectatio & quies non propter se queruntur in vita humana, sed propter operationem, cuius quasi sal est & condimentum, iocus seu ludus non perse, nec in magna quantitate expetendum iuxta Aristotelem 10. Ethic. cap. 6. & 9. Ethic. cap. 10.

Quod si quis ludi causa utatur verbis, vel factis ex se mortiferis, sive propter obscenitatem, sive quia vergunt in proximi, monumentum; vii fuerunt pleraque antiquorum spectacula, a Chrysostomohomil. 6 in Matthæum, aliquique Patribus reprehensa, tum excessus in ludo erit peccatum mortale.

At

At si excessus solum contingat circa alias circumstantias, vt si quis vtratur ludo, tempore vel loco indebito; aut etiam præter decentiam negotij, vel personæ, id quidem aliquando poterit esse mortale, propter vehementiam affectus ad ludum, cuius delectatio præferatur dilectioni Dei, adeoque graui præcepto Dei vel Ecclesiæ: quandoque autem solum est veniale, si quis ludo non eosque afficiatur, vt idcirco velit Deum grauiter offendere. Quo in genere ea peccata videntur frequentiora, quod ludus immoderatè & diutius, vel frequentius, quam par est, aut propter se, non propter debitum finem, qui est moderata animi recreatio, expetitur & exercetur, vt docet S. Thomas eodem a. 2. ad 2. & 3. Ex quibus etiam histrionum actiones & officia iudicanda sunt; ea enim vniuersim non sunt illicita, vt docet S. Thomas a. 3. ad 3.

Quæritur quinto, quæ & qualis virtus sit moderationis circa exteriorem ornatum seu habitum corporis; & quenam oppositi vitii sit ratio.

**A S S E R T I O I.** Sicut circa exteriorem apparatus & ornatum varie peccari contingit, ita etiam varie versantur virtutes. Ita Sanctus Thomas quæstione 169. articulo 1. ex Ambrosio lib. 1. de officijs cap. 19. vbi circa ipsum etiam vestitum certam moderationem præscribit: *Decor corporis non sit affectatus, sed naturalis, simplex, neglectus magis, quam expeditus, non pretiosus & aluentibus adiutus vestimenta, sed communibus: ut honestati vel necessitatibus nihil desit, nihil accedat nitori.* Idem patet ex Apostolo 1. ad Timoth. i. v. 9. *Mulieres in habitu ornato, cum verecundia & sobrietate ornantes se, & non intortis crinibus, aut auro, aut margaritis, vel ueste pretiosis: sed quod decet mulieres, promittentes pietatem per opera bona.*

Ratio est. Quia circa usum vestium generatim duplex immoderatio accidit. Primo si defescat à consuetudine hominum, cum quibus vivuntur; *Turpa enim omnis pars est suo uniuerso non congruens,* vt dicit Augustinus lib. 3. confess. lib. 8. Secundo ex immoderato affectu ventis. De quo Augustinus lib. 3. doctrinae Christianæ cap. 12. *In usu rerum abesse oportet libidinem; quæ non solum ipsa eorum, inter quos vivunt, consuetudine nequiter abutitur, sed etiam sepe fines eius egressa, fidelitatem suam, que inter claustra morum solemnium latitabat, flagitosissima eruptione manifestat.*

Hæc autem inordinatio affectus contingit tripliciter, quantum ad excelsum. 1. Si ex superfluo cultu vestium humana gloria quæritur, vt exemplo diuitiis epulonis docet Gregorius homil. 40. in Euangelia. 2. Si cultu superfluo quærantur delitiae. 3. Si nimia sollicitudo vel cura adhibetur in cultu corporis.

Qua ratione Andronicus constituit tres virtutes circa exteriorem cultum, scilicet humilitatem, quæ excludit intentionem glorie; per se sufficientiam, quæ excludit intentionem deliciarum; & simplicitatem; quæ excludit superfluum sollicitudinem & curam. Quod tamen non obstat, quo minus peculiaris sit virtus modestia, quæ in vestitu decentiam ac moderationem debitam trucatur: cum etiam per se sufficientia & simplicitas

aut non sint speciales virtutes, aut ab eadem virtute modestia in hac materia distingui non videantur &c.

Sed & in eodem genere per defectum duplex accidere potest inordinatio affectus. Primo ex negligientia hominis non adhibentis studium vel laborem, vt exteriori cultu decenter vtratur, iuxta Aristotelem 7. Ethic. cap. 7. Secundo ex parte finis, cum ipse defectus exterioris cultus ad gloriam ordinatur, vt docet Augustinus lib. 2. de sermone Domini in monte cap. 19. & lib. 3. de doctrina Christiana cap. 12.

**A S S E R T I O II.** Etsi mulierum ornatus ad placendum viris suis peccatum non sit; ad concupiscentiam tamen, & vanitatem relatus culpa non vacat. Ita Sanctus Thomas cit. quæstione 169. articulo 2. Probatur & declaratur. Quia cultus & ornatus vestium res per se indifferens est; qui proinde pro circumstantiarum ac preciue finis diversitate, bonus esse potest, vel malus. Finis autem ex se bonus est, placere viro suo, iuxta Apostolum 1. Corinth. 7. v. 33. 34. malus est, si ad lasciviam, vel placendum inaniter alijs viris referatur, iuxta illud Proverb. 7. v. 10. *Eccœ occurrit illi mulier ornatu mereetricio præparata, ad capiendas animas.*

Quare mulieres illæ, inquit Sanctus Thomas, quæ viros non habent, nec volunt habere, vel sunt in statu non habendi, non possunt absque peccato appetere placere virorum affectibus ad concupiscentiam; quia hoc est dare eis incentiu[m] peccandi. Et si quidem hac intentione se ornent, vt alios provocent ad concupiscentiam, mortaliter peccant. Si autem ex quadam levitate, vel etiam ex quadam vanitate, propter iactanciam quadam, non semper est peccatum mortale, sed quandoque veniale. Et eadem ratio quantum ad hoc est de viris. Ita S. Thomas.

Quibus consentit Augustinus epist. 73. ad Possidum, vbi tamet addit, quod capillos (multo magis peccatum) nudare feminas, quæ etiam caput velare Apostolus iubet, nec maritatas decet. In quo tamet casu, inquit Sanctus Thomas eodem articulo 2. possent aliquæ peccato excusari, quando hoc non fuerit ex aliqua vanitate, sed propter contrariam consuetudinem; quamvis talis consuetudo non sit laudabilis.

Ita etiam mulierum fucatio, cum sit species quadam fictionis, non vacat peccato, vt ex Cypriano lib. de habitu Virginum, & Augustino epist. 73. ad Possidum docet S. Thomas eodem articulo 2. ad 2. vbi addit; non semper tamet talen fucationem esse peccatum mortale; sed solum quando sit propter lasciviam, vel in Dei contemptum; in quibus casibus loquitur Cyprianus. Similiter etiam, inquit, aliud est fingere pulchritudinem non habitam, & aliud occultare turpitudinem ex aliqua causa provenientem, puta agritudo, vel aliquo huicmodi. Hoc enim est licitum; quia secundum Apostolum 1. ad Corinth. 12. v. 23. *Quæ putamus ignobiliora membra esse corporis, his honorem abundantiores circumdamus.* Qua ratione etiam intelligitur illud 1. Petri 3. v. 3. *Quarum non sit extrinsecus capillatura, aut circumdatio auri aut indumenti vestimentorum cultus.*

222 *Vt vero mulier vtratur veste virili, aut è conuerso, licet absq; causa illicitum sit, ac merito prohibutum Deuteronomij 22. v. 5. eo quod ultus exterior conuenire debeat conditioni personæ, secundum communem consuetudinem; & præcipue quia hoc potest esse causâ lascivie: potest tamen id quandoque fieri sine peccato, propter aliquam necessitatem, vel causa se occultandi ab hostibus, vel propter defectum alterius vestimenti, vel propter aliquid aliud eiusmodi, vt docet S. Thomas eodem a. 2. ad 3.*

223 *Ex quibus etiam iudicium faciendum est de artibus, quæ ad eiusmodi res conficiendas ordinantur. Nam si qua ars est, inquit Sanctus Thomas eodem art. 2. ad 3. ad faciendum aliqua opera quibus homines vti non possunt absque peccato, tum id artificium erit illicitum, vtpote præbens alijs directe occasionem peccandi, p[er] si quis fabricaret idola, vel aliqua ad cultum idolatriæ pertinentia. De qua re*

actum est supra disput, i. quæstione 9. dub. 5. si qua vero ars est cuius operibus possint homines bene & male uti, scit gladijs, sagittis &c. usus talium artium non est peccatum. Si tamen operibus alicuius artij frequentius male uti continget, quamvis ex se non sint illicita, sunt tamen per officium Principi à custode extirpanda. Quia ergo mulieres licite se possunt ornare, vel vt conseruent decentiam sui statu, vel etiam aliquid super addere, vt placeant viris, consequens est, artifices talium ornamentorum non peccare, in vñstal artis; nisi forte inuiniendo aliquæ superflua & curiosa. Vnde etiam Chrysostomus homil. 50. in Matthæum monet, etiam ab arte calceorum & textorum multa abscedenda esse. Etenim artem ad luxuriam deduxerunt; necessitate superata, curiositatem arti male commissentes. Atque hæc de Temp. perantia.

## FINIS DISPUTATIONIS TERTIAE.

## INDEX DISPUTATIONIS IV.

## DE IVSTITIA ET IVRE.

## Quæstio I. De Iure, &amp; Dominio.

- Dubium I. *De varijs acceptiōibus iuris; ac speciatim quid, & quotuplex sit ius, ad rem, vel personam aliquam.*  
 II. *Quid sit dominum perfectum; quid item usus fructus, seruitus, usus, & an usus rei semper sit a domino separabilis.*  
 III. *Quid & quotuplex sit possessio; quomodo acquiratur, & quinam eius sint effectus.*  
 IV. *De fundamento, subiecto, & obiecto dominij.*  
 V. *De origine, & varijs modis acquirendi dominium in genere.*  
 VI. *De prescriptione & usucacione, velut celebratissimo modo acquirendi dominium; speciatim quid sit; quas conditiones requirat, quos effectus habeat; & quantum temporis ad cuiusque rei prescriptio nem sit necessarium.*  
 VII. *De iure, prout est obiectum iustitia, eiusque varijs diuisiōibus.*

## Quæstio II. De Iustitia, eiusque varijs speciebus.

- Dubium I. *Quid, & quotuplex sit iustitia in genere.*  
 II. *Quid, & quotuplex sit iustitia legalis.*  
 III. *Quid sit, & circa quam materiam versetur iustitia particularis.*  
 IV. *De diuisione iustitiae particularis, in commutatiuum & distributiuum.*  
 V. *An iustitia vindicativa, & economica sint distinctæ species iustitiae.*

## Quæstio III. De iudicio priuato &amp; suspicione.

- Dubium I. *Quid & quotuplex sit iudicium, & quomodo sit actua iustitia.*  
 II. *De suspicione seu iudicio priuato; præsertim temerario; an & quale sit peccatum.*  
 III. *An, & quaratione dubia sint in meliore partem interpretanda.*

## Quæstio IV. De processu iuridico in criminibus ordinarijs, adeoque de iustitia &amp; iniustitia iudicis, rei, accusatoris, testimoniis, aduocati.

- Dubium I. *De iustitia & iniustitia iudicis; speciatim an, & qua ratione iudicium publicum si licitum, ex parte ipsius iudicis; deque iurisdictione eidem necessaria.*  
 II. *Vtrum iudex semper secundum leges, aut allegata & probata iudicare & sententiam ferre debeat; etiam condemnando innocentem.*  
 III. *An & quomodo sententia iudicis ob iniustitiam sit irrita; præsertim in causis beneficiorum.*  
 IV. *Quis processus generatim à iudice in iudicando sit seruandus.*  
 V. *De iustitia & iniustitia rei.*  
 VI. *De iustitia & iniustitia accusatoris, testimoniis, aduocatis.*

## Quæstio V. De processu aduersus crimina excepta; ac speciatim aduersus crimen beneficij.

- Dubium I. *Quanam velut principia in hac re supponenda sint.*